




Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
382 M 17 [1]





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
382 M 17 [1]



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
382 M 17 [1]




Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
382 M 17 [1]


382 KW


M 17


1-3


1700-1701























382

M 17

1

Koninklijke
bibliotheek
te 's-Grave.

Præfatio ad Filium.



EA rerum humanarum conditio est, G I S - B E R T E fili, ut hominum vulgus, de omnium artium ac scientiarum præstantia ac vilitate, sibi summat Judicium, & ut plurimum, propter abusum, hominumque malitiam, scientiam artemque humanæ societati utilissimam, maximèque necessariam, rejiciat atque contemnat: perperam certè de rebus ipsis judicans. Neque enim, ut rectè quidam dixit, propter sycophantas, & sophistas, cæterarumque rerum abusum, eloquentia, & ipsæ res, sed illi qui bonis rebus abutuntur, in crimen vocari

A 2

de-

debent. Cùm nulla res tam sit bona ac salutaris, quæ malè utendo, depravari non possit: Quemadmodum quoque nihil in rebus humanis tam sanctum, tam pium, denique tam cœleste est, quod hominum corruptissimi mores, sibi non vertant in perniciem. Exemplo sunt scientiæ illæ primariæ, Theologia nimirum, Jurisprudentia, & ars Medica: quæ licèt in humana vita, & ad rempubl. bene feliciterque administrandam, usque adeò necessariæ sint, ut iis pulsis atque remotis, summa rerum omnium confusio, quam ἀταξία Græci vocant, succedat: quotidiana tamen docemur experientiâ, præclaras istas scientias, hominum malignitate ac vitiô tantopere perverti, ac abusu fœdari, ut loco salutis, & præsentis & futuræ, quam adferre

adferre possunt & debent , homi-
nem in malorum lernam , æternum-
que interitum præcipitent atque
demergant. Etiam si enim Theolo-
giæ , præpotentis illius & gloriosæ
omnium artium reginæ scopus fi-
nisque sit , hominem ad veram Dei
notitiam adducere , quâ ad sui ipsi-
us quoque notitiam pervenit , ti-
morem divini numinis hominum
animis incutere , quò à peccatis a-
vertantur , & ad immortalis vitæ
beatitudinem assequendam homi-
nem præparare : Eâ tamen impie-
tate & perversitate , in literis sacris
docendis explicandisque , à multis
retrò seculis , Spiritus quidam er-
roris , ac mendaces magistri (ita
enim eos vocat D. Paulus) versati
sunt , & versantur etiamnum , hóc
seculò corruptissimò , sacræ Scri-
pturæ locis , ad errores suos stabi-

liendos, ac prava dogmata detortis
abutentes, ut magna pars homi-
num, hōc nostrō, heu nimis infe-
lici ævō non solū ad perniciosas,
damnatasq̃ue hæreres, & dogma-
tum monstra, fidei simul ac con-
cordiæ Christianæ venena, sed i-
psissimum Atheismum decurrat at-
que delabatur: Cū tamen nemo
sit tam obesæ naris, corruptiq̃ue
judicii, qui id Theologiæ sacrę im-
putandum, ascribendumq̃ue arbi-
tretur. Et quidam rectè dixit, non
ideò damnandam esse sacrarum li-
terarum exactam cognitionem, si
quidam suō vitiō, sibi vertant in
perniciem, quod suapte naturā
bonum est ac salutiferum. Consi-
militer quoq̃; de Jurisprudētia &
arte Medica dici potest; quarum
illa, licet dicta factaq̃ue hominum,
ad juris Iustitiæq̃; normam compa-
nat,

nat, certisq̃ue regulis, præceptisq̃ue
constringat, & ut unicuiq̃ue quod
est suum, tribuatur, efficiat: Hæc
corporis sanitatem, aut à morbis
præservet, aut amissam restituat at-
que restauret; Lippis tamen &
tonforibus notum est, homines
improbos, omni ætate, inventos
fuisse permultos, & nunc quoque
non paucos reperiri, qui & Iuris-
prudentiâ, & arte Medicâ ad per-
niciem, ad corruptelam, denique
ad magni parviq̃ue mundi contur-
bationem, abutuntur: Quis, quæ-
so, sanæ mentis, prædictis scientiis
artibusq̃ue propterea debitum ho-
norem laudemq̃ue abrogandam
detrahendamque existimabit? Ini-
qua siquidem (teste Cicerone) in
omni re accusanda, prætermis-
sis bonis, malorum numeratio, vitio-
rumq̃ue selectio: Nam istô modô,

A 4

ut

ut idem Cicero ait, vel consulatus
vituperabilis est, si consulum, quos
enumerare nolo, peccata college-
ris. Quod & de rebus omnibus ac
Dei donis ad usum vitæ suppeditatis
ac necessariis, dici potest, quæ
tamen propter abusum non reji-
ciuntur neque damnantur. Deni-
que quid est in rebus humanis tam
felix, cui non suæ pestes sint addi-
tæ? Quid tam malum, quod non ali-
quam utilitatem adferat? nam &
ex viperæ carne singulare morbis
remedium fit, quod theriacam ap-
pellant. Quod si ita se res habeat,
uti revera se habet, non te turbare
debet, Gisberte fili, vel alium,
quemcumq; Advocatum probum,
quod advocationem rem pulcher-
rimam (teste Plinio Secundo in
Epistolis) tantopere plerique ho-
mines infectentur, probrisque ex-
cipiant

icipiant , quorundam improborum
Advocatorum perfidiâ commoti.
In quos & veteres Jureconfulti , &
moderni meritò invehuntur , con-
viciaq; projiciunt : Digni siquidem
sunt qui traducantur , ac perstrin-
gantur , & non foro tantum , sed
hominum quoq; societate pellan-
tur , & ad Scythas , aut Sauroma-
tas , & si quæ sunt aliæ magis ba-
baræ nationes , relegentur , nunquam
redituri. Te itaque moneo , Gis-
berte fili , ut professionis tuæ di-
gnitatem præ oculis habeas , nec à
tramite recto , ullius vel hominis ,
vel rei gratiâ , unquam deflectas ,
clientes tuos in causis justis , forti-
ter diligenterque tuearis atque de-
fendas : Id quod te facturum spe-
ro , si monita præceptionesq; meas
in hoc tractatu libenter legeris , at-
que telegeris , nec cujusquam ex-

emplō malō , à via virtutis abduci
te patiaris : Tibi siquidem , & fra-
tri tuo consanguineo Hectori , si
quando ad hanc professionem il-
lum pervenire contingat , hunc
qualemcumque laborem sumpsi ,
mihi gratulaturus , si ad alios quoq;
utilitatis aliquid inde promanave-
rit. Nec verò existimo , quemquam
tam morosum ac iniquum censo-
rem fore , qui mihi vitio verten-
dum arbitrabitur , quòd ipsemet
Advocatus , de officio Advocati ,
ad filium Advocatum scribam ,
eumque præceptis salutaribus in-
struam , qui , exactis in hac profes-
sione annis triginta tribus , litibusq;
propemodum contritus , Homerici
cum illud de me prædicare non
verebor , *οἶω γ' οἶδα ἕκαστα καλὰ τὲ καὶ
τὰ χερῆα* : imò teste Nasone ; *Seris
vivit usus ab annis , Praxis quidem
foren-*

forensis scientiam, multò felicius
perfectiusque, ex Tancredo, Spe-
culatore, Ferrariensi, Maranta,
Schenck, aliisque consummatissi-
mis practicis hauries, sat scio, sed
hujus Curiae stylum, formamque
procedendi in causis, tum civili-
bus, tum capitalibus, & quæ in iis
tractandis vel observanda, vel fu-
gienda, vitandaque sunt, hic tracta-
tus noster, aliquatenus tibi suppe-
ditabit, nisi me fallit animus. Ut
ut sit, tibi gratum fore hunc labo-
rem meum nihil addubito, certus,
nihil à me proficisci, quod tu gra-
tissimò animò, ac peramanter non
sis amplexurus. Vale, Gisberte fili,
& Ethnici Poëtæ sententiam hanc
planè Christianam: *Est profectò*
Deus, qui, quæ nos gerimus, audit-
que & videt, menti tuæ imprimas
infixamque retineas, quæ sæpius
rnm-

ruminata efficiet, ut nihil dicturus
facturusque sis, imò ne quidem co-
gitaturus, quod Deum ex alto res
actionesque hominum prospicien-
tem, ac corda renesque scrutan-
tem offendere queat. Leovardix
ipsis Calendis Januariis; Anno,
reparatæ salutis humanæ,
millesimo sexcentesimo
quarto.

I. Bou-

J. BOURICIO Jcto.

Quis labor est veterum obscuras involvere lites,
Quas movet Antisti schola quasq; Attejus; &
Conturbari ubi quæstor tonat horrida verba, (illis
In caput anquirens delati? ut serviat omnis
Bibliotheca tibi, ut faveat quam plurimus author,
Actio si languet, nihil est. Pecatur in usu;
Formæque inexperti suffundit nubila menti.
Ne videat dicenda, & ne prævisa loquaris.
Hoc senio gravis, & donatus jam rude nôras
BOURICI egregiè; & casus ficturus ad omnes
Nutantem patroni animum studio exigis horas
Noste pruinosas, ita dii tibi maxima donent!
Ingenium nam quis profudit largius? ergò
Non totus monumenti expers moriêre; sed ille,
Ille liber Latii decurso nominis orbe
Iam Gangis, Serumque petit confinia, & ingens
Oceanus quidquid citra, & circumsonat ultra.

Vendibili, ut ajunt, vino nil hedera est opus
Nec iste lenociniis
Laudum libellus indiget, sibi ipsemet
Haud vile præmium sui;
An sole lucem candido requirimus?
Obe locutus sum nimis.
Iam brachiis captatur omnium obviis,
Iamq; advocatis quæritur
Per officinas; & locum in frequentibus
Armariis tenet sophôn.

IOAN. LENSII, Icti. & Advocati



Benevolo Lectori S.

Meditationes hasce meas de Officio Advocati, in suprema Curia Frisiae, ante complures annos quasi delineatas ac adumbratas, & paulatim ad instar foetus ursini, lambendo in formam praesentem effigiatas, ac tandem ad umbilicum (quod dici solet) perductas, in manus hominum emittendas existimavi: Non quidem eò, quòd pro dignitate Advocationem à me tractatam, aut non ab aliis plenius doctiusq; pertractari posse, confidam, cùm hoc seculum nostrum, doctissimorum & exquisitorum hominum, in qualibet facultate, copiam proferat) sed potius, ne caducis tantùm laboribus, vitam hanc brevem fluxamq; fatigasse, silentioq; transegisse videar: Maximè verò, ut iis qui Praxin forensensem hujus Curiae aggressuri sunt, tanquam veteranus nauclerus, multis variisq; naufragiorum periculis ereptus, viam modumq; commonstrem, ut scopulos quosdam effugere,

AD LECTOREM.

re , ac veluti Scyllam Charybdimq³ præter-
navigare , & evadere queant. Scio equidem &
fateor , ac non sine animi dolore errores meos,
quibus in Praxi , tamquam undoso & æstuoso
pelago exagitatus ac involutus fui , quotidie re-
colo : sed quid facias ? conqueri licet , mutare
vel corrigere non licet. Illud certè Christiana
postulat charitas , quam Christus Dei filius, Ser-
vator noster , tantopere nobis præcipit & incul-
cat , ut alios idem iter ingressuros , meis pericu-
lis cautiore reddam , ne in consimiles aliquando
scopulos impingant. Quod si verò non eo ver-
borum ornatu , styloq³ terso ac limato hæc
meditationes conscriptas quisquam arbitrabi-
tur , aut alicubi à me erratum putabit , (nihil
enim tam humanum quàm labi & errare) da-
bit , ut spero , mihi in salebrosis practicum
traditionibus , annis ferme triginta tribus
versato , litibusque , tum exercendis , tum in
tribunalibus inferioribus decidendis , penè detri-
to , veniam. Neque enim aliud mihi scopum
propositum habui , quàm ut iis , qui deglutitis
in schola legibus , scabrosam illam difficilemq³
praxin forensam , (quàm velut asperam quædam
teupe-

AD LECTOREM.


tempestate relictâ, in tranquillum quendam & securum jam portum confugi, ut intra cor meum arcam salutis ædificem) auspicaturi sunt, in qua leges, ut ita dicam, digeruntur, ac in nutrimentum vertuntur, præceptionibus monitisq; datis prosum, eorumq; commodis inserviam. Quo fit, ut in spem certam adducar, fore, ut benevolus lector & symmysta mei operam hanc studiumq; meum æqui boniq; consulti sint, versiculi illius Flacciani memores: Est aliquid prodire tenus, si non datur ultra. Neque verò quemque fore reor tam iniquum rerum æstimatorem, qui me reprehendendum existimabit, quod alicubi datâ occasione, quosdam Advocatorum errores vitiaq; liberius insector, cum id sine cuiusq; fiat reprehensione, (neq; enim quisquam nominatim perstringitur) & materia ipsa istius modi taxationem interdum postulet. Vi ut est, è multis doctissimis præcticis, quos habet hæc ætas, qui mihi & ingenio, & dicendi facultate præstant, aliquem hisce meditationibus excitatum iri spero, qui de Officio Advocati, ex professo doctius, elegantiusq; Ciceronem, aut Fabium illum Quintilianum secutus, scripturus sit, ac rem pro dignitate, verborum-

AD LECTOREM.

borumque pondere pertractaturus. Id si factum fuerit, bene mecum actum putabo, nec me studii laborisq; hisce meditationibus insumpti, unquam pœnitebit. Quod si verò quisquam sit, qui aliqua parte à me erratum putabit, eum obnixè oratum volo, ut liberè candideque errores aperiat atque demonstret. Is enim sum, qui mediocritatis meae, curaq; suppellectilis non ignarus, labi & errare me posse, libens profiteor, & errores commonstratos promptissimè sum agniturus, & correcturus. Proinde hâc præsenti epistolâ, coram omnibus protestor, nihil mihi, qui veritatem justitiæ matrem, rebus omnibus anteponendam agnosco, & hujus tractationis patronam constituo, gratius accidere posse, quàm si errores mihi declarati fuerint. Quem non solum humana fragilitatis communis sors ab omni probro tuebitur, sed & illa celebris apud Xenophontem sententia, quæ habet: Haud facile opus aliquod reperias, cujus nullam partem quisquam reprehendat: difficile namq; est, ita quicquam peragere, ut nihil erres. Et quod Imperator Iustinian. ipsemet quoque declarat; Omnium habere memoriam, & penitus in nullo peccare

AD LECTOREM.

*care, divinitatis magis quàm mortalitatis esse,
ab omni reprehensione contemptúque fa-
cili negociò me vindicabit. Vale, Benevole
Lector, & quicquid tandem est quod offertur,
hilari fronte, & in bonam partem accipe. Ipsis
Cal. Ianuariis. 1605.*



DE

DE OFFICIO ADVOCATI

CAPUT PRIMUM.

*De Etymologia vocabuli, &
variis Advocati appella-
tionibus.*

ANTEQUAM ad ipsam tractationem accedamus, operæ precium facturos nos arbitramur, si vocabuli etymon explicemus, ac præmittamus, quòd in aliis omnibus disciplinis factitandum esse suadet *Ulpianus L. 1. ff. De justit. & Iure.* Et nemini quidem dubium est, quin à compositâ dictione, Advoco, derivationem habeat: Advocare siquidem significat, aliquem ad se vocare, alicujus rei gratiâ: In hac nostra materia, significat, aliquem ad se vocare, ut ope consilióque adsit, ac in Iudicio patrocinium præstet: Hinc Advocatus, qui in exercenda lite, alicuius suggerit ac præsentiam commodat,

2 DE OFFICIO.

dat. Varias autem esse Advocati
 appellationes, extra controversiam
 est: Aliquando enim causarum patro-
 nus, *l. 4. ff. de postulando l. advocati C.*
de advoc. divers. judic. nonnunquam
 causidicus, *l. 6. C. de postulando l. 2. C.*
de Advoc. divers. jud. subinde orator,
 sæpè togatus dicitur *l. 3. 5. 6. 8. 9.*
C. d. Tit. Ambros. Epist. ad Marcellum.
 24. Esse verò nomen honoris ac di-
 gnitatis, testantur Imperatores Tit.
 suis De Advocatis diversorum Judi-
 cum, & de Advocatis diversorum
 judiciorum: Quod usque adeò ve-
 rum est, ut Zalius *ad Tit. de just. &*
jure. dicat & colligat, Iudæos docto-
 res & Advocatos esse non posse, ob
 id quòd Advocatum esse, dignitas sit,
l. laudabile. C. de Advoc. div. jud. l. si-
nali C. de postulando. unde & infames
 ab Advocatione repelluntur, *l. 1. &*
3. ff. de postulando. qui tamen ut &
 Iudæi, Procuratores esse permittun-
 tur, quod vile munus sit procuratoris
§ fin. Inst. de excep. glosa & Bart. Por-
 rò & Syndici universitatum Advo-
 cati dicuntur ac defensores, quos
 vulgus improprie Pensionarios ap-
 pellat, ex eo quod salarium è publico
 perci-

ADVOCATI. 3

percipiant, quod abusivè pensionem
nom. cùm pensio apud classicos sit id,
quod pro alicuius rei usu solvitur, ve-
luti domus, vel agrorum pensio,
quam conductores solvunt locatori-
bus suis *l. lecta. §. igitur. ff. de rebus
creditis*. Imperator verò Iustinianus,
honorificis nominibus Advocatos
appellat, quos nunc judiciorum a-
thletas, nunc oratores maximos, &
justitiæ satellites appellat. *in proem.*
Pandectarum versic. discip. Alciatus in
l. credimus C. de pactis. eos nominat
patronos & oratores causarum, qui in
foro, & vivâ voce causas tuentur.

CAP. II.

De Definitione seu descri- ptione Advocati.

ETymologiam vocabuli, varias-
que Advocati appellationes, cap.
primo retulimus, ex quibus definitio-
nem non difficulter colligere licet,
quem his verbis definimus: Advoca-
tus est, qui in iudicio, apud eum qui
Iurisdictioni præest, causis agendis
vacat operamque navat, atque præ-
sentiam

4 DE OFFICIO

sentiam suam vocatus commodat.
c. dilect. de dolo & contumacia. Nam
qui excusat eum, qui ipsemet in jus
venire nequit, nec alium mittere pot-
est, proptiè excusator dicitur. Quod
plerumque in causis judiciisq̃ue capi-
talibus contingere solet, in quibus
admittitur aliquis, ut reum absen-
tem excuset. Definitioni autem
prædictæ congruit ea descriptio
quam ponit Ulpianus *L. I. vers. ad-
vocatos. ff. de variis & extræord. cognit.*
his verbis: *Advocatos accipere debemus
omnes omnino, qui causis agendis, quo-
quo studio operantur.* Quâ quidem lar-
gâ descriptione & Procuratores
comprehenduntur. Nam & illi liti-
bus in judicio peragendis, dant ope-
ram. Inter eos autem licèt magna sit
vicinitas; duobus tamen potissimùm
secernuntur: quod nimirum procu-
rationem nemo invitus suscipere te-
neatur, *l. invitus C. hoc tit.* Advocatus
verò etiâsi nolit, à prætore dari possit
l. 1. §. ait prætor ff. de postulando. Hi di-
gnitatem habeant; illi nullam, cum &
viles esse procuratores possint, ut an-
tè dictum est. Deinde, quod in Advoca-
to prætereà requiritur Iuris scien-
tia,

ADVOCATI.

tia, tempore ab Imperatore Iustinia-
 no præfixo. §. *sed quia verò soli um, in*
Proœmi; Pandectarum, acqulita, titu-
 lisque, Doctoratus vel Licentiæ in-
 signita atque comprobata: Quorum
 neutrum in Procuratore requiritur,
 sæpe idiotis ac Latinæ linguæ imperi-
 tis, apud iudices inferiores causas
 agentibus. In hac patria nostra, in
 Suprema Curia, Procuratores causas
 in foro dicere nunc non permittun-
 tur, licet ex antiquis Curia præ-
 dictæ Commentarius, liquidò pateat,
 Procuratores quoque admissos fuisse
 sicut etiamnum in Curia Hollandica
 fieri videmus, & nos, cùm in magno
 Senatu Mechliniæ Advocati munere
 fungeremur, fieri quoque conspexi-
 mus. Ut autem revertamur unde
 digressi sumus, dicimus, ut antè quo-
 que diximus, Advocatum esse eum,
 qui jus suggerit, ac præsentiam suam
 amico vel cuilibet alii, patrocinium
 opemque ejus desideranti, commo-
 dat. Omnium autem optimè ac ho-
 norificentissimè, non tam definiunt
 quàm describunt Advocati munus,
 utilitatem & necessitatem Impp.
 Leo & Anthemius, *l. advocatis. C. de*
Advoc.

*Advoc. divers. indiciorum quorum hæc
verba sunt, advoca i, qui dirimunt am-
bigua fata causarum, suæq; defensionis
viribus, in rebus tam publicis, quam pri-
vatis lapsa erigunt, fatigata reparant
non minus providentes humano generi
quàm si præliis, atq; vulneribus, patriam
parentesq; salvarent, qui gloriøsæ vocis
confisi munimine, laborantium spem, vi-
tamq; posteros defendunt. Qua quidem
descriptione periphraistica, non solùm
munus officiumq; Advocati gra-
phicè declarant prædicti Impp. sec
& dignitatem amplitudinemq; o-
mnibus numeris absolutã, ob oculo
ponunt ac prædicant. Quam legem
nos aliquando, si Deus permiserit
latius persequemur, ac de dignita-
te Advocationis ex professo tracta-
bimus, ut eorum, qui huic professio-
ni parum æqui, imò iniqui planè sunt
hoc ævo, contradictiones contem-
ptionesq; redarguamus ac revinca-
mus. Quamvis autem in jure. pro-
miscuè Advocati dicantur, & causa-
rum patroni, & causidici, & orato-
res, & Procuratores, atque etiam
cognitores, distinguuntur tamen a-
pud classicios autores, *Budæus in ad-
notat.**

ADVOCATI. 7

notat. ad Pandectas. cui patronum dicunt esse eum, qui defendit alium in iudicio, & orator dicitur Advocatum qui ius suggerit: Procuratorem qui negociū suscipit, mandato etiam absentis: Cognitorem verò, qui præsens causam novit & sic tuetur ut suam. Quid autem inter Cognitorem & Procuratorem intersit, tradit Alciatus, *lib. 2. parerg. cap. 5.* quem consulere licebit. Nos superiùs adductis contenti, non putamus necesse esse, hisce diutius immorari.

CAP. III.

*Quod sit officium Advocati
in genere, erga Deum &
homines.*

QUID sit Advocatus, & quemadmodum describatur, suprà diximus: nunc ordo nostri instituti postulat, ut de officio partibusque ejus dispiciamus. Ut autem hoc rirè tractetur, distinctione opus, est, & per partes describendum. Antequam autem ad istam Tractationem descenda-

B

cenda-

cendamus ac progrediamur, illud præmittendum arbitramur, Advocatum nimirum, ut cujuslibet hominis Christiani munus ac officium, duabus potissimum virtutibus contineri: Quarum prior est, ut rectè de Deo sentiat: Altera, ut rectè inter homines agat. Nisi enim Advocatus, ut Christianum decet, de Deo ac religione rectè sentiat, non est in numero Advocatorum recipiendus *l. fin. C. de postulando.* aut tolerandus: Et quidem meritò, cum præsumptio contra talem militet, quòd bonâ conscientia causas non sit acturus, sed potiùs operam daturus, ut turpis lucri gratiâ homines adversus se invicem, tanquam canes committat: quod ii facere consueverunt, qui litium concinnatores appellantur, quos Salomon in Proverbiis *cap. 16.* dicit lites fuscitare. Horum quoque meminit Ulpianus, *l. nequicquam §. circa advocatos ff. De offic. proconsulis.* quos Alexander ab Alexandro *lib. 4. genialium dierum cap. 15.* describens, dicit esse homines improbos, qui novas lites, simulatis captionibus, & cavillis improbis in longum ducere student.

Istius-

Istiusmodi Advocatus non verebitur quoque, lites efficitis mendaciis, verborumque lenociniis perpolire. Non erubescet quoque lites redimere quotidianas, atque pecuniâ mercari, illasq; pactionibus muneribusq; pellicere, qui & Vitilitigator, id est vitiosus litigator, fucatis argumetis, Iudici imponens, ac alienæ litis interceptor, dicitur: Quales, leges omnes omniâque Iura exosos habent, ac foro & Advocatione prohibendos, ac tanquam reipub. pestes ulceraque nocentissima; pestes, inquam, atque carcinomata pellendos fugandosque censent. Non cessabit quoque istiusmodi impius Advocatus prævaricari, id est, clientis sui jus causamque, parti adversæ prodere, &, ut Ulpianus inquit, diversam partem adjuvare, proditâ causâ suâ; & ut Saturnini verbis utamur, infidas advocationes exercere: *l. Athletas ff. De his qui not. infamia.* Denique excussio divini numinis metu, sacra prophanis, divina humanis miscere, & totam rempub. conturbare non desinet. Et sanè de istiusmodi Advocatis, accipiendus est locus Taciti à Lipsio allegatus in politicis,

B 2

IO DE OFFICIO

liticis, *lib. 2. cap. 11.* dicentis, publice mercis nihil tam venale esse, quam Advocatorum perfidia. Cui congruus locus ibidem ex Columella citatus, qui infidam Advocationem, concessum dixit esse latrocinium. Quae convicia & dicta, utique Advocatos probos non tangunt; quos bene testimonium conscientiae quae a homine divelli nequit, ac mille testimonium instar est, quamque D. Paulus Apostolus, gloriam dicit esse Christianorum, abunde solari poterit. Illi siquidem persuasum sibi habent, in occultissimis recessibus, & procul ab omnium oculis, atque adeo in corde ipso arque anima, se habere a circumferre Deum arbitrum, testem & judicem, omnium etiam cogitationum suarum, cuius praesentiam reveriti, nihil non modo faciunt, sed ne in animum quidem admittunt, quod est nefarium ac turpe.

CAP. IV.

Quomodo recte inter homines aget Advocatus.

RECTE inter homines agere, ut est
Rcujuslibet hominis Christiani,
 ita

ADVOCATI. II

ta vel maximè Avocati. Nam cum
 virtutis laus omnis in actione confi-
 rat, (teste Cicerone) & eum sibi
 opum propositum habeat Advoca-
 us, ut in iudicio laborantibus suo pa-
 rocino adsit, opem subsidiúmque
 ræstet, iudicem de causæ meritis,
 onâ fide rectâque conscientiâ in-
 ruat, quò id quod justum legibus-
 ue subnixum est, decerni, atque eâ
 iâ reipub. tranquillitas conservari
 offit. Utique Advocato ad labo-
 andum enitendúmque est, ut quoad
 eri potest, juris legúmque scien-
 am sibi comparet, ne illius ignora-
 one, aut Iudicem in errorẽ inducat,
 ut clientem amissâ lite, in inutiles
 imptus conjiciat Proinde operã da-
 e debet Advocatus, ut hac parte sibi
 rospiciat, jurisque cognitionem ex-
 uisitam comparet: Quam nisi perti-
 aci nixu, labore indefessò, teste Za-
 o, non consequetur, qui si in legib.
 on addiscit, dediscit. Nam ut exer-
 itatio continua confirmat scientiam
 a in exercitatio ignorantiam parit.
 Quod usque adeo Joanni illi Andreæ
 ordi fuit, ut annis viginti in lecto
 ormire noluerit, quò solidam juris
 B 3 scien-

scientiam sibi compararet, quam omnium quoque testimonio, summam consecutus est. Ad quam licet cuilibet adspirare non detur, operam tamen hanc dare debet Advocatus, ut, quatenus licet, jura legesque addiscat, non ignarus improbi labori cuncta cedere, ac prætere alius ituros, teste Fab. Quintil. In proximo Instit. Oratoriarum, qui ad summam nituntur, quam qui præsumpta desperatione, quod voluerint, evadendi, protinus circa ima substiterint. Neque verò reprehensionem tantum meretur Advocatus, si jus, in quo versatur, ignoret quod & turpe est, l. 2. §. Servius, ff. De orig. juris. sed insuper quoque poenis legum obnoxius redditur Triumviris siquidem juris regulæ sunt, quod quisque id scire teneatur, quod ad officium suum pertinet. Et quod imperitia culpæ adnumeretur. §. præter Instit. de l. Aquilia. Quod quidem usque adeo procedit, ut communis Doctorum calculo receptum sit; Advocatum, si notabili ignorantia, aut negligentia causam clientis sui Iustitiam perdat, tam in foro fori, quam poli ad refundenda parti damna teneri.

neri, *Spec. tit. de Advocatis : argumento*
l. idem juris. ff. ad l. Aquiliam. cū is
damnum dare dicatur, qui damni
causam præbet, vulgata juris nostri
regula. Deinde quoque summa ope
adniti debet Advocatus, ut Iuris præ-
cepta, quod profitetur, in omnia vita
observet. Quorum illud primum est,
ut honestè vivat, id est sobriè & con-
tinenter, neminem exemplo suo ma-
lo offendat. Nihil enim magis mores
vulgi corrumpit, quàm si videat viros
doctos ingenuisque artibus imbutos,
ac in dignitate quoque constitutos,
(advocatum siquidem esse, dignitas
est *d. l. laudabile C. de advoc. divers.*
judic.) dissolutè vivere, aleâ tempus
terere, luxûque diffuere: Ut è con-
trario nihil efficacius ad componen-
dos hominum mores, quàm probata
eorum vita, qui scientia & honore in
repub. præfulgent ac conspicui sunt.
Quæ ipsa quoque efficiet, ut nemo
ad injustæ causæ patrocinium ipsum
advocaturus sit. Solent enim homines
improbi, calumniosas injustasque
causas, iis advocatis committere,
quos norunt, solius lucri, è re quali-
bet redacti spem sibi propositam ha-
bere,

14 DE OFFICIO

bere, & absque ullo discrimine, passim clientibus operam suam locare, quos divinus ille Philosophus Plato accipitres pecuniæ appellat, qui tamen ipsi justum ac tenacem propositivum ita reformidant, ut limen domus illius subintrare erubescant. Quod si omnes Advocati ea integritate, & constantia, qua debent, lites tractarent, non ita malè ordo noster apud populum audiret. Sed quia cum perfectis (teste Cicerone) non vivitur, & præsens seculum nequam est, teste Apostolo, unusquisque, qui vocationi suæ satisfacere, Spartamque quam nactus est, ornare cupit, hanc dabit operam, hoc aget, hoc studebit, ut vitæ integritate nomen famamque sibi comparet talem, ut credant homines, nihil inhonestè, nihil injustè, nihil malitiosè facturum, etiamsi Deum hominesque fallere posset, quippe qui scit & firmiter credit, Deum nihil vel dictum, vel factum, vel cogitatum, latere posse.

CAP V

CAP. V.

*Quod non sufficiat, si Advoca-
tus honestè vivat, nisi
ab alterius læsione absteineat,
& unicuiq; quod suum est,
tribuat.*

PRæcepta juris prædicta, ut ad
omnes in universum homines,
nemine excepto, ita quoque ad Ad-
vocatum pertinent: Et eò quidem
magis, quòd professio in qua versa-
tur, illorum trium præceptorum ob-
servantiam ab eo postulet. Nam si
Advocatus est Iustitiæ minister, imò
& sacerdos, Ulpiano teste, *l. i. ff. De
iustit. & jure.* justitiam colens, æ-
quum ab iniquo separans, licitum ab
illicito discernens, certè nemo dubi-
tare potest, quin Advocatus, tum de-
mum officium facere censebitur, si
Deo quod Dei est, λατρείαν, id est
adorationem tribuat, magistratui,
ejus ministro omnem honorem, re-
verentiam atque obedientiam defe-
rat, concivibus verò suis fidelem o-
peram

peram patrociniūque in civili & capitali causa postulantibus præstet. Id enim in Advocato propriè est, unicuique quod suum est tribuere, quod Psalmista *Psal. 14.* vocat, operari iustitiam, & in iis, qui in monte sancto Dei habitaturi sunt, requirit, non contentus, si ingrediatur sine macula quod vitæ honestatem designat, quæ ad beatitudinem vitæ immortalis consequendam non sufficit, sed insuper proximo charitatis officia præstari vult, quod idem Psalmista vocat, bonum facere. Illa siquidem coniungit alibi, *Psal. 33.* *Diverte, inquit, à malo, & fac bonum, inquire pacem, & persequere eam; Solvere autem quod alteri debeas, ad omnes in universum homines spectat, (teste D. Paulo Apostolo, ad Romanos. 13. qui præcipit, ne cuiquam quicquam debeamus, nisi ut invicem diligamus: Ad hæc præstabit Advocatus, ne quenquā vel dicto, vel facto lædat, quod futurum est, si caveat, ne infida advocacy, proximum damno afficiat, propriam conscientiam peccato vulnerans. Nam si clienti suo injustam causam foventi patrociniū præstet, & adversarium*
jus

us suum persequentem, dolosis sub-
erfugiis & frustratoriis dilationibus
impediat, ac remoretur, non solum
proximum ac rempub. sed semeti-
sum lædit, iramque divinam in se
provocat: Qui enim malum bonum,
& bonum malum, lucem tenebras,
& tenebras lucem appellat (teste
Propheta *Esai. cap. 10.* abominabilis
apud Deum reputatur.

C A P. VI.

*Quomode in litibus exercendis
generaliter se gerere de-
beat Advocatus.*

PRæmissis officiis generalibus, ad
omnes omnino homines perti-
nentibus, reliquum est, ut de officio
Advocati, in exercendis litibus, in
genere disseramus & explicemus. Et
ante omnia Advocato consideran-
dum est: Deum opt. max ad conser-
vandam inter homines concordiam,
amicitiæ fontem, constituisse Reges,
Principes, ac magistratus, jura leges-
que dedisse, ut populo dissidenti jus
red-

18 DE OFFICIO.

reddant, justitiam administrent, omnem vim atque injuriam prohibeant, ac ne ad arma veniant, suas partes interponant. Sed cum aliqui ingenio, prudentia consilioque destituti, sibi ipsis in judicio superesse non possunt, nec, quid justum sit aut secus, indagare valent, necessitas rerum coegit, ut quorundam hominum, ingenii, scientiarumque dotibus præditorum, opem subsidiumque implorent: hi Advocati sunt: quorum est officium, omnes ingenii nervos intendere, ut hominibus discordibus, ac ad judicium vocatis, vel convolantibus, salutari consilio adsint, quò suum consequi, aut iniquam petitionem refellere atque avertere queant. Antequam verò causam in judicium deducant Advocati, omnem operam dabunt, ut, quatenus fieri possit, animos hominum, ad lites propendentes, ad pacem & concordiam inflectant, maximis multiplicibusque litis incommodis, ob oculos positis; ut nimirum dicat Advocatus, ad causæ patrocinium vocatus: Negociosam rem esse, litigare, & non rarò suscepta lite, periclitari amicitiam,

tiam, ac dilectionem mutuam, tantoperè Christianis commendatam à Servatore nostro, scindi atque divelli; temporis quàm plurimum perire; facultates atteri, & quod omnium maximum est, animi tranquillitatem, cunctis rebus præferendam, perturbari; denique litem *ἰλιάδα καὶ κῶν* secum trahere ac comitari; quod usque adeò verum est, ut Ulpian. l. 4. ff. de alienat. judicii causa fact. *verecundam cogitationem ejus qui lites execratur, non esse vituperandam*, asserat: præterquam, quòd litis, ut belli, eventus dubius sit l. quod debetur ff. de peculio. ac non rarò major pars meliorem vincat. Quæ quidem usq; adeò vera sunt, ut Poëta *Martialis* inter ea, quæ vitam faciunt beatiorē, quoque connumeret, nunquam litem habere. Quibus omnibus incommodis molestiisque enarratis atque propositis, si consultor deterritus à lite abstinuerit, ac ad transactionem, amicabilemque compositionem animum converterit, benè se res habet, & fecit Advocatus quod debuit; eò ipsò declarans, se non propriū compendiū, sed consultoris utili-

utilitatem solam respicere. Quod si verò spretis omnibus prædictis, consultor omnino sibi litigandum arbitretur, multi siquidem in Frisia quasi morbo quodam litigandi detinentur, proxima cura erit Advocati, ut causæ propositæ merita diligenter excutiat, & si justam, legitimisque probationibus fultam (si facti quæstio fuerit) subnixamque perspexerit, suo patrocinio defendendam tuendamque suscipiat, observatis iis quæ juris scripti decisiones, ac stylus curiæ ordinationesque observari præcipiunt, prout in sequentibus latius declarabitur. Quod si verò causam injustam, aut legitimis probationibus destitutam intellexerit, omnibus modis ab ea intentanda eum dehortabitur, propositis animi periculis longè maximis, cujus jacturam facturus sit, si in malitia perseverans, proximo molestiam creaverit sine causa, non evasurus quoque Curiae censuram, quæ notorias litigatorum calumnias, in processu deprehensas, multâ pecuniariâ coercere consuevit, ut ex duabus antiquis hujus Curiae sententiis, 20. Decembris, anni 1549.

*Observa-
tio.*

1549. pronuntiatis cognovimus. Quo casu consultori, si urgeat ac instet, patrocinium denegare ac periculi prædicti commonefacere debet, ne peccati contagione inquinetur, quod futurum est si eum falsa victoriæ spe lactatum, in litem præcipitaverit, magnis incommodis sumptibusque obnoxiam, non ignarus, quod si superior evaserit, parti adversæ ad restitutionem damni; sin succubuerit, clienti quoque suo omnia quæ injusta lis abstulit, resarcire teneatur.

CAP. VII.

*Utrum justam causam fovendi
liceat adversarium injustè
litigantem dolò circumve-
nire.*

ApuD interpretes quæsitum meminimus, utrum Advocato justam causam fovendi permissum sit, adversarium injustè litigantem, dolo technisq; circumscribere. Et primâ quidem fronte affirmativa pars defendi posse videtur, ob id quod reipub.

pub. expediat atque interfit, causam injustam persequentem, tanquam improbum civem, & justitiæ perversorem, reprimi ac quoquo modo succumbere, ut eâ viâ justitia, Omnium rerumpub. salus & conservatio vigeat atque floreat: injustitia, societatis humanę putredo, repellatur atque exterminetur. Quam Advocati intentionem, justam, probatamque utique nemo diffitebitur, ac proinde laude ac commendatione dignam: Nam & in Canonibus, & legib. civilibus reperiuntur regulæ quædam & axiomata, huic affirmationi patrocinantia, nimirum permissum esse, uti dolo adversus dolum adversarii, ac versutiam eludere *c. dominus 34. 2. ibi glossa, verbo malignantium. Archid. & Gemma. in c. cupientes de Elect. in 6.* Et in Reo, qui in veritate justam habet causam, omnino permissum esse asserunt DD. allegantes Auth. quod attinet. *C. de probat. & L. si quis in gravi. Ad senatus cons. Syllanianum: Quod & Alciatus in tractatu præsumt. Reg. 2. præsumt 31. defendit, imò & D. Augustini de bello exstat sententia hæc: Cum ju-*
sum

um bellum suscipitur, ut aperte pugnet
uis, aut ex insidiis, nihil ad justitiam
interest. Quibus tamen non obstan-
tibus, Evangelica lege, quæ omni-
bus nobis Christianis mordicus ob-
servanda est, & retinenda in omni-
bus actionibus nostris, si divinam
gratiam promereri velimus, id ne-
quaquam, nec in reo quidem per-
missum censemus. Disertis siquidem
verbis Moses Deuter. 16. omnibus
ve in iudicio, sive extra iudicium
negotia tractantibus præcipit: *Iustè*
quod iustum est persequeris, ut vivas, &
possideas terram quam dominus Deus
ederit tibi. Quinimò & apud Ethni-
cos ea in legibus duodecim tabula-
rum extat de gerendis bellis senten-
tia, his verbis: *Bella iusta iustè gerun-*
tu. Intelligebant siquidem viri isti
summâ prudentiâ præditi, istarum
regum autores, licet Ethnici, posse
bellum esse iustum, & tamen non ju-
stè geri. Consimiliter quoque de li-
b. quæ privatorum sunt bella, dici
potest: quæ licet justæ sint, injustè
tamen exerceri possunt. Quapropter
advocati ista considerantes, cavere
debent, ne sub huiusmodi colore,
Adver-

Adversarium clientis sui, licet injusti litigantem, dolo circumveniant, ve supplantent. Id enim si fecerint, non solum laudem apud cordatos piosque viros nullam inibunt, sed famam nomenque suum denigrabunt, ac seme conviciis probrisque objicient. Denique iram & indignationem divinam, ut simulatores & callidi, in se provocabunt. Neque enim patitur Deus, justitiam sacrosanctam, (que virtutum regina est, & virtutes in se continet omnes) technis, machinationibus ac mendaciis inquinari & contaminari, sed vult eam veris, legitimisque defensionibus, sustineri atque defendi, non eget subdolo patrocinio ac fulcro, seipsam tuetur & vindicat, premitur quidem ad tempus nonnumquam, sed non prorsus opprimitur, imò cum matre veritate ut palma contra impositum calumniarum onus assurgit. Ac proinde causa etiam Iustissima, in judiciis, non nisi veris, justis legitimisque modis & mediis est asserenda & promovenda. Quod si dicas, non posse te obtinere quod rectum ac justum est nisi istis artibus ac dolosis machinationi

tionibus utaris, respondebitur, generale esse regulam, Non esse facienda mala, ut eveniant bona, & non licere tibi injustè agere, non magis quàm Adversario. Præceptum enim Dei, omnes sine ulla distinctione homines stringit, prohibentis omnem injustitiam dolúmque malum. *Deuter. 25. Marci 10.* Cui consonat D. Pauli Apostoli prohibitio disertis verbis concepta: *Epist. I. ad Thess. cap. 4. Ne quis circumveniat (inquit) in negotio fratrem suum.* qui generalem quoque regulam Dei Corinthiis *Epist. I. cap. 6.* in memoriam revocat. *An nescitis (inquit) quia iniqui regnum Dei non possidebunt.* Vnde non excusabit te iniquitas adversarii tui, si eam imitatus fueris, ad excludendam illius iniquitatem & injustitiam, diffidens de potentia Dei, qui vera justitia & veritas ipsa cùm sit, facilè, si volet, effecturus est, ut causa justa ad optatum finem perveniat. Quod si tu justâ causâ, veris legitimisque defensionibus usus, cecideris, quod aliquando fit, Iudicibus per sordes, aut imperitiam lapsis (homines enim sunt, labi & errare possunt) cogitare debes,

26 DE OFFICIO.

debes, mundum hunc in maligno positum esse totum, teste Apostolo, *Ioan. epist. 1. cap. 5.* & cum imperfectis tibi rem esse, qui quod æquum aut iniquum est, non intelligunt, aut licet intelligant, sequi recusant. Deinde & illud tibi persuasum habere debes, Deum opt. max. qui ad salutem nostram cuncta dirigit, velle; ut cum patientia (in qua animas nostras possidere debemus, teste Christo *Luc. 21.*) injustam sententiam tanquam hujus seculi afflictionem, excipias, ut hujus vitæ pertæsus, discas Deum cum affectu orare, ut illius regnum, justitiâ, veritate, ac pace plenum, adveniat tibi in hac lacrymarum valle peregrinanti. Quod si verò justam causam, injustis modis ac mediis non licet tueri, prout ex literis sacris ostendimus, quid his Advocatis exspectandum erit, qui injustas causas (quas Zasius iniquorum Advocatorum pascua vocat) ex professo agunt & tuentur, exiguo lucello redempti? Profectò pessimè sibi tales Advocati consulunt: Nam & conscientiam perjurio vulnerant, hominum odium ac vituperationem
fibi

sibi comparant, & famæ jacturam irreparabilem faciunt, ac velut abjectamenta populi contemnuntur, etiam ab iis, quos malis artibus ac dolis defenderunt atque tutati sunt. Utinam hæc Advocatorum mentibus insculpta impressaque hærent, ac nobilitatem professionis suæ l. 7. C. de postulando ipsi perpenderent. Certè non tam malè audiret apud vulgus hominum ordo noster, odio plus quàm Vatiniano, doctis infensum infestumque. Sed quia multi reperiuntur (proh dolor!) Advocati, qui prædictorum obliti, solum lucrum quò jure quâve injuriâ partum, tanquam scopum sibi propositum habent, ad quem collimant, hinc illæ lachrymæ, hinc in Advocatos convicia, viris bonis honestisque non ferenda, quæ nunquam evitabunt, nisi bona fide ac conscientia causas agentes, ac ea gravitate atque modestiâ praxin exercentes, qua debent, ipsis factis ostendant, timorem Dei præ oculis se habere, ac operam dare, ut virtutis ac probitatis famam & existimationem apud homines sibi comparent. Atque
huic

huic quidem sententiæ nostræ adstipulatur quoque amplissimus vir Ioachimus Hopperus Eques auratus, & Status Belgici apud Philippum 2. Hisp. regem consiliarius, singulare Frisiæ decus & ornamentum, summus & philosophus & Iureconf. qui in libello cui titulum fecit, Ferdinandus, sive de Institutione Principis, his verbis utitur: *Haud est bonum facere, nisi id ipsum bene facias, hoc est, ea ratione ac via, qua oportet: Vnde in sacris literis iudicia Dei iustè judicari iubentur. Estque non minus vitiosum, rem iustam facere iniustè, quàm ipsum facere iniustum.* Proinde non est quod quisquam sibi bandiatur, si dicat, bonum esse dolum quo utitur, eumque legibus Civilibus, quinimò & Canonicis permissum esse, solertiamque vocari à Iurisconf. *l. 1. §. 2. ff. de Dolo malo.* Lex enim divina clara est ac rotunda, omnibus Christianis mordicus observanda, quæ omnem omnino dolum, fraudem, ac circumventionem proximi prohibet, absque ulla distinctione & exceptione, si iram ac vindictam divinam incurrere nolint Deus enim non irridetur; cuius regnum-

gnum aut sinceris animis adeundum est, aut æternum supplicium accipiendum.

CAP. VIII.

*De Cautionibus quas Cautelas
vulgò appellant, & quate-
nus Advocato usus earum
permissus sit.*

Cum nemo ignoret, passim eos, qui forensē praxin exercent, malè audire, cū ob alia, tum eo quoque nomine, quod vulgus hominum jactitet ac spargat, nihil ferè in exercendis litibus Advocatos agere, quàm ut adversarium, certis quibusdam verborum formulis, tanquam decipulis, callidisque machinationibus ac tricis circumscribant, cautiones nempe denotans, veri earum usus ignarum: operæ precium nos facturos existimamus, si & hanc ab Advocatis calumniam, sinistramque opinionem, amoliamur. Illud quidem negare non possumus, existare multorum scripta, quibus cautelarum materia

materia pertractatur ex professo
quæ in omnium manibus sunt. Inte
quos celeberrimus est Bartholomæu
Cæpolla Veronensis, insignis auto
qui in hac materia primas facile te
net. Cujus in causis criminalibus re
sponsa, quæ consilia vulgò dicuntur
per totam Europam omnium mani
bus teruntur. Hunc secuti sunt com
plures alii, *Thomas Ferratius, Ioanne*
de Arnono, Marc. Ant. Blanc. Raimon
dus Pius Fickard. qui in diversis homi
num judiciorumque actionibus, va
rias cautiones clausulasque liter
mandarunt. Quarum aliquæ non so
lùm ineptæ sunt, atque ridiculæ pla
nè, sed quoque impiæ reperiuntur
homine ethnico, imò Barbaro, Goth
ac Vandalo, nedum Christiano in
dignæ, quæ expungi perpetuoqu
premi silentio merentur. Quas no
vulgi dictæ, contumeliosisque Ad
vocati appellationibus, occasioner
præbuisse arbitramur, ut nunc ra
bulæ forenses, modò vulpes, nun
pilorum sectores, ac Curiarum ca
nes & harpyiæ dicamur, aliisque
probrosis nominibus passim tradu
camur. Hæc ut effugiant Advocati
operan

operam dare debent, ut verum legitimūque cautionum (quæ & remedia à Jurisconsultis appellantur l. *ataliberos. §. idem Servius. ff. de statu liberis. l. si quis duos ff. de solut.*) usum intelligant atque percipiant, ut ea ratione sibi clientibusque, quos in idem suam receperunt, prodesse ac prospicere queant. Id enim Iuris periti munus esse ac officium testatur Cicero eloquentiæ parens, libro 2. *de officiis.* his verbis. *In iure cavere, consilio juvare, atque hac scientiæ genere prodesse quàm plurimis, vehementer & ad opes augendas pertinet, & ad gratiam.* Proinde Advocati officium in hoc versari existimamus, ut in causis agendis, litibusque exercendis, rectè legitimeq; cautionibus atque Iuris remediis utatur, prospiciens, ne adversæ partis malitiâ doloque deceptus cliens, damnum accipiat ac in captationem incidat Neque enim alius autelarum usus admittendus est: Nam adversarium clientis sui, dolois ac reprobatis technis, ac machinationibus tricisque circumvenire, & supplantare, Christiano bonæque ideî Advocato permissum non esse, C etiam si

etiamsi injustam ille causam foveat
 cap. 7. differuimus, ac sacræ sc
 pturæ autoritatib. confirmavimus
 Nam & D. Paulus Apostolus *Epi*
1. cap. 14. expressis verbis mon
 Thessalonicenses: *Ne quis* (inquit)
fratrem suum in negotio supergrediat
ac circumveniat. Et Colossensib.
 prædicit, *eum qui injuriam facit, re*
pturum id quod iniq̃ue gessit. cap.
 Utetur itaque Advocatus circumsp
 ctus cautionibus licitis, remediisq̃
 Iuris permissis. à Cæpolla, aliisq̃
 autoribus traditis, tanquam pha
 macis quibusdam, à morbis impe
 dentibus corpus præservantibus, non
 verò ut venenis malis (sunt enim
 venena bona, teste Cajo *l. qui ven*
num, ff. de verb. significat.) adversari
 clientis sui damnum præjudiciur
 que, tanquam perniciem inferent
 bus: Id enim nec Advocato Chri
 stiano, nec viro vel politicè prob
 licere antè diximus: Interim tamen
 non imus inficias, ad munus offic
 umque providi Advocati quoque
 pertinere, ut istas cautelas reprob
 tas, vafritiasque captiosas not
 perspectasque habeat, ut ea ratione
 ac vi

ac via, adversarium istiusmodi decipulis utentem, repellere, atque à cliente damnum avertere possit. Nam ut Medico non solum salubrium herbarum est notitia necessaria, sed & noxiorum quoque pharmacorum ac venenorum, ut à se aliisque, opem illius implorantibus, malum arcere ac fugare possit: Ita quoque Iurisperito & Advocato in foro versanti, (cui Ulpianus *l. iustitia. veric. finali ff. de iustit & iure. iusti in-* iustique scientiam tribuit) harum autelarum reprobatarum notitia necessaria est, ne illarum ignoratio- ne in captionem incidat, quos pa- rocinio suo defendendos suscepit. Et sanè rectè Ulpianus injusti scien- tiam jurisperito tribuit, *d. l. iustit.* Praxin verò minimè, utpote qui non ignorabat, legum scopum esse con- nicum, poenarum metu homines in officio continere, & à delictis deter- ere. Tametsi juxta Plinium Secun- um, in Epistolis, *lib. 2. Epist. 27.* *Tos qui in foro versamur, verisq; litibus* *erimur, multum malitiæ, quamvis noli-* *mus, addiscimus.* Concludendum ita- que in hac materia est, licere non

tantum Advocato, sed & expectare, ut cognoscat, quid sit reprobatum, quid noxium, sed proximo nocere damnumque dant artibus illis reprobatis, & legem charitatis à Christo nobis traditam *Math. 7.* vetamur, & honestati politicae, quam ethnici quoque servant, minimè consentaneum est, quod Cicero eleganter & latè in *libris de officiis* tractat. Ad quam charitatis legem tanquam ad Lyceum lapidem (quod dicitur) hominum actiones examinabuntur. Cum autem revertamur unde digressi sumus, diximus, scientiam eorum quae prava noxiaque sunt, improbari non posse, quando non in hoc nobis multa proponuntur, ut ea sequamur, sed ut cognita vitemus ac detestemur. Alioqui enim nec venenarum materiae, nec virus ejaculantia reptilia, scripto prodenda essent, si quis his ad perniciem utantur. cum venenatorum cognitio hoc commodi præbeat, ut ne ignari illis lædamur, aut vitæ damnum incurramus, non mirum est, si Advocato reprobatarum cautionum notitia

iam necessariam esse concludamus.

CAP. IX.

*Quod sit officium Advocati in
tractandis litibus coram hac
suprema Curia.*

HOc membrum capite sexto tra-
ctare cœpimus, sed non plenè
discussimus: ideoque consultum esse
arbitramur, illud paulò plenius ex-
ponere. Diximus prædicto capite,
advocato ante omnia advigilandum,
ut quaslibet causas absque discrimi-
ne, agendas suscipiat, sed ut merita
ius, quæ intentanda defendendaque
proponitur, diligenter examinet, ac
in omnes partes perpensâ, eam
tantùm suo patrocinio tuendam ad-
mittat, quam justam, legitimisque
provisionibus, probationibusque fultam
perspexerit. Ut autem id consequa-
ri, adniti debet, ut animum ab o-
mnibus affectibus habeat liberum:
nam si vel amore vel odio, vel spe,
vel metu præoccupatus fuerit, nullo
modo quod justum æquumve, aut

secus est, percipere poterit. Quod eleganter Boetius in libro de consolatione philosophiæ, lib. 10. his verbis describit :

*Tu quoque si vis Lumine claro
Cernere verum, Tramite recto
Carpere callem, Gaudia pelle,
Pelle timorem, Spemque fugato,
Nec dolor adsit. Nubila mens est,
Vinclaque frenis, Hæc ubi regnat*

Liber enim in deliberatione debet esse animus, nec ullis affectibus abigi : liber autem esse nequit, cui affectus imperant & cupiditates dominantur. Quem quia aliqui Advocatum ad causam concreditam non adferunt, fit ut non tam quid iustum æquumque sit, quam quid ad victoriam causæ, quam susceperunt, obtinendam expediat, inquirent, & spes victoriæ nulla super sit, hoc agunt, hoc moliuntur, ut adversarium litemque, dilationibus pluribus, ac tergiversationibus extrahant, morasque injiciant, & quantum fieri potest, immortales recedant. Quo nomine pessimè nostris ordo apud populum audit, atque trahitur.

lucitur, adeo quidem, ut in proverbium ferè abierit: **hoe veter Iuris / hoe hofer Christi.** Durissimum quidem & abominandum est istud licterium, & viris honestis non ferendum: sed si verum fateri velimus, eperiuntur aliqui, qui absque ullo discrimine, si modò spes dolosi affluerit nummi, causas agendas suscipiunt, & quò minus habent in iure fundamenti, eò plus diligentiae impendunt, ut eas ad optatum finem perlucant. Quod si palmam, Iudicibus circumventis, tenebrisque objectis, per fas nefasque obtinuerint, quod nonnunquam fit (sunt enim homines labi, & falli possunt) quasi re penè gestà, gloriantur in malitia, & certiliorem sibi in posterum praxin pollicentur. Qui tamen magis probare debebant, honestè vinci quàm vincere malè per contrarium spiritum, cùm animam lædat conculcata iustitia. Hi & consimiles Advocati, non bonis viris connumerandi non videntur, sed potius tanquam carcinonata, pestesque reipub. hominum commerciò atque societate, ut antè diximus, pellendi. Nam ut Nilus

Episcopus & Martyr inquit: *Qui malis præstant patrocinium, non solum scelerum adjuutores sunt, sed & peccati communione inquinantur.* Quod genus nominum Plato ille divinus usque adeò execratur, *Dialogo. II. de legibus in fine.* ut lege latâ, civem in re bene constitutâ, morte plectendum censeat, si avaritiâ, justitiæ vires in animis judicum in contrarium vertisse, ac præter opportunitatem multa litigia movisse, aut moventibus adfuisse, convictus fuerit. Et istiusmodi ritè quadrat Germanicum seu Belgicum probrosum dictærii antè relatum. De bonis & integris Advocatis non accipiendum, qui legibus & magistratibus obsequentes, in hoc solum incumbunt, ut unicuique quod suum est, salvum esse, concordia inter cives retineri & reipubl. tranquillitas conservari possit; quâ conturbatâ convulsaque privatorum facultates in tuto esse non possunt. Quemadmodum autem sollicitè Advocatum prospicere debere diximus, ne injustæ causæ patrocinium ullatenus suscipiat, alioquin gravissimè Deum offensurus: Itaque quoque

quoque cavere debet, ne justæ cau-
 æ defensionem requisitus deferat,
 præsertim si pauperem, viduam, vel
 aliam personam miseratione di-
 gnam, causa concernat. Istiusmodi
 enim personis, omni humano præsi-
 dio subsidioq; destitutis, in judicio la-
 borantibus, adesse, opemque ferre
 gratis, si paupertate premantur,
 tenetur, etiam si à iudice non injun-
 gatur: quò jubente si recusaverit,
 ad vocationibus sibi interdictum iri
 non dubitabit: *l. providendum. C. de*
Postulando. Cùm certum sit, ad
 officium iudicis quoque pertinere,
 ut pauperi adversus potentiores
 litiganti, & advocatum habere non
 valenti, aliquem det atque consti-
 tuat, *l. nec quicquam. §. observare ff. de*
offic. proconsulis. qui illius defensio-
 nem, & quidem gratis, ad litis even-
 tum, si inopem se esse, & fidejusso-
 rem invenire non posse, iureju-
 rando affirmet, suscipiat. Eâ liqui-
 dem declaratione factâ, ab impen-
 diis Curiae ad litis eventum, liber-
 erit. Proinde Advocatus, cujus par-
 tes sunt quàm plurimos consilio ju-
 vare, si nominis famæque consulere
 C 5 volet,

volet, ac conscientiam liberare, entendum sibi putabit, ne quisquam sit qui sibi denegatum ab eo patrocini-um fuisse, aut causam non pro di- gnitate pleneq; tractasse, sed dicen- da transisse, & quæ inculcanda, infi- genda, repetendaque fuerant, cur- sim breviterque (quod Plinius præ- dictus prævaricationem vocat) lil
I. Epist. Epist. ad Corn. Tacitum. at-
tigisse meritò conqueri possit.

CAP. X

*Quod sit officium Advocat
erga proprium Clientem.*

Nunc dispiciendum est, quæ fin-
Advocati partes apud suum
clientem. Suprà diximus, esse neces-
sarium, merita causæ in judicium
deducendæ diligenter examinare
justane an injusta sit: Id autem nun-
quam melius percipiet Advocatus
quàm si clientem de causa sua pero-
rantem patienter attenteque audiat
omnesque circumstantias causæ co-
hærentes, diligenter excutiat, a
clien-

clienti suo contraria quædam argu-
menta objiciat : Alioqui enim nisi
id fecerit, causæ merita difficulter
resciscet : Solent enim homines
magno decepti errore, causæ suæ
secreta celare, imò fictis coloribus
eam ornare, ut nisi Advocati dili-
genter attendant, rei veritatem ex-
quirere & indagare nequeant : Quo
ut, ut iis technis decepti, sæpenu-
merò causa cadant, Quapropter si
sibi suoque honori, clientisque com-
modo consultum prospectumque
velint, operam dabunt, ut omnia
causæ merita, momentaque exactè
perdiscant, & excussis probationi-
bus, quas adferre possunt, statuunt
quid faciendum sit, vel omittendum.
Id enim si omiserint, frustra labora-
bunt, & clientes in inutiles sumptus
conjicient, qui postmodum amissâ,
causâ, de Advocati vel negligentia
vel imperitia questuri sunt. Ut au-
tem extra omnem clientis calu-
mniâ sese constituent Advocati, &
conscientiæ suæ satisfaciant, si cau-
sam injustam, aut probationibus
destitutam prehenderint, operam
dabunt, ut ab ea intentanda consul-
torem

torem dehortentur, positis ob oculos litis incommodis damnisque Capite 6. relatis. Id enim facere tenentur, ac clientem suum ad justitiam erudire, ut tanquam stellæ in perpetuas fulgeant æternitates. *Daniel. 12. cap.* Quod si verò justam causam legitimisque probationibus instructam, (utrumque siquidem requiritur, 2. q. 8. c. *sciant. l. eum qui ff. de probat.*) perceperint, alacriter eam defendendam suscipient. Ante omnia verò de mandato legitimo sibi prospicient, ac Actis inscribi curabunt: Alioqui enim contingere potest, ut mandati à cliente transmissi, amissione, si bonæ fidei non fuerit, magnis molestiis, quinimò & damno Advocati involvantur. Quod alicui ex primariis hujus Curix Advocatis, viro docto & acuto, olim contigisse intelleximus, cui res erat cum homine versipelle & improbo, qui Curix sententiâ ad certam pecuniæ summam non modicam condemnatus, negabat se Advocato mandatum dedisse. Qui nisi Curix de mandato oretenus dato fidem fecisset, ex aliquibus indiciis, solutionem

nem adjudicatæ pecuniæ evadere ne-
quivisset. Itaque ne in istum scopu-
lum impingat Advocatus, faciet quod
paulò antè dictum est. Nisi manda-
tum à Notario à Curia approbato, aut
coram Juridicis seu Decurionibus
confectum, vel si Prælatus, pastor
aut nobilis sit, ipsius sigillo ac sub-
scriptione confirmatum clausulâ sub-
stituendi munitum habeat: istius-
modi siquidem procuratoria, ut
loquuntur practici, paribus passi-
bus ambulant, eandemque vim obti-
nent, quam ea quæ Curie Actis inscri-
pta sunt, ut ex Ordinatione Curie
liquet, Rubr. 10. Lib. 3. Et tantò
quidem magis de mandato valido si-
bi prospicere debent Advocati,
quòd inter interpretes magna sit
concertatio, utrum is, cujus nomi-
ne litigatum est, post latam senten-
tiam, ea quæ ipsius nomine absque
mandato gesta sunt, rata habere
possit, quibusdam id affirmanti-
bus, aliis verò negantibus, ob id
quod post latam sententiam, per-
emptâ instantiâ, ratihabitioni lo-
cum esse negent: inter quos est
Ferrariensis exquisitissimus autor,

In

*In forma responsionis Rei, in glossa super
verbis, Simonius Spelta.* Deinde curabit
Advocatus, ut instructionem à clien-
te suppeditatam juxta Curiae Decre-
tum 20. Decembris anno 1541. pro-
mulgatum & Enchiridio Statuto-
rum insertum, scriptis mandet, atque
penès se conservet, ut requisitus eam
Curiae ostendere possit, ac clientem,
quando in causa scribendum est, ma-
gnis sumptibus evocare sæpè non sit
necesse: Id enim si fecerit, Curiae
suam conscientiam comprobabit,
quæ percipiet, nihil ab eo allegatum,
articulisque probatoriis comprehen-
sum esse, quod instructio à cliente
data non contineat, & clienti post-
modum amissâ lite conquerenti, fa-
cili negotio os obstruere poterit:
Hæc quia rarò fiunt ab Advocatis,
hinc in judicio voces illæ inexcusa-
biles multorum audiuntur, respon-
dere nequeo, quia instructione ca-
reo, in portu (quod dici solet) nau-
fragium facientes, quia tamen igno-
rare non possunt, paria esse, scire vel
scire debere.

CAP.

CAP. XI.

*Quomodo apud Iudicem se
gerere debeat Advocatus.*

Superioribus aliquot capitibus explicatum est, quæ sint partes Advocati erga omnes in genere homines: deinde erga proprium clientem: nunc quomodo apud iudicem se gerere debeat, inquirendum est. Illud autem in primis observare debet Advocatus, ut iudicem tanquam Dei ministrum, omni honore ac reverentia afficiat, debitam obedientiam ei deferat, nihil contra dignitatem illius acerbè, vel contumeliosè dicat, vel scribat: Id enim Ordinatione Saxonica, Enchiridio Statutorum, *Tit. de Advocatis, artic. 17.* inserta, expressè probibetur. Deinde juxta ejusdem Curiae Decretum 15. Martii, anno 1597. publicatum, & 15. Martij. 1597. prædicto Enchiridio comprehensum, Advocatus in judicio honestè decenterque se gerere, ac loco, & corporis habitu decoro & adverso componere tenetur, prout honestas exigit, non

non divagari in auditorio, nec clamorosis iermocinationibus, imò fabulis illud turbare debet: Subtrahere verò sese absque Commissarii licentia, quando copiam sui facere debet, quod à quibusdam fieri vidimus, non solùm turpe est, sed in contemptum & iudicis, & adversarii tendit: quos eludere velle videntur qui id faciunt, quod aliis Tribunalibus non impunè ferunt. Jam verò si quid in iudicio oretenus proponendum, aut postulandum erit, clarà voce, & consueto loco, ac intra subsellia Advocatorum consiltens Advocatus, id facere debet. Ita quidem, ut à Curiae Delegato (quem Commissarium vocant) & Advocatis exaudiri queat, adhibitâ præmissâque verecundâ prefatiunculâ, exemplo Tertulli Orationis D. Paulum accusantis, Actor. 24. & ipsius quoque Pauli apud regem Agrippam causam suam defendentis, Act. 26 & non illotis (quod dicitur) manibus in verba prorumpere, quæ omnia constitutione Curiae prædictâ, cauta atque præcepta sunt. Debet itaque Advocatus omnem

omnem Curiae reverentiam deferre,
ut dictum est, ne secus faciens,
& violati jurisjurandi notam si-
bi contrahat: & indignationem
Consiliariorum incurrat, quinimò
& coercionem arbitrariam exci-
piat: Cujus rei exemplum nos,
cum Mechliniae Advocati munere in
magno senatu fungeremur, in pri-
mario ejusdem Parlamenti Advo-
cato, amico & familiari nostro,
vidimus, nimis triste: Is enim quòd
Præsidem ejusdem Senatus, Domi-
nū de Waterdijck, Equitem auratum,
& prosapia Comitum Bergensium, à
quo pridie in auditorio, Advoc-
atis ac Procuratoribus præsentibus,
acerbè taxatus perstrictusque fue-
rat, supplici libello (quem no-
bis postea re non integrâ legen-
dum dabat) prædicto Senatui ma-
gno, nimis calido consilio, insciis
omnibus exhibito, contumeliosè
traduxisset, post diutinam apud pri-
mum apparitorem detentionem,
in Senatum prædictum adductus,
omnibus Advocatis, Procurato-
ribusque ad spectaculum evoca-
tis, cum ad Procuratoris gene-
ralis

Observa-
tio.

Observa-
tio.

ralis interrogationem flexis genibus libellum supplicem quem manu tenebat, à se conscriptum exhibitumque declarasset, verbis præeunte prædicto Procuratore generali, palinodiam deprecationemque solennem continentibus, prolatis, prædictum libellum supplicem suis manibus dilacerare iussus fuit, quod nobis omnibus inspectantibus quoque fecit, cui & unius anni spacio Advocatione etiam interdictum fuit. Proinde isto exemplo deterriti, refrenandum esse stylum, & intra limites modestiæ manendum consulimus, *felix* siquidem est *quem faciunt aliena pericula cautum*, ut habet versus ille notissimus. Nos certè ante annos 30. eam reverentiam Curiaë, ejusque Delegatis exhiberi vidimus, ut nec inhonesti verbi prolatio impunita fuerit. Quidam enim apud Commissarium turpiloquio usus, relatione ad Curiam facta, 12. Carolinos aureos fisco inferre condemnatus fuit. Quam irreverentiam Ordinatio Curiaë Hollandicaë quoque strictè puniendam coercendamque præcipit. artic. 72. Et ut verum fateamur, in eo potissimum sita

ita est reipub salus & conservatio,
 i Magistratui iudicibusque sua con-
 let autoritas & reverentia, quam
 el maximè tueri debent Advocati,
 uris legumque periti & iustitiæ sa-
 cerdotes: qui in hoc incumbere de-
 bent, ut homines omnes reverentiâ
 iudicum in officio contineantur. Ad
 hæc cavebit Advocatus, ne iudicis
 animum fictis coloribus, falsisque
 allegationibus pervertat: id enim si
 fecerit, Deum, qui ipsa iustitia & ve-
 ritas est, gravissimè offendet, & con-
 tra viri boni, nedum Christiani offi-
 cium peccat & delinquit. Ex quo
 patet, quantoperè peccent ii, qui cli-
 entibus execrandum consilium dant,
 ut iudicis animum, integritatemque
 donis muneribusque expugnent at-
 que pervertant, ut victoriam conse-
 quantur, quorum quanta sit vis in
 ista impietate patranda, abundè sa-
 cræ literæ docent: *Excæcant enim mu-
 nera oculos sapientum, & mutant verba
 iustorum. Deuteron. 16.* Nulla certè
 major iniquitas ab Advocatis perpe-
 trari potest, quàm si scelestis istius-
 modi consiliis, & clientum, & iudi-
 cum animos corrumpant, ut sui voti
 inju-

injustissimi compotes fiant. Quam improbitatem leges civiles usque adeò detestantur, ut litigatorem istius criminis convictum, amissione totius causæ mulctandum, decernant: *l. ut puta. §. sed & si dedi. ff. de condict. ob turpem causam.* Advocatum certè præter infamiæ notam, æternus manet interitus: Facit enim impio isto consilio ut cliens injustam causam obtinens, parti adversæ quod suum est, sub velamine Justitiæ, auferat. Quo casu in conscientia consulere tenetur clienti victori, ut adversario restituat, quod injusta sententia ademitt: quinimò & ipse ad salarii, quod pro patrocínio turpissimo solutum est, restitutionem tenetur, cùm sit lucrum longè iniquissimum, teste Domino Augustino, *Epistola 38. Mona. Titul. de Advocatis.* Deinde cavebit Advocatus, ne judicem falsis allegationibus vel abrogatis legibus, in suam trahat sententiam: quod qui faciunt, & conscientiam perjurio vulnerant, & honori pessimè consulunt: Justitiam

tiam & judicem supplantantes, & proximo quod suum est injusta sententia auferentes. Qui certè gravissimè contra legem charitatis nobis tantoperè à Christo Servatore commendatam, peccant, & in præceptum Decalogi, *non furaberis*, impingunt. Licet enim manibus rem alienam non contrectent invito domino, faciunt tamen, ut proximo quod suum est auferatur, sub juris etiam justitiæque velamine; quæ utique deterrima furti species est. Isti autem certò sibi persuasum habere debent, non defuturam ultionem divinam, quæ tanquam Nemesis & Adrastia implacabiliter scelera vindicat, infensa impiorum facinoribus, eisque insuper, qui his patrocinantur; quod Philo Judæus justitiæ tribuit, in *Tractatu de confusione linguarum*, peculiare ac proprium.

CAP. XII.

Quomodo clientis sui adversarium tractare debeat Advocatus.

Superioribus capitibus demonstratum est, quod sit Advocati officium erga proprium clientem, item erga iudicem causæ, nunc videndum quomodo clientis sui adversarium tractare debeat. Illud itaque semper Advocato considerandum & cogitandum est, se iustitiæ sacrosanctæ ministrum esse, imò & sacerdotem, nec lege divinâ, etiam humanâ cessante, licere sibi quemquam, vel verbis, vel scriptis lædere atque traducere. Si enim secus fecerit, non censebitur rectè inter homines agere, sed contra legem charitatis peccare, quâ vetamur alteri facere, quod nobis factum nolumus. Cavebit ergo Advocatus, ne in adversarium clientis sui sit injurius, illum in processu conviciis lacerando, quod ab aliquibus sine discrimine fieri videmus; Nihil enim turpius fingi potest in Advocato,

cato, qui legum scientiam profitetur, quàm si eò insolentiæ progrediatur, ut adversarium clientis contumeliosè perstringat. Quam conviciandi libidinem usque adeò à foro judiciisque remotam esse debere asseverat Plato in XI. dialogo de legibus, lege latâ rugandam prohibendamque contendat his verbis: *Multis autem modis homines furore aguntur. Alii morbo, ut hi* le quibus modo diximus: *alii per iracundiam pravae naturae vitiosamque educationem, qui pravis inimiciis mori altius inelamant & turpiter inter se conviciantur.* Nihil verò tale in civitate bonis legibus instituta fieri decet. De convicio igitur hæc una omnibus lex ponatur: *Nemo alicui convicietur: Sed quicumque cum alio de re quapiam ambigit, discat potius doceatque tam ambigentem, quàm præsentem, ita ut omni conviciò prorsus abstineat.* Cùm enim sibi invicem verbis turpibus maledicunt, muliebres habentur & in primis ex verbis, quæ certè levissimæ res est, odia gravissima & inimiciæ sæpè nascuntur. Rationem certè gravissimam subjicit Plato, quare à conviciis projiciendis in proximum sit abstinendum: *Nam & inimiciæ maximæ sæpè*

54 DE OFFICIO

*ſæpè naſcuntur, inquit, quæ non raro in
cædes, ac homicidia exeunt. Turpe certè
eſſe, conviciis ſe invicem proſcindere, ma-
ximè in judicio, nemo diffitebitur, cum
plerumque & ridiculi fiant conviciatores,
ridicula per iram, & commotionem à
plurimum in adverſarium proferentes,
ut idem Plato prædicto loco ſubjicit
Quòd ſi verò cauſæ, quam tractat,
qualitas talis ſit, ut neceſſitate ad il-
lius deſenſionem, perſonæ, cum qua
cliens litem habet, turpitudinem al-
legare cogatur: ut puta ſi frater aut
ſoror ab hereditate fratris ſororisve,
turpè perſonâ inſtitutâ, exclusus fue-
rit, quam niſi allegatâ heredis inſti-
tuti turpitudine, obtinere nequit, ni-
hil præter boni viri officium feciſſe
cenſebitur, ſi eam objecerit, cum
jure legibusque permittentibus id
faciat l. fratres, C. de inoffic. teſtamento.
ac ob id juſtè. Quod & tum locum
habet, ſi objectâ clienti turpitudine,
ad excludendum eum ab inofficioſi
querela de turpitudine objicientis
exceperit, quod videlicet in pari tur-
pitudinis cauſa, potior ſit heredis in-
ſtituti, quàm ejus, qui per inofficioſi
querelam hereditatem petit. Nam
& aliàs,*

& aliàs, si hæres institutus indignus
esse hæreditate dicatur, aut ex causa
ingratiitudinis, legibus expressa, ex-
heredatus, non dubium est quin
causarum istarum allegatio, Advo-
cato permissa sit: neque enim ex li-
bidine conviciandi, sed necessitate
officii talis fit objectio & allegatio
arg. l. mater. 2. C. de calumniat. Quod
iste casus inciderit, providebit Ad-
vocatus, ut sufficienti mandato mu-
nitus ea scriptis complectatur, aut
subscriptione clientis omnem à se
vidiam divèrtat & amoliat. Il-
lud certè Advocati Christiani fuerit.
Immodestia in istis allegationibus
diosissimis versari, ne ullam adver-
sario clientis, vel judici occasionem
præbeat suspicandi, quod libenter
cum voluptate istos proximi de-
tectus, vitiaque detexerit & propa-
verit: Quin potius in istis chirur-
gum mores consuetudinemque
imitabitur, qui non nisi summa ne-
cessitate compulsi ad extrema ista
media, sectiones, ustionesque pro-
dunt, nec sine commiseratione
indem. Quod si eâ conscientia in
huiusmodi causis litibusque versatus
D odium

odium inimicitiasque sibi conflaveri
causarum patronus, ut solet plerum
que fieri, hominibus laicis rerumque
imperitis, lapidem projectum, mor
canum, non projicientem morder
tibus, non debet commoveri ne
indignari, sed humanæ fragilita
adscribere, & cogitare, ita natur
comparatum esse, ut obsequium
amicos, veritas odium pariat, test
Comico. Interim tamen nemo diff
tebitur, permolestam esse Advoc
torum provinciam, qui plerumque
in partis adversæ, totiusque cogn
tionis familiæque odiunt incurrunt
ac offensas maximas subeunt, qu
nos non rarò experti sumus. Se
quid facias? ferenda sunt ista, ac co
gitandum, quod cum perfectis no
vivitur: nec perfectionem in hac vit
hominibus natura ad pessima pro
pensis, sperari posse, eaque omn
æquo animo ferenda esse, Deoque
committenda, qui novit quid nob
maximè expediat. Advocatus certi
firmiter credere debet, non defutur
sibi præmia, quæ (Christo teste) ma
nent eos qui persecutionem patiunt
tur propter justitiam: Certè eam re
quit

quirit in Advocato hæc professio animi fortitudinem, ut nec metu, nec minis, nec prece, nec precio, justæ causæ defensionem detrectet. vel injustæ patrocinium suscipiat, Papiniani illius juris coryphæi, hominis ethnici exemplum secutus, qui interfici, quàm impii Principis Caracallæ parricidium excusare maluit, dicens, facilius id patrari quàm defendi posse. Sed quia rarò in istas angustias Advocati rediguntur, quibus tales causæ non offeruntur, illud saltem præstare debent, ne in litibus exercendis, ab eo quod rectum est, deflectant, vel spe vel metu, istius versus memores: *Tu ne cede malis, sed contra audentior ito.*

CAP. XIII.

Quomodo partis adversæ Advocatum tractabit.

MULTIS videbimur frustrà hunc laborem sumere, descripturi Advocatorum officium erga se invicem: statim enim objiciet aliquis, anne nobis tacentibus id intelligant? Fatemur equidem Advocos, qui

D 2 legum

legum peritiam profitentur, omnia-
que humanitatis studia ab incunabu-
lis (quod dici solet) imbiberunt
ignorare non debere, quæ suæ fin-
partes erga eos quos capitibus præ-
cedentibus commemoravimus, sed
vel maximè erga se invicem. Sec-
quia Advocatis, ut hominibus, na-
tura fragilibus, dum in hac lachry-
marum valle peregrinantur, adest
infirmetas ista, quam D. Paulus se-
sentire conquerebatur, *ut bonum quod
vellet, omitteret, & malum quod nollet
faceret*: operæ pretium nos facturos
arbitramur, si eam quoque partem
paucis perstrinxerimus: Ita enim fiet
ut nostrarum præceptionum memo-
res, operam demus, ne unquam præ-
ter officium aliquid committamus
auditori alioqui: *Turpe est doctori, cum
culpa redarguit ipsum*, & conseque-
mur, ut filius noster, paternis præ-
ceptis monitisque instructus, advo-
cationem absque reprehensione sit
executurus. Illud erit itaque Advoca-
ti erga Advocatum partis adversæ
munus, ut debitam illi reverentiam
& honorem, tanquam symmystæ.
tam in Curia atque auditorio, quam
in pu-

in publico, & ubique locorum, deferat, ab omni contumelia conviciisque prorsus abstineat, alioqui in constitutionem Imper. *l. quisquis. C. de postulando.* & ordinationem Curiae ultima novembris 1602. promulgatam ejusque poenam incurfurus. Neque enim patitur istarum legum dispositio, Advocatum eo insolentiae progredi, ut non erubescat, symmystam, ejusdemque professionis virum conviciis lacerare, & planè caninam facundiam exercere. Et sanè animi impotentis est signum, affectibus usque adeo abripi, ut publicæ honestatis, publicarumque legum nullâ habitâ ratione, quis non vereatur fratrem in professione, contumeliosè excipere, jus clientis sui defendentem. Quod quia vulgus hominum fieri sæpe videt, hinc fit, quòd simulas istas contentiones rixasque advocatorum existimet, & summa in Curia natas, vino postmodum dilui ac mergi asserat: Quod dicterium non aliâ viâ ac modo effugient Advocati, quàm si ab omni acriori contentione abstinentes, de Jure partium modestè, graviterque & amicè, re-

motâ omni acerbitate verborumque amarulentiâ, inter se conferant. It siquidem futurum est, ut à contemptu populi vulgique, literatis omnibus infestissimi, se vindicent, ac professione suâ, multis laboribus, sumptibus, periculisque comparatæ, test Frederico imperatore *Auth. habit C. Ne filius pro patre.* debitum honorem asserant. Quos artium liberalium scientia, divini humanique juris peritia, atque professio, meritò in cancellos modestiæ continere debent, nedum divinæ vindictæ metus, divinique judicii extremi terror, in quo & de otiosis, nedum amarulentis verbis convicisque reddenda erit ratio: Tametsi & Curia censuram non effugiant Advocati, legis prædicti violatores, pecuniariam multam irrogantis: Quod olim celeberrimo Advocatis contigisse, antiqua docet sententia 15. Februarii 1547. pronuntiata. Quàm autem sit turpino. 15. Feb. in judiciis coniciis certare, & qui se 1549. quantur effectus mali ac perniciosi ex Platone capite præcedenti citat siquido patet.

Finis primæ partis.

C A P

CAP. XIV.

Quomodo in exercendis Ordinis Iudiciarii partibus versari debeat Advocatus, & primum in citatione impetranda & exequenda

ANtè capite decimo relatum est, quod sit Advocati officium erga proprium clientem, atque ibidem tradidimus, cautè prudentérq; facturum, si instructionem causæ à cliente datam, scriptis complectatur, atque penes se reservet, juxta Curiae Ordinationem ibi allegatam: Et rationes quare id facere debeat, adjecimus, Nunc tractationis series postulat, ut explicemus, quæ sint Advocato Actoris observanda, causam clientis sui in Iudicium deducturo. Ordo autem postulat, ut supplici libello Curiae porrecto, & clientis proprii, & adversarii nomen domiciliùmque continente, nec non qualitatem exprimente, citationem sibi concedi petat. Quam ut impetret, ante omnia

D 4 dispi-

dispiciendum erit, utrum cliens ipse
 Actor personam standi in iudicio
 habeat. Nam si ex aliquo defectu
 quod vel mulier *l. alienam. C. de pro-
 curat.* vel miles sit *l. qui stipendia C. eod-
 tit.* alieno nomine experturus, re-
 pelli possit, frustra citationem pe-
 tit. Consimiliter quoque si filius fa-
 milias, vel servus sit, qui nisi certis
 casibus iudicio interesse non possunt
*l. cum oportet §. exceptis. C. de bonis qua-
 liberis. l. si quis à liberis. ff. De lib. agnosc.
 l. vix certis. ff. de iudiciis.* Quod si verò
 filius patrem, vel avum, vel Proa-
 vum, vel remotiorem in ascendenti
 gradu utriusque sexus parentem,
 etiam naturalem tantum in ius voca-
 re volet, quod certis casibus potest,
 cavere debet Advocatus, ne sine im-
 petrata venia id faciat, alioqui mul-
 ctam pecuniariam quinquaginta au-
 reorum soluturus. *l. pen. ff. de in ius. voc.*
 Deinde eo scrupulo liberatus, perpē-
 dere debet Advoc. an lite pulsandus,
 primā instantiā ad supremam Curiam
 vocari possit, quando nimirum sponte
 se Curiae non subiecit in instru-
 mento. Quod si de ea non constet,
 aut certum sit privilegio fori renun-
 ciatum

etiam non esse, proxima cura erit, dispicere, num ex aliquo Actoris privilegio, ad Curiam primam instantiam vocari possit; utputa si vidua sit, vel pupillis, vel morbo, vel senio, vel paupertate, vel consimili aliquo respectu miseratione dignus. Eo siquidem casu reus comparere tenebitur, etiam si inferiori iudici subiectus sit, veluti rusticus, vel civis. Sed cum Imperator in Rubrica *Tit. Quando imper. inter pupillos vel viduas vel alias miserabiles person. cognosc. & ne exhibentur.* adjiciat vel alias miserabiles personas) quaeri solet, quænam istæ sint aliæ personæ miseratione dignæ. Bart. post Petrum & Cynum, ad *L. unicam. C. dicto Tit.* censet, istam rem iudicis arbitrio relinquendam esse. De eo aliquando quæsitum meminimus, an virgo sui juris, ac locuples isto privilegio gaudere debeat, neque enim juxta propriam vocabuli significationem vidua dici potest, cum in viduitate non fuerit: Dicitur quippe vidua quod sit sine duitate: quasi vedua: ve, siquidem particula privat. *l. malum navis, vers. viduam. ff. de verb. significat.* Atta-

*Observa-
tio.*

*Ultima
Maij
1603.
Observa-
tio.*

*Observa-
tio.*

men casu in iudicio ventilato , & virgini , etiam diviti , privilegium istud competere nos asserentes , ac in contradictorio sustinentes , exceptione partis adversæ rejecta , sententia Curiae secundum nos lata fuit autoritatibus veterum jurisperitorum & d. versic. viduam. subnixo: Quemadmodum non ita pridem in quaestionem vocatum fuit, an praedictæ Rubricæ privilegio puberes gaudeant : Et quaestione ab Advocati supremæ Curiae disputata , sententia Curiae interlocutoria ultima Maij anno 1603. fori exceptio proposita rejecta fuit. Quod & in persona viduæ ad Curiam vocatæ & exceptionem declinatoriam proponentis , decisum fuit , atque adeo confirmatum illud juris axioma. Quod privilegiatus contra privilegiatum , iure suo non utatur : nam exceptione rejecta , comparere coacta fuit. Denique miserabiles personæ reputantur omnes , quibus movetur natura ad commiserationem propter casum humani, aut fortune injuriam, etiam divites sint , juxta ea quæ traduntur Azo, in Summa C. Quando Imperator inter

*inter. Innocentius c. ex parte. x. de foro
compet. c. per vestras. de Donat inter vi-
rum & uxorem. Albericus, Andreas de
Ifernica, & Math de Afflictis. in con-
stit. Neapolit. Quorum omnium ta-
men, in pauperibus ea est limitatio
& restrictio, ut de iis tantum pau-
peribus accipiendum tradant, qui
adversis fortunæ casibus, non pro-
pria culpa ac luxu, ad paupertatem
reducti sunt; Quod, & in vidua re-
ceptum est, & ea quæ in cœlibatu
vivit. Nam si inhonestam vitam du-
cunt, & eo, & aliis omnibus privi-
legiis, respectu viduitatis, cœlibatus-
que competentibus, indignæ repu-
tantur, Lucas de penna & Felyn. in c.
significantibus. De officio delegat. Illud
superioribus addendum arbitramur,
quod Didacus Covaruvias Hispanus
celeberr. Jurisconf. in practicis quæ-
stionibus cap. 6. & 7. disputando re-
solvit, inter miserabiles nimirum,
personas viduasque, non tantum cõ-
numerandas eas, quæ maritum non
habent, morte naturali rebus huma-
nis exemptum, & veræ viduæ sunt,
verum etiam eas hoc privilegio gau-
dere, quæ maritos quidem habent*

D 6 super-

superstites, sed inutiles *l. fina. ubi Ac-
curs. C. Ad. l. Fabiam. de plagiaris*
veluti qui in exilium acti, aut ab ho-
stibus capti vel ad triremes damnati
sunt. Tametsi enim veræ viduæ dic-
nequeant, cum mariti in rebus hu-
manis esse non desierint, nihilomi-
nustamen quia omni subsidio auxi-
lioque maritorum carent, & insuper
in mœrore vitam ducunt, meritò
prædicto privilegio potiuntur. Ne-
que verò solùm citationem invali-
dam & illegitimam facit, privilegi-
prædicti in Actoris persona defec-
tus, concedentis reum extra terri-
torium suum ad Curiam evocari, sed
& tum quoque effectum perdit cita-
tio, si non sit libellata, *Imola in l. inter
accusatorem. de pub. Iud. Iul. Clar. q. 91. v.*
nunc quaero (ut loquuntur practici) id
est, si causam insertam non habet
ob quam reus vocatur ad iudicium.
Consimiliter quoque & tunc viribus
caret citatio, quando in forma pec-
cat, ac illegitima est; quæ in eo qui
citatus est, excludit contumaciæ cri-
men, *l. filius, ff. de interrogat. act.*
l. 2. ff. si quis in ius voc. Istis siquidem
casibus comparere reus non tene-
tur.

tur. *Innoe. c. præterea, de Dilat. c. licet, de offic. deleg. c. finali de Dolo & contumacia.* Quemadmodum nec tunc, quando terminus Ordinatione præfixus servatus non est, nempe si pars adversa vocatam se conqueratur breviori spacio quàm octiduo ante diem juridicum. Nonnunquam etiam corrumpitur in ius vocatio, ratione temporis incongrui, ut quia tempus est feriarum, in honorem Dei, sive solennes, sive repentinæ illæ sint, quarum imperator meminit. *l. omnes dies C. de feriis.* Itidem, & ratione loci, si in aliquem inhonestum locum adesse iusserit iudex, vel arbiter, impune enim ei non parebitur. *l. si cum dies. §. si arbiter. ff. de Arbitris.* Ut nec tunc, cum locus, ad quem vocatur, præsentiam venienti periculosam facit. *l. 2. ff. si quis cautionibus.* Similiter hæredes, parentes, liberi, conjunx, agnati, cognati, affines, aut, fideiussores defuncti, ante nonum diem conveniri, aut quocumque modo inquietari, aut aliqua admonitione pulsari, aut in iudicium vocari non possunt, sive debiti gratiâ, quod à defuncto descendit, sive alterius
cujus-

cujuscunque causæ nomine ad memoratas personas specialiter pertinentis. §. *hæc autem. versic. san cimus. in Auth. ut cum de appellat. cognosc. Col. lat. 7.* Istis siquidem casibus, vocatus si absit, de contumacia accusari nequit, nec pœnam contumaciæ patitur, quem majoris causæ occupatio defendit. *l. contumacia. versic. pœnam, ff. De re judicata.* Itaque cum citatio sit fundamentum & principium judicii, *Spec. tit. de Citatione. Bart. in l. 1. ff. de in jus voc. & in l. probatam. C. de sent. & inter loc.* Circumspecti Advocati est prospicere, ne quid hac parte peccetur: alioqui in portu (quod dici solet) naufragium facturi. Denique illud quoque providebit, ut citatum, si per se, vel alium legitimo mandato munitum, non compareat, de contumacia accuset, non contentus, si quisquam Advocatorum dicat, se paratum esse causam vocati nomine continuare, ac certiozem illum facere, ut compareat, vel mandatum legitimum transmittat. Tales siquidem continuationes nullius momenti sunt, ac si admittantur, impediunt sæpè, ne adversus reum, secunda

dâ vice vocatum, & absentem & de
 secunda contumacia accusatum, per
 provisionem (intendit) vulgo di-
 ctam, sententiam obtineat, propter
 primæ citationis vitium atque defe-
 ctum, quod multoties accidisse Ad-
 vocatis, vidimus, tertiam citationem
 impetrare & exequi coactis, non si-
 ne maximis clientis sumptibus. Pro-
 inde cauti Advocati erit, operam da-
 re atque prospicere, ne Citatio ex
 aliquo defectu, vel temporis, loco-
 rum vel personarum, vel vitiosæ exe-
 cutionis, (quam Galli **Exploit** ap-
 pellant) corruat. Ea siquidem si red-
 datur invalida ac nulla, omnia quæ
 postmodum superstruuntur, atque
 inde dependent, sunt nulla, *gloss. in*
l. accusatoribus, C. de Accusat. quam
sequitur Bald. in c. si clericus. I. col. de pa-
ce ten. in l. cum fratrem. C. de his quib.
ut indignis. & cons. 173. lib. 3. Hipp.
de Mars. cons. 64. Cantiuncula cons. 72.
num. 71. & citatus comparere non
tenetur, & si comparuerit, potest si-
nè licentia recedere quandocunque
impunè, juxta ea quæ tradunt DD.
Andr. Barb. in c. consuluit. De offici-
deleg. Hipp. de Mars. cons. 38. vol. I.

*Observa-
 tio.*

CAP.

*Quæ sint partes Advocati in
defendendo Reo.*

Superiori capite disservimus, quæ
sint Advocato perpendenda, Cita-
tionem clientis sui nomine peten-
ti, ne in inutiles sumptus eum conji-
ciat. Nunc quomodo Reo legitimè
citato, & comparenti consulere ac
subvenire debeat, excutiendum ve-
nit. Et ante omnia utique exami-
nabit, an cliens defensiones exce-
ptionesque legitimas habeat, easque
probare possit: Reus siquidem
excipiendo fit actor, & non minus ad
probationes tenetur, quam actor. *l.*
in exceptionibus ff. de probation.
Deinde inquiret, Utrum Actoris
Advocatus vestem nuptialē habeat,
id est, legitimo mandato, & nomen
constituentis, & constituti & iudicis,
& adversarii, & causam & clausu-
lam substitutionis & ratihabitionis
continente, *l. si procuratorem. ff. de*
Procuratoribus cap. mandato. eod. tit. mu-
nitus in iudicio compareat, causam
acturus. Nam si eo destituatur, aut
requi-

requisitus mandatum exhibeat, juxta Ordinationem 20. Decembris 1541. promulgatam, & ultimâ Novembris 1602. renovatam, non connectum, à limine judicii repellendus erit. Alioqui enim si de defectu mandati validi non exceperit, & absque tali mandato, alieno nomine litigantem admiserit, reddetur processus retro nullus: quinimò & sententia desuper lata erit nulla. Item & in Advocato Rei est observandum, ne judicium reddatur illudicium. Quod si de mandato utriusque legitimo appareat, Reus convenus reliquas exceptiones, sibi contra libellum Actoris competentes, simul & semel juxta Curiae constitutionem 27. Octobris, Anno 1554. 27. Octobris 1554. publicatam, & ult. Novembris 1602. renovatam, proponere debet. Illud autem prospiciet Advocatus Rei, ne nomen peregrinum, immobilia non possidentem, vel alium quemcumque, non præstitâ pro litis expensis cautione admittat, sed oppositâ ante litis contestationem exceptione eum repellat, postmodum frustra oppositurus. Deinde ut exceptiones,

nes, tam declinatorias, quàm recu-
 satorias ac dilatorias, ante litem con-
 testatam objiciat, postea frustr
 priores duas oppositurus. Dilatoria
 autem si post litem contestatam op-
 posuerit, in mulctam libræ auri et
 constitutione Imperatoris incurret
l. si quis Advocatus. C. de Except. n.
inopinatio supervenerint, ex dispo-
sitione juris, l. 2. C. de consort. ejusdem
litis c. insinuante. De offic. delegati. Pe-
 remptorias verò intentionem perse-
 quentis semper perimentes ac ob-
 stantes, post litem contestatam op-
 positurus. *l. pen. & fina. C. de Except.*
l. peremptorias. C. Sent. resc. non posse
 Quod si anomalæ sint, quæ & mixtæ
 dicuntur, tam antè, quàm post liti-
 contestationem, opponi poterunt
 quales sunt: Excommunicationi
 Ecclesiasticæ vel imperialis, falsi pro-
 curatoris, inepti libelli, & quæcun-
 que ostendunt, judicium nullius esse
 momenti. *l. licet C. de Except.* U-
 t autem ordo in iis omnibus serventur
 ab exceptione declinatoria (nisi pe-
 contumaciam Reus, ab ea propo-
 nenda exclusus sit, quòd Curia stylus
 receptum est) initium facere, deinde

ac

ad recusationem iudicis progredi
 lebet. Inter quas ea est differentia,
 quod priori proposita, iudex cogno-
 cit, an sua sit jurisdictio: quoniam
 non est privata sed publica res, cujus
 inspectio separata est à persona ju-
 dicis *l. 2. §. sed si dubitetur. ff. De ju-
 diciis. l. si quis ex aliena. ibidem.* Poste-
 riori verò arbitri cognoscunt de su-
 spicione, aut si plures sint iudices, col-
 legæ ipsius, non autem arbitri. Quod
 si vero iudex, contemptis exceptio-
 nibus incompetentiæ, procedat in
 causa, statim appellabit Advocatus:
 quod si omiserit, iudicem tacitè &
 re ipsa exceptiones rejicientem, ap-
 probare censebitur. *c. ex parte. De
 Appellat. c. si à iudice. eod. tit. lib. 6.*
 Totam autem Exceptionum mate-
 riam hoc loco tractare, non est no-
 stri instituti, cum ea à viris doctissi-
 mis summisque Practicis, Speculato-
 re, Oldendorpio, Vindelino, Schel-
 ling, Schenck, aliisque latisimè sit
 pertractata, è quibus plena (quod
 dici solet) manu petere licet, sed
 tantum digito quasi demonstrare,
 quod sit solertis Advocati officium
 in Reo defendendo, cujus vel maxi-
 mè

mè interest, coram incompetenti au
suspecto iudice non litigare. *l. apertij
simi, C. de judiciis.*

CAP. XVI.

De Recusatione seu Rejectione Iudicis

SI cum perfectis viueretur, & omnes iudices tales essent, quale Jethro à Mose volebat eligi, nimirum, *Viri potentes, & timentes Deum in quibus sit veritas, & qui oderunt avaritiam*, similes illi iusto, quem Flaccus poëta describit, quem, *Nec ardo civium prava iubentium, Nec vultu instantis Tyranni Mente quatit solida Et si fractus illabatur orbis, Impavidum feriant ruinae.* Si tales (inquam) essent iudices omnes, hæc Exceptio, in judiciis, litibusque exercendis locum non haberet: omnibus fidei persuasum habituris, nihil eos facturos, quod legibus, æquitati que repugnat, nulla spe, nullo metu, nullo odio, vel amore, ne latum quidem unguem (ut habet adagium) recessuros ab eo, quod iudicem integrum, incorruptumque deceat. Sed cum homines sint, corruptelæ ac peccato ex lapsu primi parentis obnoxii

obnoxii, & concupiscentia ad malum
solicitante depravari, inordinata
aliqua affectione transversim rapti,
nonnunquam ab eo quod rectum
est, legibusque consentaneum, dela-
buntur atque defleunt: Hinc fa-
ctum, ut legislatores litigatoribus,
ex causa legibus probata, judi-
ces etiam ordinarios, tanquam su-
spectos rejicere ac recusare permi-
erint. *c. licet ex suscepto. De foro com-
pet. c. cum speciali De Appellation. cap.
suspensione. De offic. deleg.* Verum enim-
vero, cum ista recusatio plerumque
ingrata sit iudicibus, neque ex qua-
libet causa permilla, Advocatus pro-
vidus causas suspicionis à cliente
suppeditatas, diligenter examina-
bit, & si illegitimas perceperit,
clientem suum ab iis proponendis
dehortabitur, ne si eas rejici con-
ingat, parum propitium postea ju-
dicem experiatur. Quod si verò ju-
stas, legitimasque, quales oportet
esse juxta interpretes, *Ang. & Alex.
allegantes alias decisiones in l. quia pot-
erat, ff. Ad Senatus consul. Trebellian.*
deprehenderit, forti animo, nulla
modi, quod sibi conflaturus est, ratio-
ne

ne habita, eas proponere, Curiaequi
 supplici libello porrecto (in scriptis
 siquidem, non viva voce exprimend
 sunt, juxta ea quæ tradunt DD. *la*
Butrig. Ang. Salyc. Fulgos. in l. cu
specialis C. de judiciis.) specificè decl
 rare debet, *Alex. cons. 154. lib. 5. De*
cons. 20. ac petere, ne in perrogand
 Consiliariorum sententiis, istoru
 qui recusati sunt, habeatur rati
 Illud autem in confesso est, eam a
 te litem contestatam esse proponen
 dam : nam lite contestata non ad
 mittitur, nisi causas suspiciouis pos
 modum obortas esse, ac ad suam ne
 titiam, lite jam contestata perveni
 se, litigator jurejurando affirmari
 paratus sit. *l. non distinguemus. §. cu*
quidam arbiter. ff. De Arbitriis. l. Iuliu
us ait. ff. De judiciis, c. insinuante, l.
offic. deleg. DD. in l. apertissimi C. de ju
dicis. Bart in l. quidam consuleban
ff. De re judicata. Cantiuncula, cons. 5
num 10. Quo casu & post conclusio
 nem in causa proponi posse, styl
 hujus Curia receptum esse, Advocata
 non ignorant. Quo ordine verò pro
 ponenda sit, superiori capite quoque
 declaratum est. Ne autem temer
 tat

atis inculari possit, qui judicem recusare preterendit ut suspectum. Advocato illius perpendendum est, an id facere expediat, ne clientem in aliquod dispendium incidere contingat: præsertim si tales sint suspicionis causæ, quæ judicis existimationem aliqua labe aspergant, ut puta si eum adversario nimis familiarem faventemque esse, si pecuniâ corruptum, si animi sui motum disputando aliis præsentibus, detexisse impingat: Si quidem si postea in probatione deficeret iste proponens, gravissimæ iniuriarum actioni semet involveret, & judicem ex injusta causa, aut non probata recusatum, semper inimicum experturus esset. Proinde advigilare debet Advocatus, ut excussis probationibus clientis, si quas habet, expendat, quid facto sit opus. Ante omnia autem si quid istiusmodi proponendum arbitretur, ut de speciali mandato sibi prospiciat, curare debet Advocatus, aut libellum suspensiones complectentem, Curiae porrigendum, clientis manu signatum exhibere debet, ne sinistra eum opinione gravari contingat. Jam verò
cùm

cùm variæ suspicionum causæ juri
proditæ sint, operæ precium nos fr
cturos arbitramur, si eas hoc capi
obiter complexi fuerimus: Et pri
mum quidem nemo ignorat, qui pri
xim forenssem vel à limine salutavit
judicem tam ordinarium, quàm de
legatum recusari posse, si alterut
litigatorum vel consanguinitatis, v
affinitatis vinculo conjunctus sit.

insinuante. De offic. delegati. Quo
ipsum tamen non simpliciter proci
dit. Nam si remoto gradu, velu
ultra tertium, alterutrum ex litigar
tibus attingit, certum est, eam cau
sam ad recusandum judicem ut su
spectum non sufficere: præsertim i
Frisia patria nostra, in qua ad tertiu
gradum exclusivè, consanguinei, aff
nesque (istorum siquidem par el
conditio) judices esse non prohiben
tur. Sed cùm diversarum nationum
non eadem in hoc articulo sit consue
tudo, non censemus opus esse, hui
rei diutius immorari. Ad alias vero
suspicionum causas quod attinet, dic
posse videtur, easdem fermè causas
quæ in reprobandis testibus allegari
ac proponi solent, in recusando judi

co

ce quoque locum habere. Quemadmodum enim testem à dicendo testimonio repellit si parens, *l. testis idoneus ff. De testib. l. parentes C. eod. tit. si filius, l. lege Cornelia ff. De iniuriis si frater, l. pen. ff. eod. tit. si maritus, l. 2. C. eod. tit. si domesticus, l. 3. in princ. ff. eod. tit. si commensalis, si inimicus, c. accedes. ut lue non coniectata si dominus, si vasallus, si inimici mei familiaris & amicus, si socius, si Advocatus, si procurator sit: Ita quoque prædictæ causæ iudicem suspectum reddunt: Quibus & aliæ adnumerantur à Speculatore, aliisque Practicis, veluti si directè, aut indirectè; emolumentum litis aut aliqua portio, ad iudicem spectet: Item si similem aliquam litem habeat jam notam vel verisimiliter movendam: Verendum enim foret, ne cum alterius detrimento suæ causæ præjudicium aliquod constituere vellet, tem si litem cum alterutro litigatorum foveat, *l. propter litem. ff. De Exusat, tut. Auth. si curatoris. C. qui dare ut. Cur. vel habuerit jam finitam.* Præterea & is ut suspectus reputabitur ac recusabitur, quem alteruter*

E ex liti-

ex litigatoribus (utriusque siquidem consensus requiritur) sibi dari judicem petierit, quod mali exempli esse & ad-verecundiam quoque judicis pertinere respondit Callistatus *l. observandum. ff. De judiciis.* Consimiliter & is ut suspectus recusabitur, qui semet ingessisse, & ut Judex daretur, procurasse probabitur. *l. quæ omnia ff. de Procuratoribus.* Istis siquidem causis specialiter expressis atque probatis (quod omnino requiritur, cum sola allegatio non sufficiat, *c. suspicionis. De offic. delegati c. cum specialis. De Appellat.*) Merito legibusque permittentibus, tanquam suspectus à dicenda sententia repelli poterit, siue Ordinarius siue Delegatus judex fuerit. Quod usque adeo procedit, ut dicatur, Imperatori nihilo magis cordi esse, quam ut sine suspicionem, omnes lites peragantur, & tractentur, *l. apertissimi C. de judiciis.* Usque adeo quidem, ut etiam ab imperiali numine dati judices recusari permittantur, *d. l. apertissimi.* Quinimò receptum esse interpretes dicunt, quod nec Princeps tollere possit facultatem recusandi judicem

glossa

*lissa in c. ad hæc. De Rescriptis
Dec. c. quoniam contra De Probat.*
Quæ recusandi judicem licentia, tan-
tum favorem ob id in libera repub:
emper habuit, ut Plinius Secundus
in Panegyrico Traiano Imperatori
lieto, tanquam libertatis certissi-
mum signum ac Imperatore cle-
mentia ac lenitatis verum *Temperior*
eferat, quod recusari iudices à liti-
gatoribus, absque ullo metu ac offen-
sa potuerint, etiam in causis fisci
concernentibus, cujus nunquam ma-
ius esse causam dicit prædictus Pli-
nius, nisi sub bono Principe. Ejus
hæc sunt verba: *Sors & urna fisco ju-
dicem adsignat, licet rejicere, licet ex-
clamare, hunc nolo: timidus est, & bona
culi parum intelligit: Illum nolo, quia
Cæsarem fortiter amat: Eodẽ foro uiun-
tur Principatus & Libertas.* Proinde
et iudices, qualescunque sint, ini-
quæ ferre debent, ex justa causa se re-
cusari, nec Advocatus absq; reprehensionem
clienti hac in re deesse poterit,
cum non ignoret, recusatione inter-
posita processum postea habitum, ip-
so jure nullum esse, *juxta Innoc. Abb.*
& alius in c. cum speciali de Appesil.
E 2 lat.

lat. *Alex. cons.* 89. vol. I. etiam
non sit appellatum.

CAP. XVII.

*De libello, responsione, reli-
quisq; processibus partibus se-
scripturis.*

IAm veró si contra Citationem
emissam iudicisq; qualitatem quo
vel in competens vel suspectus si
nullis exceptionibus locus sit am-
plius, sed lis suo tramite omnino de-
currere debeat: Advocatus Actor
libellum, actionem & futuræ lit-
speciem complectentum, edere de-
bet in iudicio, ut Reus coventus de-
liberare queat, cedere an contender-
velit. Dabit autem operam Advo-
catus, ut factum causamque aptam
quæ medium est concludendi, & e-
qua sequi possit condemnatio, clar-
aptisque verbis, omni dubio & ob-
scuritate carentibus, in libello, per
20. De- articulos ritè distincto, juxta Curia
cembris. Ordinationem 20. decembris ann
1541. 1541. publicatam, & ultima No-
vembr

vembris 1602, renovatam & Enchiridio Statutorum insertam, proponat, subjecta competenti conclusione. Narratio siquidem & conclusio demonstrant, qualis actio proposita fit. Et cum libellus sit substantiale fundamentum litis, usque adeo, ut eo ad nihilum redacto, processus redatur nullus, *c. examinata ibi Felin. De Iudiciis, & D. D. c. 1. de libelli oblat.* providere debet Actoris Advocatus, ut libellus sit aptus, omni que ex parte absolutus atque perfectus: Nam ex vitiosa petitione Actor obtinere nequit, licet probatio exquisitissima subsequuta sit. Proinde Advocato Rei considerandum est & inquirendum, an libellus non aliquo respectu impugnari & subverti possit, Nam illa exceptio ineptitudinis, vel incertitudinis, generalitatis, obscuritatis que libelli, in qualibet iudicii parte, atque adeo & post sententiam opponi potest: *Iason in l. si patronus ff. De Iurejurando. Bald. in l. Exceptionem, C. de probat. Maranta in spec. aureo, parte 6. § novum membrum, nu. 5. Panor. in d. c. examinata, nu. 3. & 4. Dec. cons. 152.* Quinimò Judex ex officio talem libellum

bellum ineptum lacerare ac rejicer
 tenetur, *Baldus in l. final. C. de an
 nali except. gloss. & DD. in l. 1
 ff. de offc. Ass.* Ad hæc prospicer
 debet Advocatus actoris, ne qui
 libello inferat, clienti suo damnosum
 habetur enim pro confessione judi
 ciabili, quæ contra Actorem probat
 Quod tum procedit, si reustalia nar
 rata libello comprehensa, accepta
 verit; secus si contradiverit: Eo si
 quidem casu istiusmodi narrat
 confessionem induentia, non ne
 cent narraati & contenti, juxt
 ea quæ tradit Baldus, *l. si magnum
 C. Qui accusare non possunt. l. 1
 C. de confessis.* qui dicit ex libello
 negato neminem se fundere posse
Parisius cons. 115. lib. 1. num. 31. De
 nique providere debet, ne clausulan
 illam salutarem omittat: Peto mihi
 jus justitiamque administrari, omni
 meliori modo ac via, &c. Quæ ejus
 est efficacix, ut videatur litigan
 omne jus suum qualitercunque
 competens, in judicium deduxisse
 juxta communem Doctorum opi
 nionem. *in c. cum dilectus. de ord. cog
 c. 2. de offc. ord. Iason in L. petens. C
 de Pa*

de Pactis. Ang §. omnium. insit. De A-
ctionib. Imo operatur & efficit ista
clausula, ut iudex in iudicando solum
rei gestę veritatem, que ex actis con-
stet, non petitionem Actoris respice-
re debeat, prout tradit Guido Papa,
scon. c. 49. Dicens, quod propter
hanc clausulam iudex potius respice-
re debeat ad ius partis, quàm ad A-
ctoris petitionem. Cujus virtute e-
tiam expensas, licet non petitas, iudex
adjudicare potest, ut inquit Mynsin-
gerus, consilio 16. num. 49. & senten-
tiam super ineptu libello quoque fer-
re, juxta ea quę tradunt doctores di-
versis locis. Abbas in d. cap. cum dile-
ctus. Socinus cons. 39. parte prima. Ia-
son in d. l. petens. Ang fin d. §. omnium.
Felyn. c. cum super De offic. delegat. In-
noc. in c. examinata. Imò tantę po-
tentię est prædicta clausula ut si quis
possessorium intentaverit cum d.
clausula, etiam in petitorio obtine-
re possit, DD. in d. c. cum di-
lectus. Felyn. in c. licet Hely, De
Simonia. Iason I. naturaliter nihil
commune, De Acq. poss. Quem ad-
modum autem à libello abesse debet
omnis obscuritas, generalitas & in-

certitudo : ito quoque responsio Rei omnibus prædictis vitiis carere debet, & elapso trium septimanarum termino, præcisè tradi & exhiberi quæ non solum clari aptisq; verbis litis contestationem inducentibus, articulisque distincta (proud de libello antè relatũ est:) sed quolibet articulo unum tantum factum complecti debet : quod & Ordinatione magnis Consilii apud Mechlinienses cautum reperitur, sub Tit. de Advocatis & Procuratoribus, artic. 9. ac insuper ad singulos libelli articulos rotundè & categoricè, vel confitendo, vel negando non quidem generaliter, sed specificè respondere Reus tenetur, alioqui vi ac potestate Ordinationis ultima Novembris 1602. promulgatæ ac Enchiridio Statutorum insertæ, pro confessis omnia habebuntur quæ ita refutata non fuerint. Quod autem de trium septimanarum spacio in iis exhibendis præcisè observando antè dictum est, locum habet, nisi causa aliquo privilegio subnixa, breviori termino in iudicio ex Curia Decreto tractanda peragendaque veniat : ut est Alimentorum, Matrimonialis, Merce-

Mercedis non solutæ causa, ac similes, in quibus octiduum præfinitum est. Quod si provisio locum habeat, aut lis 50. aureorum Carolinorum summa minor sit, juxta Curiae constitutionem exemplo respondere reus, ac intra octiduum litem peragere tenetur: Quod & in aliis causis locum habet, in quibus de plano, & sine figura judicii, summarie ac sine strepitu proceditur; in quibus sufficit petitionem Actoris, viva voce factam, actis inferi. *Clementina, sæpè. De re judicata.* Quod si verò materia tam sit lata, & diffusa, variisque circumstantiis usque adeo implexa ac involuta, ut libello responsioneque concludi nequeat, sed omninò replicandum, duplicandum, aut ulterius quoque scribendum sit, utriusque partis Advocati prospicient, ut in processu omnia facta, quibus probatis, victoriam se consecuturos confidunt, aptè distincteque proponant, nullisque repetitionibus ac superfluis verbis utantur, quod βατταλογία dicitur. Nam interlocutione judicis ad probandum admissi, non alia facta probatoriis articulis comprehendere.

permittuntur , quàm quæ in processu ante sententiam interlocutoriâ proposita , atque narrata reperiuntur , exclusis tamquam impertinentibus , quæ postmodum articuli inserta sunt, quorum in processu nulla facta fuit mentio , prout Ordinatione Curiae 20. Decembris , Anno 1541. promulgata, & ultima Novembris, 1602. renovata , cautum reperiatur. Atque eò spectat protestatio ex stylo Curiae; interrogatoriis præmissa de impertinentibus non admittendis valde utilis & necessaria. Ea siquidem efficit , ut eorum in decidendis litibus, iudex rationem nullam habere possit ac debeat. Prædicta autem constitutio eam recipit limitationem nisi petitâ adversus omissionem in integrum restitutione, (quæ ex probabili causa indulgetur) aliter dispositum fuerit: Neque enim quisquam legitimis probationibus defensionibusque facillè secludendus est, vel præcipitandus: quod præcipitatio sit iustitiæ noverca, Postremò illud quoque præcavebunt Advocati , ne in Quadruplicatione ulla instrumenta exhibeant: Id enim Curiae vetat ordinari.

dinatio, 15. Martij, anno 1597. publicata. Quod si fecerit Reus, poterit Actoris advocatus, licet in causa conclusum sit, ea refutare, præcisâ contradictione ejus qui hoc fecit. Porro & illud vitabunt Advocati, ne prolixitate scribendi vel adversarium obruant vel Judici tenebras offundant, memores ejus, quod rectissimè Baldus dixit, tantum valere unum verbum effectivum, quantum mille. Qua parte, ab aliquibus Advocatis, pluribus adhinc annis valdè peccatum est. Tempore quo nos relictâ Mechliniâ praxin in patria exercere cœpimus, anno 1572. Advocatos hujus Curia, viros canicie venerandos, Juris scientiâ, & praxis peritiâ præstantes, prudentia morumque gravitate conspicuos, fideque propè singulari, quorum nemo in vivis nunc est, ab ista prolixitate alienissimos fuisse vidimus, quam illi tanquam pestem justitiæque remoram, averlabantur: quorum aliqui in causis gravioribus nos sæpè hæsitatio liberarunt, ac consilio instruxerunt ignorantiam nostram. Quam ipsam prolixitatem ut obscuritatis

matrem, à judiciis pellendam fugandamque, serenissimus ac potentissimus Angliæ, Scotiæ, Hiberniæque Rex Iacobus, ejus nominis I in dono Regali ad filium dilertis verbis monet, neque immerito quidem, cum veritas simplex sit, quæ fucō coloribusque non eget, paucisque declarari potest: unde & suspecta iudicibus ista prolixitas plerumque solet esse. Quæ quidem nimia prolixitas Edicto prædicto causam dedit anno 1597. promulgato, quo centesimum articulorum numerum, & quadruplicationem, absque Curiae permissione, libello supplici impetrata, excedere non licet, sed ut illa prolixitas, ita & alii complures abusus, hoc ævo nimis maligno, in praxim hujus Curiae irrepsert, quibus tollendis rescandisque, Ordinationibus diversis, ultima Novembris 1602 promulgatis, aliquatenus prospectum est: Nos certè cum Plinio secundo Epistola ad Maximum lib. 9. fateri cogimur, descivisse nos à consuetudine parentum, a quibus omnia disposita, moderata, tranquilla, majestatem loci pudoremque retinebant.

Quod

CAP. XVIII.

*Quod sit officium Advocati in
processu concludendo ac in-
struendo ante sententiam in-
terlocutoriam.*

PROCESSU ut antè retulimus, ad
conclusionem perducto, Advo-
catorum partes sunt, eam in instruen-
do curam diligentiamque adhibere,
ut facta, cum originalibus scripturis
(gallicè *minutes* vocant, practici)
collatione, inspiciant, num in descri-
bendo alicubi erratum sit ab ama-
nuensibus Curiaë, & si errata vitiaque
deprehenderint, ea sedulò corrigant,
& per articulos aptè numeris distin-
ctos notent, suaque subscriptione
munitum Graphæo Curiaë, aut illius
vicario quem Actuarium appellant,
actis inscribendum adnotandumque
porrigant. Si enim secus factum fue-
rit, facile fieri potest, ut totus proces-
sus intercidat, quod aliquando acci-
disse conquestos fuisse Advocatos,
quorum intererat, audivimus. Cer-
tè

tè Curiaē ordinatione nuper publica-
tata, in iunctum est Advocatis, ut præ-
dictis solemnitatibus adhibitis, pro-
cessus instruant, instructosque debi-
to loco collocari ac reponi procurēt
adnotatione prius facta, quo die
mense, ac anno, aliis processibus ac-
cesserint. Omnino autem sollicitè ca-
vere debent, ne concluso processu in
iudicio, eum instructuri aliquod in-
strumentum in processu non exhibi-
tum, nec à parte adversa antè visum
repertorio adjiciant ac infarciant. Id
enim non tantum permissum non est
lege prohibente, sed prorsus pugna-
cum fide boni viri, qualis vel maxi-
mè esse debet Advocatus. Nulla e-
nim iniustitia major excogitari po-
test, quàm si operam det & ingentis
nervos omnes intendat advocatus, ut
quo jure, quàve injuria, adversarium
circumvenire atque supplantare pos-
sit, ad obtinendam causæ victoriam.
Quinimò si machinationibus callidis
technisque reprobatis, advocatus sen-
tentiam pro clienti suo consecutus
fuerit, ad restitutionem tenetur, sive
in ingressu litis, sive postmodum cli-
entem suum injustam fovere causam
de-

deprehenderit, non minus quàm si per imperitiam aut negligentiam causâ justâ cliens ceciderit, utroque enim casu tenetur Advocatus ad restitutionem, ut dictum est *Alberic. in l. 1. C. de suffrag. Host. in summa de Advocato. § fin. vers. tenen. Spec. eod. tit. vers. qui si per-imprud.*

CAP. XIX.

De Interlocutoria Iudicis sententia.

PROCESSU conclusò, & juxta Curiae stylum in structo, consueverunt aliqui Advocati, ad præcendas moras, & ut eo citiùs ad probationes proferendas admittantur, suo periculo (etiam refragante adversario) petere, processum Interlocutione iudicis terminari, partesque ad probandum admitti. Id quia periculo non caret, cautè advocatus in eo negotio versari debet, non ignarus, quòd si Curie, processum postea censenti secus visum fuerit, non impunè laturus sit. Vidimus enim nostro tempore, Advocato magni nominis, duarum

duarum librarum Flandricarum multam irrogatam fuisse, quod processum in factis consistere adseverasset, & suo periculo interlocutionem judicis delegati, intervenire procurasset, quem Curia ad instantiam Advocati partis adversæ postmodum absque interlocutione terminari potuisse deprehendebat & definiebat. Tutius itaq; fecerit Advocatus, si Curiae censendum processum obtulerit, ejusq; diffinitionem expectaverit, nisi res tam sit manifesta ut Advocatus quoq; partis adversæ, facti esse questionem declaret. Quod si per malitiam id fecerit, ut eâ viâ terminationis remoram injiciat, ac adversarium frustratoriis dilationibus detineat impediatque, certus esse debet Advocatus, gravissimè Deum, omnis injustitiæ, doli fraudisque hostem, offensum iri, atque se ad expensarum damnorumque & salarii proprii non tantum in foro toli (ut loquuntur) sed & foro fori restitutionem teneri. Illud autem sui esse officii Advocatus intelligere debet, ut Interlocutione judicis facta, & partibus ad probationes inferendas admissis, statim clientem

tem alibi commorantem certio-
rem faciat, eumque moneat, ut primo
quoque tempore ad se veniat de arti-
culis concipiendis probationibusque
præparandis communicaturus, non
ignarus, Ordinatione Curiae nuper
renovata, Enchiridióque Statuto-
rum inserta, primam dilationem à die
latæ sententiæ Interlocutoriæ ini-
tium capere ac labi, licet in iudicio
ab Adversario nulla sit facta inter-
pellatio. Quod Advocatus omit-
tere & negligere minimè debet, cum
& clientis interfit scire, & ille quoque
eo nomine salarium percipiat.

CAP. XX.

De Dilationibus probatoriis.

CUM objectum, finis scopusque
Advocationis sit iustitia sacro-
sancta, circa quam versatur causarum
patronus, eaque sit unicum reip. vin-
culum idque fortissimum, quo con-
cordia civium colligatur & contine-
tur, qua sublata nihil cuiquam ex-
ploratum esse potest, quid suum,
quid alienum sit, teste Cic. *In Ora-
tione*

tione pro Ceinma. Illud advocatus si persuasu me habere debet, nihil tam ad officium suum pertinere, quam lites incolarum sibi commissas quam citissime ad finem perducatur. Quotum tuturum est, si dilationibus ad probationes producendas iuribus concessis, præcidendis decurtandisque invigilet. Quorsum enim dilationum temporibus, duobus videlicet mensibus elapsis, tertiam sibi dilationem concedi postulat Advocatus, testibus in provincia commorantibus, qui prioribus duabus currentibus nullam diligentiam præstitit sed in utramque (ut dici solet) aurem dormivit? Quorsum adversus non unius aut alterius, sed trium quoque terminorum lapsum in integram restitutionem postulat, is qui prioribus currentibus ac labentibus, non diploma quidem (*Commissionem* vocant,) nedum Citationem ad testes suos evocandos requisivit? Illud extra controversiam est, Advocatos ea de causa pessimè audire, atque falsissimè à populo traduci, quòd datâ operâ plures & superfluas dilationes, sine clientis quoque mandato, ad

ad fatigandum adversarium & lites protrahendas sibi concedi postulent. Profectò fateri oportet, eos, qui malitiosè hoc student, contra jurisjurandi religionem, in conscientiam & viri boni officium peccare & delinquere, cum quantum in se est, reipub. tranquillitatem, civiùmque concordiam convellant atque conturbent. Interim tamen nolim ea, quæ dicta sunt, ita accipi, quasi cuiquam author esse cupiam, ut adversarium suum probationibus secludat: Scimus enim favorem habere probationes, quibus causa instruitur atque allegata in processu docentur, earùmque non angustandam, sed ampliandam esse facultatem, ut loquitur Imp. l. *quoniam C. de hæreticis & Manichæi*. Sed id tantum improbamus, ac bonæ fidei neutiquam congruum esse testamur & declaramus, si quis ex composito cum cliente suo hoc agat, ut finem litis protelando ac differendo, partem adversam morâ longâ sumtibusque fatigatum vel ad deferendam litem, vel transigendam velit nolit compellat adigatque. Illud enim à viro bono, qualis Advocatus

tus esse debet, quam remotissimus
esse debere nemo vel micâ conscien-
tiæ præditus, diffitebitur. Facit eni
talis Advocatus contra legem char-
tatis, facit contra leges & Ordina-
tiones publicas, quibus jurejurand
obstrictus est, denique contra jur-
præcepta quod profitetur: Ne-
que enim quidquam ab honesta-
te tam est alienum, quàm faculta-
tes proximi, istiusmodi malis artibu
technisque atterere & pessundare
Quod si verò alteruter ex litigatori-
bus, elapsis dilationibus tribus, teste
sibi producendos arbitretur, supplic
libello Curiae porrecto expressis im-
pedimenti causis, aliquod sibi tempus
indulgeri petet, ac re in contradicto-
rio iudicio ventilatâ & disputatâ,
Curia si postulationem requirentis
rationibus subnixam compererit,
aliquot dierum spacium non gravatè
concedet, ne quem à probationibus
secludi contingat. Quam judicialem
postulationem certis verborum for-
mulis conceptam, *fiat Request*, in ju-
dicio Curia consuevit exprimere.

De

CAP. XXI.

*De Positionibus, Articulis-
que probatoriis.*

QUoniam hujus Curiae supremæ
Stylo receptum est, ut, ante-
quam testes ad dicendum testimo-
nium adhibeantur, utraque pars, ju-
risjurandi propter calumniam, nisi il-
lius gratia facta fuerit) religione con-
stringi possit, qua sub nominis divini
invocatione declarant & profitentur
parte ad hoc citata, se credere justam
esse causam quam persequuntur, ni-
hilque fecisse, nec facturos esse, quo
judicium integritas labefactetur, &
veritatem candidè simplicitèrque di-
cturos, nullis superfluis dilationib.
trahendæ litis gratiâ usurus; Advocatus
cavere summopere debet, ne
clientem instruat, quid ad positiones
articulosque respondere debeat, ut
condemnationem justam effugiat.
Gravissimè certè istiusmodi Advocati
peccant, qui & jurisjurandi reli-
gionem violant, & Deum opt. max.
justitiæ veritatisque protectorem &
vin-

vindicem, imò veritatem ipsam offendunt, insupèrque clientem proprium mentiri docentes maximo se se peccato involvunt. Quod si cliens instet ac urgeat, consiliùmque petat quid respondere debeat, ut victoriam obtineat, faciet Advocatus quod Joannes Baptista Caccialup. in Tractatu suo de officio Advocati, facendum suadet, *quæst. 4. nu. 15.* ut dicat *Si sic responderis, perdes causam. si aliter & contra veritatem animam perdes.* Tenetur certè Advocatus, graviter clientem suum monere, & divinum numinis iram vindictamque ob oculos ponere & inculcare, ne contra veritatem respondeat, sed ut purè ac planè, præsertim de proprio factò, absque ulla limitatione ac adjectione respondeat. Id si fecerit, Deo conscientiam suam probabit & laudem bonumque nomen apud homines, etiam eos, qui mali sunt, sibi conciliabit. *Fides etenim in præsentia eos quibus resistit, offendit, deinde ab illis ipsis suscipitur atque laudatur,* teste Plinio 2. lib. 3. *Epist. ad Minutianum.* Porro Advocatus, qui positiones articulosque conscribit, id prospicere quoque debet,

debet, ne nova facta in processu non allegata articulis inferat, ne singulis articulis amplius quàm unum factum complectatur: id enim vetat Curiae Ordinatio 15 Martii 1597. promulgata ac Enchiridio Statutorum inserta, sub Rubrica de Advocatis, artic. 13. Quid & Ordinatione magni consilii apud Mechlinam cautum est, artic. 34. sub Tit. *Ordonnance et stil de proceder*. Sed nec articulos ta concipere debere, ut rudes simplicesque homines, per confessionem, per verbum (*credit*) prolatam incaptionem incidant, quod tum fieri sæpè vidimus, quando præjudicialis aliqua qualitas, multis verborum involucris tecta, articulis inserta reperitur, quam respondens, doli nescius, in responsione sua non excusat. Id siquidem Advocatus, ut vir bonus, salva conscientia facere nequit, qui in eo, ut in reliquis processibus, bona fide & sincere versari debet, ne quicquam admittere, quo clientis sui adversarius supplantetur, lamnumque accipiat injustè. Verum enim verò cum ipsæ positiones ab Actore conscriptæ exhibitæque, contra

15. Mar-
tij, 1597.

tra eum tanquam confessum pr
bent. *cap. finali. de jurejurando.* adeo
revocare talem confessionem ta
quam judicialem nequeat, *Spec. T.*
de posit. §. decimo. num. 8. sollicitè pr
videbit Advocatus, ne positionib.
articulisque ea complectatur, qu
clienti proprio præjudicare possit
Producens siquidem positiones fat
tur vera esse, quæ in illis contine
tur, *l. cum precum, C. de lib. conf.*
transactione. ibi Bald. C. de Transact. A.
lex, conf. 71. lib. 1. Porro cum aliq
Advocati consueverint, parti adve
sæ ac etiam testibus, ad articulos at
etiam interrogatoria responsuris, pe
sitionibus interrogatoriisque crimin
complecti; quod videlicet vel perju
rus, vel adulter, vel hæreticus sit, &
illis respondere non teneatur, er
Advocati partis adversæ hîc officium
monere clientem suum, vel testen
ne tali positioni criminosa respor
deat, alioqui enim si falsus fuerit tal
delictum, dictum illius nullius er
momenti, teste Lanfranco, *Tit. de res.*
num. 79.

D

CAP. XXII.

De Confessionibus.

Responsione ad positiones articulosque redditâ, prima cura erit Advocati, diligenter inspicere quid clientis adversarius responderit. Nam si confessus fuerit id, quod est intentionis fundamentum, salva res est: nec enim necesse erit, testibus producendis oleum operamque perdere: cum nulla sit efficacior probatio quam propria confessio, *l. cum te. C. de Transact. l. generales. C. de non nu. pec. l. fin. C. de fideicom.* Confessio siquidem judicialis, ab omni onere probandi relevat: Imò confessi in jure pro judicatis habentur. *l. unica. C. de confessis.* Et ratio est, quia quodammodo sua sententia damnantur, *l. i. ff. eod. tit.* atque ob id nullæ dicuntur esse partes judicantis in confitentes, nisi ut condemnet. *l. proinde. §. ult. ff. d. l. Aquilia.* Unde ex illa confessione procedi solet ac sententiam definitivam, etiam in causis capitalibus. *Ang. in l. ea quidem. C. de Accus.*

F Quod

Quod tamen non indistinctè pro-
dit, sed concurrere debent ea, quæ
interpretes tradunt, Quorum pri-
mum est, ut sit facta coram iudice
suo. *l. 2. De confessis, c. at si clerici, de
iudiciis.* Nam sicut sententia à iudice
suo iudice lata, est nulla: Ita quoque
confessio coram eo prolata non str-
git. *Butrius in d. c. at si clerici, & c.
diligenter. De foro compet. Alex. co.
30. lib. 7.* Deinde requiritur, ut
facta, adversario præsentem: licet id
hac materia locum non habeat, in
qua de ea tractatur confessio, quæ
ad partis instantiam, & iudicis inter-
rogationem seu examinationem
per articulis, factisque in processu
ante interlocutoriam negatis, fieri co-
suevit. Et licet aliàs in confessioni-
bus ad obtinendam victoriam re-
quiratur quoque, ut sit facta à ma-
iorem annis, ob id quod minor, adversus
suam confessionem, in integrum re-
stituatur, *l. certum. §. in pupillo,
De confessis. L. si ex causa iudicati
nunc videndum, ff. De minorib. 25. a.
n. 2.* prætereà ut sit facta libera volun-
tate, & non coacta. *c. 1. 15. q. 1.
L. confessionib. ff. De interrogat. Ad*

Ac

Ad hæc, super re litigiosa: Ea tamen in his confessionibus de quibus agimus, locum sibi non vendicant, cum minor personam standi in iudicio non habeat, nisi ætatis venia impetrata: Eâ enim indultâ omnes, actus legitimos exercere potest, non minus quam qui 25. annum explevit, prout decisione Curia hujus re ab Advocatis in dubium vocata 29. Junii 1604. definitum est, & in iudicio cesset omnis metus vel coactionis suspicio. Illud autem præter cætera in hisce cõfessionibus requiritur, ut sint factæ ex certa scientia & non errore. Is enim qui errat, non fatetur. *l. non fatetur. ff. De confessis.* Unde error facti necdum finito negotio nemini nocet. Quo probato, iudicis est providere, ne parti erroneè confessæ, aliquod exinde præjudicium generetur. *c. fin. De confessis.* Quamvis autem regulare sit, ut antè diximus, quòd confessi pro iudicatis habeantur, & confessio ab onere probandi relevet, multi tamen præter eos quos retulimus, in iure casus sunt, quibus confessio confitenti non præjudicet, veluti si postea liqueat, arti-

*Observa-
tio. 29.
Junii.
1604.*

culos fuisse impertinentes. *Innocentius* c. cum conting. de offic. delegat. *Narrant* parte 6. tit. de posit. num. 33. *Magnus* conf. 229. Item si quædam apud *Etta* profiteatur, ancillam se vel servam esse. Talis enim confessio, contententi non præjudicat, & hæc defensionem libertatis non excludit, *l. interrogata. C. de liberali causa.* Similiter si conjugatus fateatur, ante contractum matrimonium, se uxoris se consanguineam cognovisse, imò profiteatur uterque, tamen propter talem confessionem, non separantur conjuges. Porro ad nostram materiam quod attinet, illud extra controversiam est, si partes jurejurando de veritate dicenda præstito, ea quæ portionibus judici exhibitis comprehensa sunt, & ad victoriam consequendam sufficiunt, respondendo confiterentur, testimonium productionem necessariam non esse, ut nec tunc, quando pars ad respondendum articulo bina citatione evocata, contumaciter emanet: habetur enim quoad portiones in judicio exhibitas, (quod necessario requiritur) pro confessio, *cap. ult. de confessis. lib. 6.* Id enim fit

as hujus Curiae recepit & in praxi
 observatur. Quod tamen non aliter
 procedere tradunt interpretes, nisi sit
 præsens coram iudice, & monitus ut
 uret, non respondeat dum præsens
 est, vel contumaciter se absentet post
 admonitionem factam à iudice, ita ut
 contumacia nulla ratione possit ex-
 usari, glossa in c. si post præstium. Bald.
 in l. unica, C. de confessis. & in l. 2. §.
 quod observari. C. de iuramento calum-
 niæ. Cantiunc. cons. 27. num. 59. Ne-
 que verò Advocatum movere de-
 bet, responsiones partis adversæ exa-
 minantem, si qualitatem aliquam
 restrictivam adjectam deprehen-
 derit; cum ignorare non debeat,
 sius qualitatis, quæ responsioni
 affirmativæ adjecta est, probatio-
 nem, respondentem eamque alleganti
 incumbere; Qua non probata, pe-
 inde habetur, ac si pure absque ad-
 ecta qualitate respondisset, confi-
 dens id in quo cardo negotii versatur
 & consistit. Illud prædictis obiter
 adjiciendum arbitramur, non requi-
 ri præcisè partis ipsius ad articulos
 responsionem, si propter probabilem
 causam adesse nequeat, sed per Ad-

vocatum aut procuratorem, in armam clientis jurantem, responsum dari posse, ita tamen ad singulos articulos instructione transmissam habeat atque exhibeat, alioqui repellendus; quod Ordinatione Curiae Hollandicae artic. 125. cautum ac permissum reperitur.

CAP. XXIII.

De Interrogationibus ad Articulos exhibendis.

Interrogationum quæ & interrogatoria à practicis dicuntur, usum in judiciis causisque forensibus ferè omnibus sibi locum vendicat: Ut nimirum pars, contra quam testes producuntur, articulis interrogatione subjiat, super quibus non minus quam ipsis articulis testes examinari & interrogari debent, ob id quo magnum ad eruendam veritatem momentum habeant, atque eo nomine solum exhibeantur, ut judici tantò promptius veritas innotescat, c. præsentium. De Testib. lib. 6. Mynsing. con

3. m

nu. 4. Nam si testes non sint inter fidei, animis eorum, ex aliqua causa, in favorem ejus, à quo produuntur, inclinantibus ac propendentibus, per interrogationes ad omnes loci, temporis ac personarum circumstantias, falsitatis facile convinci possunt. Siquidem permulti homines reperiuntur, qui ad perhibendum testimonium vocati, faciles sunt, & non satis animadvertunt, quid dicant, qui per interrogationes istiusmodi, non parò, tanquam è profundo somno excitati, semetipsos recolligunt, dictaque sua corrigunt, aut si id non faciant, semetipsos confundunt, testimoniumque suum suspectum reddunt. Quo fieri credimus, ut in Tribunalibus Orientalium civitatum, primùm ad articulos, deinde ad interrogationes partis singulas, pari fide ac diligentia examinentur. Istiusmodi enim informationes nobis sæpè exhibitæ fuerunt, quas non sine voluptate & admiratione legimus. In nostris, tum inferioribus tribunalibus, tum suprema Curia non ita fieri vidimus, examinadoribus sæpè exiguam interrogationum rationem habentibus

bus, nisi urgeantur, quod nobis non raro contigit. Consimiliter quoque in examinandis testibus, antehac peccatum fuit ab examinadoribus, sola credulitatis voce contentis. Sed Edictum Ordinum nuper publicato, *ultima Novembris. 1602.* ei rei prospectum fuit, ac injunctum, ut testes audire extensum eorum dicta excipiant atque describant, non contenti verbo, *credit*, ut fieri consuevit his verbis, *ac primum, secundum, ac tertium, articulos respondit testis, credit*: Id enim Ordinatione predicta vetitum est sed debent ad longum testium depositiones scripto complecti, adicientes, quid sit quod verum esse aut se credere dicant. Quod si observatum fuerit, ut praeceptum est, experientia rerum magistra docebit, testes non omnia adseveraturos, quae articulis, quos se credere dixerunt continentur: praesertim si super interrogationibus partis adversae, diligenter examinati quoque fuerint. Nam aut dicta sua statim corrigere cogentur, aut si id omiserint, contrarietatis semet redarguent. Qui certe mos interrogandi testes laudabilis utilisque ad veritatem

ē eruiendam, mordicus observandus
ic retinendus est: Ac tanto quidem
magis, quod jure civili ac Curie stylo
exceptum sit, ut non nisi parte, contra
quā testes producentur, citatā (ut sci-
cet testes jurare videat atq; interro-
gatoria exhibeat) fiat examinatio.
Quod quidem usque adeo requiritur,
ut nisi id factum fuerit, tota examina-
tio testium irrita reddatur, viribusque
areat. Est enim ea observatio de sub-
stantialibus judiciorum solemnitati-
bus, qua omissa, redditur actus nullus,
iuxta ea quę tradunt DD. diversis lo-
is, *l. si quando & l. juris jur. C. de Testib.*
auth. apud e. loq. C. de f. de instr. c. in nomi-
ne Domini. de Testib. ibi Felyn. Alex conf.
80. l. 1. Iason l. pr. pter. §. f. n. C. de jud. Il-
ud a. ad munus & officium Adv. per-
tinet, sollicitē prospicere, ut hæc quæ
dicta sunt, ad unguem observentur: &
inter cætera præcavere, ne interroga-
tionum vel parti adversæ, vel testibus
producēdis copia fiat, ante examina-
tionē. Id n. minimè expediret, sed usū
utilitatemq; interrogationum interci-
peret, testibus antè ad singula interro-
gatoria quid respondendū sit, edoctis,
ac instructis Porro operā dabunt Ad-

cati ut inconcipiēdis interrogationibus modum adhibeant. Neque enim earum multitudine onerandus est Curia delegatus ; Qua parte à quibusdam Advocatis peccatur , qui omnium clientis sui merita causæ,interrogationibus complecti solent , malo more & exemplo.

CAP. XXIV.

De Testibus producendis, et quod sit Advocati in eam munus.

INter omnia quæ hætenus in medium allata sunt, judicii membrum nullum est, quod majorem fidem, probitatem, ac circumspectionem Advocati desiderat, quàm hoc ipsum de quo nunc agimus. Nam cum necessitas rerum ea sit, teste jurisconsul, l. i. ff. De Testib. ut in quæstionibus facti instrumentis deficientibus, nullus ferè detur exitus, nisi per testes, utraque parte quod verum est, sibi arrogante, providi industriique Advocati erit, procurare, ut omnia, debita cur

a

ac sollicitudine conficiantur. In primis autem dispiciet, ut legitimè in producendis testibus, nomine clientis sui procedatur, nihil subdolè, nihil contra formam juris fiat. Cavere itaque debet, ne delegatum judicem leu examinatore clientis suo propitium, & parti adversæ suspectum, impetrare studeat: Id enim bonæ fidei consentaneum non est, ac jure quoque reprehenditur. *c. ad hæc. De Rescriptis.* Deinde ne consilium clientis execrabile det, de testibus corrupendis, aut instruendis, aut ad clientis sui (quæ multorum hominum malitia est) requisitionem instantiamque ipsemet id faciat. Peccat siquidem gravissimè qui id facit, teste Bart. *in l. 2. C. de jurejurando propter calumniam.* Sed clientem, ad hoc impium remedium declinantem, serio & cordatè monere debet, ne quid tale contra rectam conscientiam moliatur, etiam si omnes latere posset, nihilque Deo opt. max, tam exosum esse, quàm proximum circumscribere, dolo fraudeque decipere, & quidem in judicio, cui Deus ipse præsidet, cujus oculis omnes hominum actiones pa-

rent, qui falli nequit: *Cœlestis enim oculus iustitiæ, videt quidquid fit, etiam in locis desertissimis*, teste Philone Judæo lib. 1. de vita Moys. Tota scriptura sacra exclamat contra calumniatores mendaces, falsosque testes, per quos optimus quisque in vitæ nominis, vel facultatum discrimen facili vocatu negotio: Unde apud Salomonem Prov. 25. Falsus testis dicitur esse iaculum, gladius, & sagitta acuta. Exemplum præbet duorum senum ad verius pudicissimam matronam Sannam testimonium falsum, quæ ac supplicium ducta lapidibus obruta fuisset: nisi Danielis pueri, per divinam inspirationem, ad vindicandam injustè damnatæ innocentiam, provocatione liberata fuisset, senibus, per diversi loci circumstantiam, interrogatione facta, de falso testimonio convictis & lapidatis. Dan. 13. Quinimo & Christum servatorem nostr. Scribæ & Pharisei falsis testibus convincere conati sunt omnium innocentissimum, ut & S. Steph. martyrem. Act. 6. Qua propter nulla in re maiorem adhibere cautionem debet Advocatus, quàm in testibus producendis, ne quid fiat quo
testium

testium integritas evertatur aut testimonium illius parte adversa non vocata corruat, cum nec indicium faciat, juxta ea quæ tradunt interpretes. *Bart in l. fina. C. de questionib. Bald. in l. jubemus. C. de probat. Innoc. in c. per inquisitionem De election. b.* Neque vero id solum pecunia muneribusque fit, sed & tum quoque corrumpitur testis aliquo modo, si in caupona oppipare eum tractari vino vel alio potu inebriante procuret cliens vel illius Advocatus, quod in hac Provincia, malo more frequentissimum est. Nam ea quoque corruptelæ species est, si homines sint infimæ sortis, & istiusmodi tractationi non assueti Quo fit, ut homines isti testimonium perhibitori sæpè bene poti Commisario examinandos se offerant. Qui meritò & non sine gravi & acri reprehensione increpandi & repellendi sunt, & non nisi somno discussa crapulâ admittendi & examinandi. Et licet adversus tales testes, legitimæ competant reprobationes ac refutationes, satius tamè est, veritatem ab hominibus, istis remotis obstaculis prædictis, nudâ simpliceq; proferri. Nam si veritatem corrup-

ti ali-

ti aliquo modo oppugnaverint, & quod falsum est, in gratiam producentis dixerint, aut eam reticuerint, certo sibi persuadere debent, divinam vindictam ultionemque se non evafuros. Nec solari falsum testem debet, quod imperator *l. 2. C. de jurejurando. l. nam ff. De dolo.* dicat, perjurium solum Deum habere ultorem, ut putent extra omnem poenam se constitutos etiam si de perjurio appareat: cum Ulpianus referat: *l. si duo versic. finali ff. de jurejurando.* Imperatorem rescripisse cum patre, eum qui pejerasse convictus erat, fustibus castigatum dimittendum esse, tametsi & id tum procedere dicat glossa, si perjurium non cedat in alterius praejudicium in cap. quicumque, 6. q. 1. d. l. 1. §. 1. ubi Bart. ff. h. t. Ut & testis, qui jurejurando praestito veritatem se dicturum recepit, infamiae notam contrahit, & ab omnibus honoribus ac dignitatibus repellitur, cum falsi crimen incurrat, si falsum testimonium perhibuisse probatus fuerit. Tametsi homini Christiano, qui post hanc vitam vivorum ac mortuorum judiciū futurum credit, nulla

la gravior pœna accidere possit,quàm
si conscientiae morsum perpetuum,
tanquam tortorem & carnificem sur-
do verberare cœdentem, in animo cir-
cumferat. Sed illud aliquando indis-
putationem vocatum meminimus,an
ne gratiam jurisjurandi facere tenea-
ris, si certus sis,adversarium tuum pe-
jeraturum, vel testem falsum testi-
monium dicturum? Sanè charitas
Christiana suadere debet, (meo qui-
dem iudicio) ut jurisjurandi gratiam
facias, quod salva fide testimonii li-
cet, quod nimirum nobis charior esse
debeat, magisque curæ, proximi salus
periclitantis, quàm pecuniariam ali-
quod compendium nostrum, quod
nobis, etiam remissa jurisjurandi reli-
gione, salvum fortè futurum est, si
veritatem absque jurejurando profes-
sus fuerit ac perhibuerit, quod sæpè
contingit: Advocatus certè unicè de-
bet adlaborare, ne ullo modo addu-
ci se patiatur, ut vel dicat, vel faciat
aliquid in gratiam clientis sui, quod à
fide boni viri, præceptis legum, Cu-
riæque decretis sit alienum. Ita enim
fiet, ut bonam conscientiam, quæ ju-
ge convivium Salomoni dicitur, *Pro-*
verb.

verb. cap. 15. Deo probaturus sit, ac apud homines laudem comparaturus. Ne autem cursum iudicii impediunt remoramque liti paragendę injiciant, curabunt Advocati, tum Actoris, tum Rei, ut testes intra terminum renunciationis, aut à iudice præfixum, aut partium conventionem designatum producantur. Nam quod nunc passim fieri videmus, ut ad finem currente tertia dilatione, ad productionem se præparent, duabus integris dilationibus, quibus omninò nihil actum est, elapsis, à supina negligentia, imò malitia excusari nequit. Est enim Advocati officium, ut interlocutoria sententia pronunciata, clientem suum certiores faciat ac moneat, ut veniat, ac de testibus producendis consilium capiat. Quod intra mensem, partibus in provincia commorantibus, facillimè verò intra bimestre tempus fieri potest. Debet certè advigilare Advocatus, & monere clientem suum per litteras, ne sit in mora. Contingere enim potest, ut testes, si senes sint, aut valedudinarii, post primi termini lapsum è vita migrent, aut longinquam aliquam peregrinationem suscepturi, intra

ra menses aliquot, aut annum inter-
rum non revertentes, copiam sui fa-
ere nequeat. Quo ipso quàm magna
iudiciis remora injiciatur, nemo non
intelligit. Cui malo ut remedium ad-
hiberi possit, & ne in istas angustias
edigatur cliens, curabit, ut testes, lite
contestata, si senes vel valetudinarii
sint, aut diu absfuturi, audiantur. Id n.
feri posse jure receptum est, argumē-
to à contrario sensu sumpto, *ut lite
non contestata non procedatur ad testium
exceptionem.* Quo autem testium exa-
minatio promptior sit & expeditior,
debet Advocatus schedulam Com-
missario exhibere, nomina testium
articulorumque numerum continen-
tem, super quibus audiri debent, quod
& Ordinatione Curiae, ult. Novemb.
1602. promulgata atque Enchiridio
statutorum inserta præcipitur ac in-
jungitur, ut ita Commissario in de-
scribendis testium depositionibus la-
bor minuatur. Illud præcedenti-
bus quoque adjiciendum arbitra-
mur, ad Advocati officium etiam
pertinere, ut si quando adversarius
clientis sui testes producturus est,
præsens sit, atque procuret ne
testes

*Ultima
Novemb-
bris.
1602.*

testes examinati, depositiones suas examinandis communicent, quod nos aliquando fieri conspeximus: facit enim ea res quàm plurimum ad testimonium fidem & veritatem evertendam, testibus ex composito unum & idem deponentibus. Quod ne fiat, præsentia sua Advocatus impedire tenetur, ac quantum in se est, efficere; ut seorsim absque ulla communicatione ac conspiratione testimonium perhibeant illi qui vocati sunt, ne si secùs fiat justam clientis sui causam periclitari contingat. Cui malo ut eatur obviam, consuetudine in tribunalibus orientalium civitatum receptum esse videmus, ut testibus examinatis ac dimittendis, à delegato iudice seu Commissario silentium injungatur. Satius tamen fore existimamus, si iurisjurandi quoque religione ad reticendum testimonium adigantur, cùm magis divini numinis reverentiâ quàm nudo iudicis præcepto homines contineantur in officio.

CAP.

*De Instrumentorum editione
seu productione.*

QUæ de fide Advocati in producendis testibus adhibenda proximo capite diximus, ea quoque in producendis instrumentis locum sibi vendicant. Et procurabit, ut apud Delegatum seu Commissarium, currentibus adhuc dilationibus, ad productionem præfinitis, edantur. Antequam autem id faciat, diligenter tenorem instrumenti legat atque examinet, non ignarus, quòd producens præsumatur omnia fateri, quæ eò continentur. *Innoc. in c. olim. De Censibus Bald in l. si quis testibus. C. de Testib.* Deinde cavebit ne authenticam scripturam temerè parti adversæ concedat, aut in processu exhibeat, ne intercidat, ut non ita pridem conquestos audivimus clientes. Quod autem diximus, instrumenta probatoria, labentibus adhuc dilationibus, exhibenda producendaque esse, usque adeò
verum

verum est, ut nisi id fiat, & postea id facere velit, quod tamen ante conclusionem in causa fieri debere ordinatione Curiae 20. Decemb. 1541 publicata, cautum est, in iudicio presente parte adversa, id facere teneatur, termino ad contradicendum praefigendo. Exhibenda sunt autem exempla non simpliciter descripta, sed parte adversa vocata, aut contumaciter absente collata. Ea siquidem collatione facta, aut praesente adversario aut consentiente se absente fieri, par robur habent, aut authentica instrumenta, quae postmodum exhibere necesse non est, ne deterantur, aut amittantur, cum incommodo clientis, cui ad fundandam & instruendam causam suam exempla non eo modo collata profutura non essent. Neque verò arbitramur opus esse, Advocatos monere, ne instrumentis falsis, vel de falso suspectis utantur in iudicio, non ignaros id periculo non vacare. Cum non solum falsum fabricantes, sed & eo scienter utentos, pena l. Corneliae de falsis teneantur l. 2. ff. hoc tit. tametsi textus discrimen inter eos constituere videatur,

tur, *l. falsi. §. Ordine. ff. Ad l. Corn. de falsis.* Illud in confessio est, eum qui falsum instrumentum fecit, atque composuit, poena falsi puniri, etiam si usus non sit, *l. si falsos. C. eod. rit.* Reliqua verò quæ de fide instrumentorum in jure traduntur, quia ad stylum formamq; procedendi non pertinent, quam nos hoc loco & Tractatu tantum persequimur, prætereunda arbitramur. Illud certè operam dabit Advocatus, ut, si instrumentis clientis intentio probari possit, ea legitimo tempore ac modo exhibeat, non ignarus, illorum certiore esse fidem quàm testium: scriptura siquidem nunquam non sibi similis est, quæ quod continet, etiam quocunque tempore gestum, sine fūco fatetur, cū probatio quæ per testes fit, fragilis sit & sæpè fallat, teste Conrado Bruno in Tractatu suo de legationib. cap. 7.

CAP. XXVI.

De Renunciatione.

TESTIBUS ac instrumentis, juxta formam Curiaëque stylum exhibitis, produ-

productis ac examinatis, ulteriori eorundem productioni renunciare debent Advocati, ut tandem lis recte tramite ad finem decurrat. Ad quem ut perveniatur, dilationes plures quattres, concedendæ non sunt, præsertim si litigatores in provincia commorentur, & duabus prioribus laboribus, nulla sit adhibita diligentia. In quo cerè sæpè peccatur ab Advocatis, in utramque (quod dici solet) aurem dormientibus. Quod si verò alterutra pars, ex iusta legitimaq; causa, aliquot dierum spacium sibi concedi petierit, non morosum se præbere debet Advocatus, sed eo temperamento adhibito litem tractare, ut advocatus diversæ partis, & ipse Iudex intelligant, nihil agi aut quæriri quo quis à jure suo ac probationibus seculus, succumbat, sed id tantum spectari & agi, ut hominum malitiis, moras necitentium, litesque ex professo protrahentium, eatur obviam. Indulgendum ergo est ex causa rationabili, 10. aut 15. dierum spacium, pro ratione ac loci distantia sufficiens: cum in mora modici temporis parvum sit præjudicium. Quod si malitia

tia in petendis adhuc aliis dilationibus tribus elapsis, quibus, labentibus nihil omnino actum est, tam sit manifesta, ut nullo colore excusari possit, non debet Advocatus istam fovere negligentiam, sed rigidè juris uti remediis, & curabit, ut diversæ parti certus ac peremptorius aliquot dierum terminus præfigatur, intra quos testes producere cogatur. Præcidendæ cer- tæ dilationes sunt, ut tandem finis causæ imponatur, ne lites fiant immortales. Quod quidem eo magis faciendum est, quod hujus Curiae Ordinatione terminus nullus peremptorius statutus sit, nisi dicas, omnes omnino dilationes peremptorias esse.

CAP. XXVII.

De Reprobationibus, seu Refutationibus testium.

REnunciatione facta, testibusque publicatis, Advocati partes eunt, totam istam informationem, testimoniumque dicta diligenter evolvere atque expendere. Et primum quidem Actoris Advocatus, cui ut plurimum in-

incūbit probatio, excussis testimoniis
 inquirere debet, ad aliquid, & quid
 à clientis sui parte probatum sit. Na
 si duobus testibus, parte adversa v
 cata, productis (quod fieri debere a
 tē diximus *l. si quando l. juris jurandi.*
de Testib. l. ubi numerus ff. d. tit.) om
 exceptione majoribus, intentione
 suam probaverit, victoriam sibi m
 ritō pollicebitur. Consimiliter qu
 que Reus, si exceptionem suam, v
 solutionem allegatam, aliamq; q
 litatem, juris agentis, exclusivam, pl
 nē docuerit, absolvendus veniet. U
 autem voti sui compotes reddantur
 ante omnia diligenter ruminare d
 bent Advocati, confessiones pa
 tis diversæ ad articulos factas. Na
 si reus in responsione sua ad artic
 los id confessus fuerit quod est a
 Actore propositum, res in vado est
 nec superest aliud, quā ut cond
 mnetur, ut antē quoque probav
 mus, *cap. De Confessionib.* Quod si e
 responsione talem confessionem el
 cere non possit, proximum est, ut d
 cta testium diligenter solliciteque ex
 cutiat, & quid ab unoquoque eorum
 dictum sit, adnotet, ut scire possit, a
 valid

valida ex eorum dictis exsurgat probatio. Iam veró si partis diversæ testes reprobandi sint, Advocati prudentis officium erit, quando probra testium alleganda sunt, ad fidem illorum elevandam minuendamque quod huic parti iudicii tanquam sententiæ malorum peculiare est) adniti, ut quantum fieri possit, testium ignominiam & probra parcissimè revelare studeat, nihil libidine convitiandi, nunquam objiciat: Ac in eo ita se gerere debet, ut adversarius ac testes, nemineque iudex ipse intelligant, humana necessitate coactum, quæ contumeliosa sunt, in medium protulisse. Nam qui ira odioque accensus, testes reprobando, significationem præbet, cum voluptate se testium defectus detegere, is profectò in legem charitatis peccat, & eo ipso declarat, habere se cor felle & amarulentiam plenum. Illud autem prospicere, & cum cliente communicare debet Advocatus, antequam ad probra testimoniis objicienda descendat, an probationes eorum in promptu habeat: Iis quidem deficientibus, gravissimis injuriarum actionibus clientem involve-

G

volveret, Oldrado de Ponte, *Con.* 53. & Ludovico, Romano id attestantibus. *Cons.* 96. Quod si ver probationes præ manibus sint, ac pe testes expediri possint, articulis e complecti ac probare studebit Ad vocatus, & in istis injuriosis allegatio nibus eam adhibere cautelam, ut ni hil sine speciali mandato clientis si scriptis complectatur. Id enim si fe cerit, & honori suo optimè consulat & judici fidem faciet, nihil à se ma ledicendi animo atque libidine ob tractandi, in isto negotio factum esse sed officii necessitate compulsus ad actumque ea scripsisse, quæ alterius existimationem lædunt, ac, apud vi ros bonos gravant. Reliqua verò quæ tum contra personas, tum dicti testium adferri possunt, quia omni bus in praxi vel modicè versatis nota sunt, quippe quæ in reprobationibus inferi consueverunt, non est necessitas hoc loco referre, cum textus legum è quibus peti solent, cuilibet sint ob vii, *l. testis idoneus, l. pen. ff. hoc tit. l. 2. l. parentes. C. eod. titul.* Iam verò si excussis probationibus, testiumque dictis, eos non exactè examinatos depre

deprehendat, ad officium Advocati
pertinet, ut testes denuo vocari, dili-
gentiusque audiri, procuret, quod
Commissarius recusare nequit. Nam
cum in probationibus totius causæ
victoria sita sit non immerito Ad-
vocatus advigilare debet, ut omni-
bus numeris absoluta sit testium exa-
minatio, quæ ut plurimum magnis
expensis sumptibusque perficitur, præ-
sertim si è remotis locis evocentur.
Quæ quidem examinationis repeti-
tio tunc peti poterit, si testis de causa
scientiæ interrogatus non fuerit, aut
non responderit sufficienter, aut ad
interrogatoria diversæ partis non sit
examinatus, quod neutiquam omitti
debet. Antequam autem manum de
abula (quod dici solet) dimoveat,
conclusionem reprobationibus te-
stium juxta Curiae Ordinationem
objicere debet, ne in judicio morâ
interjectâ, postmodum id postulare
necesse sit.

CAP. XXVIII.

*De Salvationibus seu subleva-
tionibus Testium.*

G 2

De

DE hoc membro processus iudiciarii dici potest quod Salomon in Proverbiis refert *cap. 15.* nimirum linguam placabilem lignum esse vite Iucundius siquidem & humanitati congruentius est, laudare proximum quàm vituperare, benedicere quàm maledicere, convitiisquē proscindere. Itaque Advocatus, ut omnes reprobationes contra testes cliente suo productos refellat atque amoliat, totis viribus incumbere atque adlaborare debet, ut contrariis probationibus eas elidat, testibusque suis fidem integram adserat. Nam si vel in minimis testes isti reproborii discrepent, aut in circumstantiis loci, temporis, personarumque varient, omnis fides convitii probrisque in testes coniectis abrogabitur, & qui antè bonus ac legalis fuit, nunc quoque talis esse præsumetur, juxta tritam juris regulam. Quibus autem rationibus argumentisque testes salvandi sublevandique sint, eorumque dicta confirmanda non est nostri instituti in hunc compendiarium tractatum congerere cum ea ex libris juris ac interpretum com-

commentariis latissimis peti possint: Quorum omnium ea communis est sententia, ut dicant testium dicta salvari, si in principali causa non discrepent, aut aberrent, etiamsi in minutulis circumstantiis varient, sed id solum nobis propositum est in hoc Tractatu monere Advocatos tyrones & exhortari, ne clientibus suis suoque officio desint, sed ut operam dent ac enitentur, ut remediis juris licitis permixtisque, testium fama, reprobationibus labefactata & aspersa restaurari ac in pristino statu manuteneri queat. Quemadmodum autem de reprobante antè dictum est, quòd is simul quoque in causa concludere debeat, idem quoque in salvante locum habet, ut, eò factò, præter complementum (quod Galli *fournissement* appellant) nihil amplius agendum supersit. Id enim Ordinatione magni Consilii cautum reperitur, artic. 36.

C A P. XXIX.

De complemento seu repertorio processus, post sententiam interlocutoriam.

G 3

Con-

Conclusionem in reprobationibus
& salvationibus juxta Curie Or-
dinationem factam, aut si pars adversus
detrectaverit, ejusdem ordinationi
remedio implorato, ad instruendum
complendumque processum Advo-
catus accingere sese debet. Neque
enim res parvi est momenti, & quæ
perfunctorie tractanda est ac pera-
genda. Nam non solum testium de-
positiones & instrumenta, si quæ ex-
hibita sunt, clientis sui, per delegatum
Curie seu Commissarium inferri ad
Curiam procurabit, sed ea quoque
ad amissim examinabit, an rite sin-
descripta nec ne; peccatur enim sæpe
ab amanuensibus Consiliariorum
qui pueri cum sint ac scribere sæpe
nesciant, affirmationis loco negati-
vam, aut contram, per errorem substi-
tuunt. Quod si ea parte nihil pecca-
tum deprehenderit, proxima erit
cura, ut repertorium (quod inven-
tarium vulgò dicitur) omnium eo-
rum quæ post interlocutionem exhi-
bita sunt, conficiat, & in eo, vel cha-
racterum, vel numerorum notis, de-
scribat, quid repertorium contineat.
Et si instrumenta producta sunt, ad-
notare

notare juxta Curia, *Ultima Novembris*
1602. promulgatam ordinationem te-
netur, quorsum, & ad cujus facti vel
articuli probationem faciat: id enim
non parum judicis laborem minuet.
Neque verò sufficere arbitrabitur,
si à sua parte omnia se benè habeant,
sed adversæ partis inventarium inspi-
cere debet, ut scire possit, an aliquid
ab adversario insertum & infartum
sit, quod in processu antè exhibitum
non fuit: Id enim si deprehenderit,
Advocatum monere & increpare de-
bet, ut amoveat, aut si recusaverit,
supplicî libellò Curia porrectò si-
gnificare debet, ac petere ut illi in-
jungatur, ut id faciat. Profectò qui
talibus utuntur artibus ac technis, spi-
ritum Christi minimè redolentibus,
in viris bonis habendi non sunt.
Etiam si enim causam justam foveat,
injustis tamen modis mediisque pro-
movenda ac tuenda non est, teste
Didaco Covaruvia, excellentissimo
hujus seculi Iuriscons. qui sententiam
nostram cap. 7. relata ex professo
confirmat. *lib. 1. Variarum resolut cap. 2*
Illud quoque corollarii vice adjicien-
dum existimamus, inter illicita quo-

que connumerari, si Advocatus processum ab utraque parte instructum completumque, & Curiae fidei quæ Graphæi, aut ejus vicario conceditur, ad se recipiat, alicui ex Consiliariis, cujus sibi favorem fortè pollicetur, obtrusurus. Eo enim ipso fit ut sæpè processus intercidant, aut male tractentur: quod ne fiat, publicè interest, & Curiae Ordinatione quoque cautum vitumque reperitur.

CAP. XXX.

De Consiliis seu juris informationibus quæ responsa dicuntur.

PROCESSU concluso ac completo, modo ac formâ antè à nobis relatâ, solent Advocati, ad majorem & compendiosiore Iudicis instructionem, aliquam juris informationem brevem, & causæ litisque statum seu facti speciem, & utriusque partis argumenta, eorumque solutiones & confirmationes complectentem, processui addere & exhibere, quod & in aliis

aliis Tribunalibus moris esse & fieri posse non ignoramus. *Bald. Auth. jubemus. C. de judiciis.* Sed dubitatum meminimus, an parti adversæ aut illius Advocato, istius informationis seu consilii copia, necessariò facienda sit nec ne, quibusdam affirmativam, aliis negativam partem defendentibus, quæ & nobis placet, & in praxi obtinuit. *Hemmingerus Goedē in Tractatu suo de ordinis judiciarii processu, Rubr 28. num. 47. 48.* Nam cum istiusmodi informatio juris, non sit pars processus, nec de substantia judicii, teste *Baldo in Auth. jubemus, C. de Iudiciis*, uti omnes fatentur (alioqui enim ante conclusionem in causa exhibenda foret,) necessariò sequitur, partis adversæ non interesse, eam sibi exhiberi atque legendam dari, & eo quidem minus in foro nostro, quod in processu, partis utriusque causæ merita, ei argumenta, plenis velis sint deducta, disputata, atque hinc inde confutata. Aliud fortè dici posset, obtinere debere in praxi Hollandica; quam nos in processu quodam magno, in quo de jure viribusque Repræsaliarum disputatur, aliam esse animad-

vertimus. Eum siquidem processum ab Advocatis istius Curiae primariis ita conscriptum deprehendimus, ut nihil præter nudam (exquisitam tamen) facti narrationem, nullis legum allegationibus vestitam ac confirmatam contineret: Certi interim juris informationē (*Advertissement ou motif. de droit*, appellant Galli) iudicibus compromissariis, coram quibus lis pendet, neutiquam defuturam esse cuius nobis copia nunquam exhibetur. Magis certè nobis placet huius nostri fori consuetudo, quâ disputationes in processu fiunt, & res aperto quasi Marte geritur, Advocatis in scripturis, adversario exhibendis omnes ingenii ac doctrinæ vires intendentibus, ut clientis sui nomine, argumenta contraria solventes, superiores evadant, Neque enim omnes, qui sententiam in senatu dicturi sunt, absolutam Iuris scientiam in scrinio pectoris habent, ut argumenta ab alterutra parte, ex legibus male usurpatis objecta, apta interpretatione, vel distinctione, prout res postulat, proprio Marte dissolvere queant; quod non ita difficile, Iudicibus minus

minus versatis, futurum est, si Advocati partis adversæ, qui totius causæ statum ac merita per frequentes velitationes veluti in numerato habent, & quosvis fucos facile deprehendere possunt, solutiones viderint. Quod nobis in gravi & ardua quadam causa, quæ in hac Curia non ita pridem, sententiâ definitivâ secundû clientem nostrum latâ, decisa fuit, accidisse testari possumus: Quam Actor ipse Iurisperitus, & hujus Curix quondam Advocatus, non infimi nominis, scripto quodam, post conclusionem in causa exhibito, variis ex jure, tum Canonico, tum Civili, ad ostentationem depromptis, sed perperam usurpatis allegationibus, usque adeò ornaveratur, ut, nisi nos Curix permissio- ne impetratâ, illud accuratâ, longâ- que Iuris informatione, omnibus il- lius fucatis allegationibus visis, dete- ctis, atque discussis, refutassemus, res periculo caritura fortè non fuisset. Proinde laudanda est ac præferenda hujus fori nostri consuetudo, omnem versutiam fucumque, animum judicis supplantare valentem, excludens. Generosi siquidem animi est, hostem

G 6 adversis.

adversis, non averfis vulneribus con-
 figere; Vulpinum est, ex insidiis eum
 aggredi. Permissum itaque Curia
 ordinatione, Anno 1591. publicatâ,
 ac Enchiridio statutorum insertâ
 comprobamus, etiam post conclusio-
 nem in causa, juris informationem
 seu consultationem Judici tradere,
 partitamen adversæ, ejus inspicien-
 dæ copiam ac facultatem jure dene-
 gari posse. Ut autem citra fraudem,
 omnemque subreptionem, ac bonâ
 fide fiant omnia, cavebit is, qui con-
 sultationem conscribit, Iudici traden-
 dam, ne allegationibus legum, ulla
 facta in processu non proposita, in-
 terferat, atque admisceat. Id enim
 non licet, & a viro bono, & honesto
 proboque Advocato perquam alie-
 num esse debet; cujus est, in litibus
 exercendis, omnia causæ clientis sui
 merita argumentaque candidè, sin-
 cerè, ac bonâ fide profiteri, atque in
 medium proferre, & adversario, ex-
 ceptâ juris informatione, communi-
 care, nihil addere, vel detrachere iis
 quæ semel exhibita sunt, quod præ-
 dictâ Curia constitutione quoque
 est cautum, ne is, sententiâ postmo-
 dum

dum contra se latâ , prætere possit , technis ac machinationibus illegitimis , se superatum succubuisse , vel si actor sit , repulsam tulisse . Atque hisce juris informationibus , seu consiliis , nos aliquoties in causis arduis , gravibusque , tum civilibus , tum capitalibus sæpè oblati , usi sumus , & quidem non sine fructu , quas , si vita suppetat , aliquando in publicum dabimus .

CAP. XXXI.

De Sententia Definitiva.

Totius laboris , qui litibus exercendis impenditur , scopus est sententia definitiva , ad quam obtinendam quàm citissimè omne studium suum atque sollicitudinem convertere atque dirigere debet Advocatus . Quod si ea ex voto contigerit , est quod gaudeat , ac clienti suo gratuletur , non ignarus , litis eventum , ut belli , dubium esse , & suffragiis plurimum , meliorem sæpè partem vincen-
tibus , eum succumbere , qui secundum se pronunciatum iri non dubitabat ,

tabat. Sin causâ ceciderit qui vincere sperabat, cogitare debet, unumquemque nostrum, amore sui, quem φιλαυτία Græci vocant, excæcatum, aliter de rebus suis judicare, quàm rei veritas sæpè postulat. Rapimur enim, imò abripimur affectionum ventis, veri judicium auferentibus. Cui illud quoque accedit, quòd non semper superior sit causa quæ melior est, quod nec mirum est, cùm Plinio teste *lib. 2. Epist. ad Arrianum Epistola. numerentur, non ponderentur sententiæ, nec aliud in publico consilio fieri possit, in quo nihil est tam inæquale, quàm æqualitas ipsa: Nam cùm sit impar prudētia, par omnium jus est. Quinimo, ut inquit idem Plinius, l. 1. Epistolarum. Epist. ad Corn. Tacitum. ingenia judicium non minus imperspicua incerta, fallacia sunt, quàm tempestatum terrarumque, ut & varia hominum judicia, variæ voluntates. Quod de cliente suprâ diximus, ac illius præoccupato judicio, idem quoque de Advocato dici potest, qui patrocinium præstitit ac causam tutatus est. Is siquidem cæco quodam judicio, sæpè existimat, justum esse legibusque subnixum, quod defendit, licet à scopo aberret.*

aberret. Proinde latâ sententiâ, eam
 moderationem adhibere debet Ad-
 vocatus circumspectus & cordatus,
 ut clientem, qui victus est, ab impor-
 tunis querimoniis & exclamationibus
 dehörtetur, & ad injurias ac probra
 in judicem evomenda projiciendaq;
 progressum gravissimè increpet, po-
 sitis ob oculos periculis, quibus se sub-
 jiciat, infamiæ nimirum, juxta legum
 definitionem, *l. judici. ff. De injuriis.*
 nec quidem immeritò, cùm in judice
 omnis cesset sinistra suspicio & præ-
 sumpta calumnia, *c. cum clamor. De*
testib. c. in-præsentia. De renunciat. imò
 præsumitur judex omnia rectè facere
 quæ officio suo incumbunt, *l. 2. C.*
de offic. civil. jud. Bald in l. 1. C.
 Ne quis in sua causa, nisi contrarium
 probetur, quod factu difficillimum
 est. Quod si ad reales injurias pro-
 gressus, manus intulerit judici, in vitæ
 periculum manifestissimum se con-
 jicit. Cujus notabile exemplum con-
 tigisse dicitur in cive quodam Leo-
 verdiensi, qui, quod Consuli ad fores
 ædium suarum confidenti, cùm se-
 cundùm adversarium suum judica-
 tum cognovisset, minitans stricto cul-
 tro dix-

Observa-
tio.

tro dixisset: Ego te docebo sententiam ferre, carceribus publicis inclusus, intra paucos dies capite plexus fuit, rejectis omnibus deprecatoriis. Neque enim permittitur vel clienti vel Advocato, judicem verbis nedum factis malè tractare & excipere. Is siquidem officio suo functus est, etiam si malè judicavit, respectu habito, non ad id quod fecit, sed quod facere debuit. *l. jus versic. prætor. ff. de justit. & jure, l. judex posteaquam. ff. De re judicata, l. si ut proponis. C. quom. & quando jud.* Præterquam quod res judicata pro veritate quoque habeatur: & reipub. intersit, rerum judicatarum auctoritatem non temerè convelli: Sed si is qui victus est, omnino arbitretur injustè sententiam contra se latam esse, ordinariis juris remediis uti debet, ut nimirum ad superiorem provocet, quod per appellationem fit in inferioribus tribunalibus, aut revisionem impetret, si in Curia pronuntiatum fuerit: Appellationes siquidem ritè interpositæ, suspenditur prior sententia, donec aliter à judice appellationis, pronuntiatum fuerit. *l. si causa cognita C. de Tran-*

de Transact. c. venientes. de iurejurando.

Quæ cum ab omni gravamine interponi possit etiam ab Actibus extrajudicialibus, non est quod injuriam vel verbalem, nedum realem in judicem evomendo malum sibi accersat condemnatus, quamvis & alia quoque remedia jure prodita sint, quibus, vel iniquitas, vel nullitas sententiæ, corrigi potest, ut - puta beneficium restitutionis in integrum, per quam rescissâ priori sententiâ, condemnatus reponitur in pristinum statum: Quo tum uti possumus, quando communi quidem jure valet sententia, nec ab ea est appellatum: qualis ea est, quam judex gratiâ, favore, vel precibus permotus tulit, & tamen in speciem æquum est ut rescindatur, Item ex causa minoris ætatis, *l. minores, C. Si adversus rem judicatam*, vel circumventionis adversarii, vel legitimæ absentię *l. minores, C. Si adversus rem judicatam*. Ad hæc superest quoque remedium nullitatis, quo sententia, ipso jure invalida declaratur, quæ ne nomen quidem sententiæ meretur nec executioni, oppositâ exceptione, mandari potest. Qua quidem nullitate labo-

te laborat ea sententia, quæ à iudice incompetenti, vel parte ad sententiam audiendam non citata, prolata fuerit, *l. si expressim. De Appellat.* & pecuniâ corruptus Iudex sententiam tulerit, quæ venalis dicitur. *l. venalis. C. Quando provoc. non est necesse. l. prolatam. C. de Sent. & interloc. omnium iudicum.* Item si termini substantialiter observati non fuerint: si solitus Iudiciorum ordo servatus non sit, cui partes renunciare quoque non possunt *Salic. in Auth. offeratur. C. de litis contestat.* si ex scripto recitata non fuerit si expressam continet iniquitatem, et processu actisque apparentem, vel publicam læsionem, quæ quoque ipso jure nulla est. Cujus exempla habent textus *l. 1. §. item cum contra. f. Quæ sent. sine appell. resc. & l. 2. C. Quando provocare non est necesse.* Ad hæc, ut diximus, superest remedium Supplicationis & remedium Revisionis, ad quæ recurrere potest condemnatus. Quæ omnia supradicta, Advocatus clienti suo, qui condemnatus est, aut repulsam tulit explicare & intimare debet, ut in omnibus discussis & exactè perpen-
sis apud

sis apud se deliberare possit, atq; constituere, an adversus sententiam aliquo prædictorum remedio uti volet, & ut intra tempus à jure statutū, aut Placito præfinitum id faciat, ne postmodum elapso tempore, serā eum duci pænitiā contingat. Ne autem temerè in hac re fiat aliquid, Advocati officium erit, summā curā, solitudine atque etiam prudentiā cuncta rimari, & considerare, utrū ad Appellationis vel Revisionis remedium, confugere clienti expediat, ne, si secus res ceciderit, quā sperabatur, sit quod Advocato imputare possit. Qui providè faciet, si cum aliis Advocatis duobus, vel tribus, vel etiam pluribus, in theoria praxique versatis, si causa gravis magniq; ponderis sit, re communicatā & in omnes partes discussā, quid factō opus sit, consuluerit, & maturè executus fuerit. Eo siquidem factō, semet ipsum extra omnem culpam constituet, & Curiae fidem bonam ac integram conscientiam suam probabit, quem officii ratio, ac necessitas, si sententiam vel nullam vel iniquam dixerit, legitimè excusabit. *l. tutor. ff. De his quib. ut indig.*

Finis secundæ partis.

CAP. XXXII.

De Appellationibus.

TAmetsi à sententiis hujus supremae Curiae non admittatur appellatio, cum per Arrestum judicet ac remotâ appellatione pronuntiet nihilominus tamen cum ab inferioribus atque municipalibus judicibus ad Curiam hanc fiat provocatio: Videntum est, quæ sint Advocati partes in ea introducenda & exequenda. Multa siquidem expendenda sunt, ut sciri possit an sit admittenda. Nam nec verus contumax, is nimirum qui citatus & inventus rotundè dicit, se nolle venire, appellans auditur, *l. ex consensu §. fin. ff. de Appellat. l. & post edictum §. 1. ff. De judiciis. l. properandum. §. fin. autem. C. De judiciis. Cynus.* nec is qui intra decem dies à lata sententia appellationem non interposuit, ut nec is qui intra triginta dies à lata sententia, non interpositâ appellatione, numerandos (in quo multos errare asserit Oldendorpius in *Tractatu de præscript. cap. 6. glossa l. judicibus C. de Appellat. Myns. Observat. 36. Guido Papa*

Papa q. 436.) literas dimissorias, quas practici Apostolos appellant, instanter non petierit, Actisq̃ue Curiae inscribi non curaverit, appellationem prosequendam admittitur: Quod si verò ab interlocutoria provocatum fuerit in scriptis, expressis gravaminum causis, appellatio interponenda erit ex dispositione juris Canonici, *c. cordi. c. ut debitus. De Appellat.* quam stylus hujus Curiae supremæ recepit & observat. Hæc itaque cū ad appellationem ritè legitimeq̃ue interponendam ac introducendam de jure ac forma requirantur, ad curam ac sollicitudinem Advocati pertinet, ut omnibus istis discussis, expendat quid factò sit opus. Si enim aliquid istorum omissum compererit Appellantis Advocatus, consultorem ab ea prosequenda dehortabitur, frustra laboraturum, quinimo & in expensas condemnandum: cū paria sint, non appellasse, & non legitimè appellasse. *argumento l. quæties. ff. Qui satisd. cogantur.* Quod si verò omissis solemnibus, antè relatis, Appelans litem persequendam sibi arbitrabitur, Advocatus appellati per exceptiones legiti-

legitimas clienti suo consulet ac appellantem repellat, cuius vel maxime interest, sententiam inferioris iudicis secundum se latam firmam remanere, executioni mandandam. Quod si verò sententiam inferioris iudicis aut per imperitiam aut sordes gratiamve prolatam animadverterit Advocatus (neque enim omnes iudices Arcopagitæ sunt, quod Dolan Parlamento Syndicatus, jussu Regis Hispaniæ nostro tempore coeptus, quatuor consiliariis ob sordes ordine motis, satis docet) atque ob id appellationem justè interpositam proseguendam exequendamque existimaverit, ut reformari, retractari ac rescindi sententia possit, clientem monere debet, ne quid ex solemnibus prædictis omittat. Id nisi factum fuerit, ab appellatione exclusus, insuper in expensas quoque condemnabitur. Ante omnia verò prospiciet appellantis Advocatus, ut ad diem juridicum, ad suam, vel appellati instantiam (quod per anticipationem juxta hujus Curiae stylum fieri consuevit) præfinitum, paratus adsit, exemplo sententiæ à qua munitus, ut statim libello ex-

lo exhibito (debet enim esse paratus) causam appellationis introducat. Nam si absens de contumacia fuerit accusatus, appellatio deserta declaratur, & appellans in expensas condemnatur, & prior sententia perinde ac si appellatum non fuisset, executioni mandatur: Quod ipsum stylo Curiae licet durum sit, receptum esse nemo, qui praxin vel à limine salutavit, ignorare potest. Cùm tamen Actori ad præstitutum diem juridicum non comparenti, & de contumacia accusato non aliud inferatur gravamen, quàm quòd citatione circumductâ novam impetrare cogatur, solutis expensis adversario, antequam admittatur ad agendum in judicio. Quod quidem non alia ratione niti credimus, quàm quòd rei judicatæ auctoritas magna sit in jure, (habetur enim pro veritate) quam non temerè convelli publicè quoque interest; Nam & magni Consilii *Cap. Des matieres d'appel & dependences, art. 10.* & Curiae Hollandiæ *artic. 110.* Ordinationibus idem receptum esse reperitur: cùm tamen non modici res sit præjudicii, unâ contumaciâ appellationem

nem desertam reddi, ac primam sententiam, licet injustam tortè & nullam, effectum sortiri. Illud autem hac materia disputando moveri videmus, an si appellans dicat, se ad iudicem competentem provocare, non expresso ejus nomine, appellatio tamen subsistat? Sed cum Bart in l. 1. fine ff. hoc tit. l. qui Romæ §. seia ff. de verb. obligat. absque expressione nominis, talem appellationem sufficiens resolvat, frustra laborabit Advocatus, si exceptione ita appellantem repellere conetur. Porro quod supra diximus, appellationem ex defectu comparitionis appellantis, de contumacia accusati desertam declarari, non semper obtinet. Nam si legitimam causam paupertate puta, vel morbo, vel alio impeditum se fuisse probare possit, quominus ad diem juridicum adefuerit, appellationem introducturus, quas impedimenti causas legitimas Guido Papa, quest. 436. numero 100 enumerat, contumaciâ purgatâ, est clausula generali. Si qua iusta causa videbitur, in integrum restituitur. Illud in hac materia in dubium vocari solet, an si sententia inferioris iudicis plur

contineat capitula, ab uno aliquo appellari possit; Et decidunt interpretes, quod talis provocatio admittatur *Innoc. c. dilectus. hoc. tit. Bart. in l. appellanti. ff. eod. tit.* Quemadmodum & illud receptum esse tradunt, quod iudex inferior, si in expensis victum condemnare omiserit, ab eo admittatur appellatio *l. final. C. Quando provoc. non est. necesse Spec. in Tit. de Appell. §. in quibus. versic. quid si vict.* Reliquas autem quæstiones, quæ in hac Appellationis materia moveri solent, non est nostri instituti discutere, sed Tironibus Advocatis, quibus plerumque ocium suppetit, conquiendas & excutiendas relinquimus: quos tamen monitos volumus, ut in hac instantia persequenda, eadem fide & integritate versentur, quam in alio processu requiri ostendimus.

CAP. XXXIII.

De Reauditione.

Superiore capite diximus, à sententiis hujus supremæ Curiae appellationem non admitti, sed semel
H tantum

tantum Revisionis beneficium imp-
trari & obtineri posse, si intra bie-
nium oblatis Curiae precibus petati,
& observentur ea quæ sequenti ca-
te describuntur ac comprehensa sui.
Sed cum nonnunquam contingat,
Advocatis de Dilationib. probatoriis
ac executoriis, aliisque quæ incide-
solent, in auditorio disceptantibus,
Curie delegati interlocutione aliquod
gravamen inferri, hujus Curiae sta-
receptum est, ut appellationis loci
re auditio peti possit, observatis so-
lemnibus iis quæ requiruntur. Quo-
quidem hæc summa est, ut nimirum
eam petiturus illicò facta interlocu-
tione, in auditorio petat, ac ipso facti
25. stuferos monetæ currentis in ju-
dicio consignet, atque deponat. Quo
facto, relatione per eundem delega-
tum seu Commissarium ad Curiam
facta, in Senatum Advocati qui con-
tenderunt vocati, rem in pleno con-
silio disputant. Quibus hinc inde au-
ditis, si decretum prædictum appro-
bati ac confirmari contingat, 25. stu-
feri consignati fisco cedunt: sin minus
restituuntur Advocato, qui re auditio-
nem petiit. Quæ quidem solemnitas Or-

tas Ordinatione Curiae ultima Novembris 1602. promulgatâ comprehensa est, ac Enchiridio Statutorum inserta Atque hanc reauditionis proponendæ ac exequendæ formulam, in Curia Hollandica quoque servari deprehendimus ex ordinationibus ejusdem Curiae 9. Maij 1521. promulgatis, artic. 50. Tametsi autem in magno Consilio apud Mechlinam quoque receptam esse ex ordinationibus prædicti Parlamenti conspeximus, 8. Augusti 1559. publicatis, sub Rubrica *Stil & maniere de proceder & l'ordre que l'on tiendra au rolle*, artic. 1. non tamen reauditionis sed appellationis voce describitur atq; refertur. Quod autem antè diximus, illicò reauditionem petendam esse, usque adeò in Curia Hollandica obtinet, ut statutum sit inter locutionem Delegati (*appointement* Galli vocant) ratam firmamq; manere nisi durante auditorio, aut antequam alia causarum fiat præsentatio, seu recitatio, reauditione petatur & perficiatur. Nos dum in praxi versati sumus, semel tantùm ab Advocato adversarii clientis nostri, reauditionem petitam fuisse re-

cordamur, sed approbata Delegi
interlocutione, consignata pecunia
prædicta fisco cessit. Sed cum ra-
imó rarissimè ista petatur reauditi,
Advocatis consimilem ferè eventum
pertimescentibus, non est necesse hu-
materiae diutius immorari.

CAP. XXXIV.

*De Revisione impetranda
exequenda.*

MAjores nostri summâ sapien-
& prudentiâ præditi, cum n-
ignorarēt, Frisios suos naturâ ad d-
fensiones litesque propēsos esse, pr-
sertim animis illorum ex præteris
factionibus ac bellicis tumultibus a-
huc efferatis, nec ad tranquillitatem
omninó reductis, cum Imperatore
Carolo Quinto, optimo Principe, co-
tis conditionibus transactione ce-
brata, anno Christiano 1524. In-
cætera illud supplices petiverunt
obtinuerunt, ne in civilibus causis i-
la extra hanc Provinciam admitter-
tur Appellatio, sed ut illius locô sen-
Revisionis beneficium certis quib-
da

dam conditionibus impetrare concederetur Frisiis qui per sententiam supremæ hujus Curiaë se læsos questuri essent: Quod Hollandis aliisque quibusdam Provinciis Belgicis permisum non est, ad magnum Senatum Mechliniæ provocantibus. Cum itaque omnes ferè judicii praxisque forensis partes ac membra tractaverimus, ordo seriesque tractationis nostræ postulare videtur, ut de Revisione quoque disseramus, & quod sit Advocati solertis in ea ritè impetranda exequendaque officium, breviter explicemus. Quæ quidem revisio licet non in omnibus ab Appellatione discrepet, quod idem sit utriusque scopus, ut nimirum prior sententia definitiva reformari, atque error illius corrigi possit, in multis tamen, imò plerisque tanta est differentia, ut in forma introducendi exequendi que nihil commune habeant. Nam nec intra decem dies impetrare ac interponere, nec intra triginta dies Apolos petere ac Curiaë intimare (quod in Appellatione fieri debere necessarium, antè diximus) necesse est, sed satis est, si intra biennium à lata sententia

tentia, libello supplici Curie porrecta, citatio petatur, qua adversario, certum diem in jus vocato, causa Revisionis introducitur. Sed cum id non simpliciter procedat, sed pro forma essentiali requiratur, ut causa quingentorum aureorum Carolinarum summam excedat, ac deinde ut in iudicio confignatis in auditorio a reis quinquaginta ejusdem valoris sententia reformata fuerit, restitue- dis, sin minus, ærario publico inferen- dis, oretenus proponatur, ac libellus protinus tradendo deducatur, sub- jecta conclusione, ut processus re- deatur atque error sententię corrigatur; Ad quem libellum pars adver- intra tempus præfixum respondere scriptis tenetur, adductis propositis- que argumentis rationibusque ad confirmandam sententiam facien- bus, ac bifor- mī sumpta conclusio- contendere, ut Actor in revisione de- claretur non admittendus, aut si ad- mittendus sit, per sententiam Curie non esse gravatum. Quæ quidem omnia cum sint de forma specifi- observanda, mordicusque peragenda Revisionem petenti, circumspici-
et

erit Advocati, qui istam Revisionis causam tractandam suscepit, prospicere & procurare, ne quid ex istis solemnibus ullatenus omittatur: qui scire debet, actum in forma peccantem, ipso jure nullum esse. *l. 1. §. 1. ibi DD. ff. De verb. oblig. Bald. in l. ult. C. de suis & legit. l. cert. forma. C. de jure fisci. Wesenb. cons. 1. nu. 9.* Quod enim cum solemnitate requisita non fit, nulliter fieri dicitur, cum solemnitas sit forma Actus individua; qua destructa, etiam in minimis actio tota destruitur. Neque enim forme quicquam addi detrahive potest. *Roland, à Valle cons. 43. Menoch. cons. 73. nu. 7. Bursatus cons. 73. nu. 23.* Adeo ut ne per æquipollens quidem adimpleri possit. *Peckius ad reg. juris Can. reg. x.* Ad hæc cum Imperatorio indulto expressè cautum sit, non alia facta quam quæ in priori instantia proposita fuerunt, in causa Revisionis proponi ac narrari posse (quod in Appellatione secus est, in qua non allegatum allegari & non probatum probari potest) & si proposita fuerint, eorum nullam rationem haberi debere: Advocatus actoris operâ dabit, ne quid

H 4

ipse met

ipſemet tale faciat; & Adverſariu
nova facta allegantem ſine proteſt
tione admittat, ſed judiciſ reſiſ
niſ ea demonſtrare in ſcriptiſ debe
ſi quæ inſerta deprehenderit. Neque
veró hoc loco monendos Advocat
aſtorum arbitramur, quàm ſit per
cuſoſum, quantiſque reſ præjudici
ad diem præfixum non adſuerin
cauſam reſiſionis introducturi: Cũ
Aſtor abſq; legitima cauſa abſenſ
contumacia accuſatus, reſiſione e
cludatur, inſuper pœnæ nomine oſ
aureos juſti ponderiſ ſoluturus alia
que expenſas omneſ: Reuſ veró
contumaciter abſuerit, id fert incon
modi, quód nihil ad libellum Aſto
riſ reſpondere permittatur, aut illi
contenta reſutare. Cuiuſ tamen e
melior eſt conditio quàm Aſtoriſ
quód perjuris allegationeſ ſibi præ
ſpicere poſtmodum queat; ita tamen
ne ullam moram proceſſui injiciat
qui pœnæ nomine quatuor aureoſ
ejuſdem valoriſ ob contumaciam ſo
vere cogitur. Ad hæc, cum ultra d
plicationem abſque expreſſa Curie
permiſſione ſcribere non concedatur
utriuſque partiſ Advocati ad labora
bun

unt, ut in Replicatione, duplicatio-
neque, omnia causæ merita comple-
tantur, quibus se victoriam conse-
cuturos existimant, ne si hac parte
omissum quid fuerit, Advocatum
aliens meritò incusare queat, si infe-
licem causā eventum sortita fuerit.
Quoniam autem Imperatoris Placito
id quoque cautum reperitur, ut revi-
sione interpositā non obstante, sen-
tentia Curiaē legitimæ executioni
mandetur, quod in Appellatione se-
cus est (qua interposita, nihil inno-
vatur, quamdiu de appellatione pro-
nunciatum non erit, *Tit. ff. Nihil no-
vari appell. interposita.*) remedium est
ad impediendam executionem, ut vi-
ctus intra decem dies à lata sententia
libellum supplicem Curiaē offerat. Eo
si quidem exhibito, sententia prior nō
aliter executioni mandatur, quā si vi-
ctor dignam fidejussionem præbuerit,
tantum restituendi cum legitimis au-
gmentis, quantū est in condēnatione
si legitima retractatione sententia re-
solvatur. Quod si intra decem dies fa-
ctum non fuerit, executio sine fide-
jussione procedet. Quod remedium
suppeditat Auth. quæ supplicatio:

H 5.

C. De

C. De precibus Imper. offerendis, quæ licet Præfecti prætorio mentionem faciat, ac ob id de illius tantum sententia accipienda videatur, nihil tamen ob stare arbitramur, quominus ad hujus supremæ Curiae sententiam, quæ per arrestum & appellatione remota judicat, non secus quàm Præfectus prætorio, trahi possit, præsertim cum dicta Auth. consiliariorum quoque meminerit. Guido Papæ *decis.* 50. certè sententias Curiae Parlamenti Delphinatus, per arrestum judicantis, sententiis Præfecti prætorio æquiparare videtur. Interim tamen, cum in causa quadam revisionis, quæ in hac suprema Curia indecisa pendet, oblato intra decem dies supplici libello, nulla præstita cautione fidejussoria, executionem sententiæ impediri nequiverim, dubitare cœpi, an Authoræ prædicta in Placito Imperatoris quoque locum habeat. Quæstio equidem digna quæ partibus in contradictorio auditis, sententiâ Curiae decidatur, Neque enim quisquam est, qui nesciat, condemnati quàm plurimum interesse, executionem sententiæ

sententiæ, absque tali fidejussione, suspendi, præsertim si victori bona immobilia in Provincia hac non possidenti, quantitas pecuniaria quingētis carolinis aureis major adjudicata fuerit. Eo siquidem casu condemnatus, si sententiam per iudices revisionis reformari contingeret, solutâ pecuniâ adjudicatâ, frustra istius sententiæ magnis sumptibus molestiisq; obtentæ, executionem postmodum urgeret, inopiâ vel fugâ adversarii seclusus. Veruntamen cùm Guido Papæ in decisionibus suis, Curiae Parlamenti decisione resolutum referat, hoc casu cautionem etiam juratoriam sufficere, si victor diligentiam se adhibuisse & fideiussorem invenire non potuisse, jurejurando affirmare paratus sit, victum ab executione prioris sententiæ ista oppositio ægrè tuebitur. Ex iis autem quæ antè relata sunt de indulto Imperatoris, decidi posse videtur quæstio ab interpretibus disputata, an revisio revisionis peti possit. Nam cùm expressis verbis Imper. semel tantum revisionem peti concesserit, concludendum videtur, negativam partem tenendam.

esse, quam & in magno consilio servari ei ordinationibus dicti Parliament gallicè publicatis *Tit. de proposition d'erreur & revision.* cognovimus.

CAP. XXXV.

De executione rei judicatæ.

TAmetsi prima fronte dici possit videatur, lite per definitivam sententiam decisa, nullas amplius esse partes Advocati, quod nimirum rei judicatæ executio, vel Curiae delegato, si liquida non sit sententia, vel apparitoribus demandari soleat: Nihilominus tamen, cum varia incidant, quæ executionem remorentur, atque impedian, & sæpè in ipsa executione ab iis quibus commissa est, cōtra formam, jure scripto & stilo Curiae præscriptam, peccetur; à quibus excessibus & gravaminibus ex justa causa ad superiorem committentis appellari potest, expressis in appellatione causis, propter quas provocetur. *Spec. De exec. sent. §. nunc demum n. 9. Bart. L. ab executore, De Appell.* Existimamus ad Advocati officium quoque pertinere, istis casibus condemnato clienti opem consiliumque præbere, ne injuriosa

juriosa aut nimis damnosa executione, quod non raro fieri comperimus eum gravari contingat. Erunt ergo partes Advocati, qui condemnato patrociniū præstitit, primū mandatum executionis (Executoriales vocant) inspicere atque diligenter examinare, quid & quantum illi commissum sit, an & tenori sententię respondeat. Deinde, an alii, quā loci ordinario, executio mādāta sit, contra doctrinam *Bart. in l. à Divo Pio. §. sententiam, ff. de re judicat.* Et an executio contra consuetudinem ac stylum Curię, Enchiridio Statutorum insertum fiat; quā non servatā, æquē appellari potest, ac si contra jus fieret, veluti si proclamationes factę nō sint debitō locō & tempore, & per eos per quos fieri debent. Hęc, inquam, si incidant, supplicī libellō Curię porrectō, ut tota executio suspendatur, precabitur & procurabit. Adhęc, cū de iniquitate executionis vertitur quæstio, ad superiorem committentis executionem provocabit. *l. ab executione. verbo Appellat. suspensa quorum appellat. Panor. c. quod ad constitutionem, de sentent. & re judic.* Quod si mi-

si minus ritè procedit executor, aut extra officium quid facit, potest illicite resisti, ut & tunc, quando petenti ordinario literas suæ commissionis exhibere noluit, ut ille meritò cogitare potuerit, illum tale mandatum quale jactabat, non habere, *l. (n. D. Mandati. l. prohibitum. C. de iure fisci lib. 10.* Atque tali executori ab omnibus, quorum, interest resisti potest. *Felyn. & Canon. in c. constitutus de præscriptis. Andreas post Hostiensem in c. significan. de Constitut. Bart. Iason & cæteri DD. in l. iustè de acquir. posse.* Iam verò cùm in executione, jure scripto ordo statutus sit, *in l. à Divo Pio. §. in venditione. De re judicat.* Ut nimirum primo loco mobilia & animalia, secundo immobilia, tertio nomina distrahantur; quæri solet, utrum iste ordo mordicus servandus sit, ita ut si inverso ordine prædicto capiantur pignora, executio reddatur nulla. Sunt qui affirmativam partē tuentur, contententes, necessariò istum ordinem, tanquam à lege præscriptum, observandum esse, ut Raphael Cuman. Alexand. & alii. Sed Bartolus & alii determinant, non usque adeò istum

stum ordinem necessarium esse, quin actus, illo non servato, sit aliquis, & non nullus, quam sententiã & consuetudo optimus legũ interpreter confirmat. Nam in Frisia patria nostra, ille ordó non servatur, sed juxta ipsius condemnati arbitrium & electionem distrahuntur ea, quę ille distrahi jussit & designaverit. Usque adeo quidem, ut apparitores, irrequisito condemnato, si sui copiam fecerit, pignora non capiant. Quod si apparitori voluntatem suam ac electionẽ declarare recusaverit, aut in contemptum justitę ea capere pignora jussit, condemnatus, quę ipsius non sunt, aut usque adeo vilia parviq̃ue pretii, ut victori nullo modo iis distrahis satisfieri possit, credimus, victori permissum esse pignora demonstrare apparitori, ut ea in causam judicati accipiat atque divendat, quod sæpẽ fieri solet: Consultius tamen facturum victorem arbitramur, si precibus Curiaẽ oblati, quę suprà dicta sunt, significaverit, ac ejus consensu atque permissione id fecerit: Quod enim authore ju dice sit, justẽ fieri censetur. Ut autem omnia legitimẽ fiant ac perfici.

perficiantur debito modo, ac juxta Curiae Ordinationem, Apparitoribus vel aliis executoribus præscriptam, providendum est, ne condemnatus conqueri possit, injuriam sibi fieri: Neque enim juris executio injuriam continere debet. *arg. l. meminerint, C. unde vi.* Illud superioribus addendum existimamus, quod etiam si ordo in executione à *d. l. Dio Pio. §. in venditione*, in vëditione præscriptus mordicus servandus non sit, ut ex Bart. sententia conclusit Zazius, nihilominus tamen quodã temperamento executionis rigor & acerbitas mitiganda & lenienda est, & ea discretionem ii, quibus demandata est executio rei judicatę, uti debent, ut si mobilia capienda & distrahenda sint, ea primo loco vendantur, quę plus gravant impendio, id est sumptu, quàm augeant fructibus: Ita sentit Raph. Cumanus, qui tamen eam limitationem addit, ut id fiat, si ista parum utilia mobilia celerem & expeditam habeant executionem: Alioqui enim ab iis incipiendum esse mobilibus dicit idem Cumanus, quę commodius possunt distrahi, quò celerius solvi possit victori,

ictori, per elegantem textum §. sed
& illud *d. l. à Divo Pio*: Ac proinde
primùm quærenda est parata pecu-
nia, qua deficiente, mediocriter pre-
tiosa mobilia, quibus carere faciliùs
potest condemnatus, dummodo in iis
expedita sit executio. Tertio loco ad
animalia: Ultimo ad aurea & argen-
tea vasa & pretiosam supellectilem
veniendum est. Quibus omnibus de-
ficientibus, tandem ad bonorum im-
mobiliùm distractionem proceden-
dum, ita tamen ut à minus pretiosis
fiat initium, quod Zazius, *ad §. in ven-
ditione d. l. à Divo Pio* temperamen-
tum civile vocat. Quòd si nec ea ex-
tent, ad incorporalia jura, id est no-
mina debitorum veniendum. *l. ordo, C.
de exec. rei judic.* Atque hic ordo ser-
vari debet, saltem de honestate & ci-
vilitate Est enim istiusmodi condem-
natis qui facultatibus lapsi, ac sine sua
culpa ad inopiam redacti, bonorum
suorum distractionem, per subhasta-
tionem, horrida executoris voce, fer-
re coguntur, commiserandũ, & qua-
tenus sine justitię læsione fieri potest,
quoque parcendum, ne afflictis valde
altera addatur afflictio. Quidam cer-
tè re-

tè reperiuntur apparitores ita duri
 humani, ac cerebrosi, ut invidiosum
 istud executionis mandatum pera-
 cturi, disiectis & ablati lectis, lineis
 quæ vestibus aliisque utensilibus, qui-
 bus ad vitam transigendam condem-
 nati carere non possunt, vix à perso-
 nali & reali injuria se contineant: quo
 ipso certè, gravissimè in legem cha-
 ritatis peccant. Sed illud merito quæ-
 ri potest, an in causam judicati ani-
 malia absque distinctione capi & dis-
 trahi possint, Textus §. In venditio-
 ne, absque ulla differentia animalia
 pignori capi jubet: Nihilominus ta-
 men cum mica salis id accipiendum
 arbitramur, ut nimirum ad illa ani-
 malia prædicta verba referantur, quæ
 ad culturam agrorum non sunt ne-
 cessaria; Jure enim cautum reperitur
 boves aratorios ac instrumenta rusti-
 ca pignoris causa de possessionibus
 abstrahenda non esse, & rationē addit
 Imper. Constantinus, *l. executores. C.*
quæ res pign. oblig. possunt vel non. ne il-
 lis divenditis, tributorum retardetur
 illatio, quod & Imperatores Hono-
 rius & Theodosius *l. pignorum C. eod.*
tit. confirmant, indefinitè statuentes,
 pigno-

pignorum gratia aliquid, quod ad culturam agri pertinet, non esse auferendum, id quod & Frederici constitutio prohibet, *Auth. Agricultores C. eod. tit.* Quæ quidem omnia procedunt, si condemnatus alia bona habeat: Alioqui enim & illa distrahenda sunt, juxta glossam in d. l. executores, allegantem l. stipendia. C. de execut. rei judic. Hæc ergo atque his similia Advocatus condemnati considerabit, & si quid ab Apparitoribus in exequendo peccatū cognoverit, precibus Curiae oblatis, procurabit, ut illorum duritia & iniquitas præcepto ejusdem Curiae coerceatur & corrigatur. Idem quoque facere debet Advocatus victoris, si apparitorem cum condemnato, sui compendii gratia, facta collusione executionem differe atque protrahere deprehenderit, quod non rarò fieri testari possunt ii, qui in foro versantur. Illud autem pro colophone adjiciendum. Advocati quoque munus esse, ut clientem suum condemnatum admoneat, ne executioni ullatenus resistat, neve injuriam verbalem aut realem Apparitori inferat, cum id sine pe-

*Observa-
tio.*

ne periculo fieri nequeat. Vidimus enim nos ejus rei exemplum, ante multos annos in quodam rustico sylvano, qui quòd Iuridico (Grietmanum vocant) sententiam exequenti manus intulisset, in arcem, nunc dejectâ, captivus adductus & post diuturnum carcerem, magnâ pecuniæ summâ mulctatus fuit, & insuper, ad perpetuam rei memoriam in Curia, brachium cum pugno, cum inscriptione parieti infixum fuit, quod omnium oculis subiectum etiamnum extat. Perinde enim habetur, ac si Judicem ipsum affecisset injuria, cujus ministerium apparitorem læsit. Porro nec illud omittendum, ad Advocati officium, qui victori patrocinium præstitit, quoque pertinere, ut si contra venditionem pignorum ab execute re factam, vel ab ipso condemnato, vel à tertio aliquo jus aliquod prætendente, fiat oppositio, lis super ea mota octidui termino, Curiae Ordinatione in singulas scripturas præfixo, constringatur, cum victoris interfit, quam celerrimè istas oppositionum lites terminari, ut pecunias tandem ex venditione redactas nancisci possit. Con-

lit. Condemnati verò Advocatus, si
 frivolas illius oppositiones animad-
 verterit, monebit clientem suum,
 ut à lite persequēda desistat, ne post-
 modum per sententiam rejectis iis,
 in expensas quoque condemnetur.
 Neque enim ignorant ii, qui litibus
 exercendis dant operam, sæpè istius-
 modi oppositiones ab ipsis quoq; con-
 demnatis, executionis differēdæ cau-
 sa fieri, cum incommodo plerum-
 que victoris, qui pecuniis interdum
 summopere opus habet. Postremò
 cū quotidianā experiētiā depre-
 hendant Advocati, apparitores maxi-
 mis plerumque sumptibus, pignorum
 venditiones in cēnopolis, pluribus se-
 pè dilationibus suspensas, celebrare,
 quo fit, ut emptores istis sumtibus
 territi rariores inveniantur, maximò
 condemnatorum miserorum dam-
 no & præjudicio: illorum officium
 erit prospicere, ne tale quid fiat; pre-
 cibusque Curiaē oblati, ei rei modum
 statui procurabunt, certa aliqua
 summa præscripta, quam Apparitori
 excedere non liceat. Cujus in exigen-
 do salario avaritiam, & inhumani-
 tatem simili quoque modo refre-
 nari

nari curabunt : Sunt enim istiusmodi
condemnatorum querelæ frequen-
tissimæ, quibus Curia taxatione ac
moderatione remedium est adhiben-
dum : Summatim, in his litibus cau-
sisque tractandis, ita versabuntur Ad-
vocati & victoris & victi, ne contra
Curia præscriptum, contra juris for-
mam, forique hujus consuetudinem,
contra bonam fidem, ab apparitoribus
vel semetipsis quidquam admittatur,
sed ut omnibus dolis, fraudibus, col-
lusionibusque præclusis & semotis,
sententia cum prædicto temperamen-
to tandem executioni mandari, & eam
viâ unicuique, quod suum est, tribui
atque exsolvi, ac omnis vis & injuria
reprimi, averti, atque coerceri que-
at, quò solò hominum inter se socie-
tas & amicitia, rerumpub. pax, tran-
quillitas, & concordia, arctissimum
atque optimum incolumitatis vincu-
lum, velut sarta tecta manere que-
ant, eo quòd pace illa fracta, divul-
sa & conturbata, res privatorum sal-
ve & in tuto esse nequaquam possint.
Quòd autem antè monuimus, prospici-
endum esse, & apparitoribus & Ad-
vocatis condemnati atque victoris, ut
execu-

executio & pignorum præsertim im-
 nobilium venditio, debito modo ac-
 servata juris scripti stylique forma, fi-
 at atque peragatur, non caret rati-
 one, quinimò & summa cautela adhi-
 enda est, ne si postea peccatum ali-
 qua parte deprehendatur, venditio-
 ne per Decretum Curiae facta, re-
 cissa ac retractata, emptor præter
 molestias magnas, ingens quoque
 damnum accipiat, prout contigisse ex *Observa-*
ti.
 tibus hujus supremæ Curiae sen-
 tentiis anno 1633. & 1604. prola-
 tis conspeximus.

CAP. XXXVI.

*De literis dilationum quæ Bel-
 gica lingua Brieven van
 respijt / vocantur, vulgò
 Quinquennales dicuntur,
 & Diplomata moratoria ap-
 pellari possunt*

CONsueverunt plerumque ii qui
 condemnati sunt, ac executio-
 nem metuunt & quandoque ante
 con-

condemnationem ēre alieno grava
 ex consilia Advocati Diploma mor
 torium à Principe impetrare. Sol
 autem Princeps istiusmodi hominib
 obæratis, ac æris explicando ratio
 destitutis, ut plurimum quinquēnal
 dilationes indulgere; Unde & quin
 quennales vulgò nuncupantur, test
 Guidone Papæ, q. 57. ad eum fine
 ne creditorum duritiâ ad carcere
 adigantur, quod durum est. Se
 cū istud beneficium certis quibu
 dam conditionibus concedatur, Ad
 vocati cauti erit, clienti suo salutar
 consilium suppeditare, quo effectu
 illius votique sui compos reddatur
 Quod ut obtineat, & consequatur
 summarie, ac attestationibus suffi
 cientibus docere debet, se citra cul
 pam suam facultatibus lapsus, tan
 tum æris alieni contraxisse. *l. quotie.*
L. universa. C. de precib. Imp. offer. Az
in summa d. tit. Old. ibidem. Deinde
 impetratis prædictis literis, curabit, ut
 omnibus creditoribus ad Curiam vo
 catis, debitis solemnitatibus adhibi
 tis, intimentur, & cautionem & li
 teras in iudicio offerent; Et quidem
 intra mensem, à die impetrationis,
 non

non verò præsentationis numerandum, alioqui fructu effectūque earum cariturus, *ut refert Guido Papæ. q. 109. dicens. stilō Parlamēti Delph. ita servari.* Neq; verò quælibet sufficit cautio, sed istiusmodi exigitur, quā creditores admittere tenentur: Quibus tamen eam ut inidoneam rejicere ac refutare permittitur. Quo casu partibus in contradictorio auditis, summaria cognitione res definitur. Ad quam cautionis insufficientiam probandam, mensis spacium utrique parti, Imperatoris Placito 21. Octobris 1541. 21. Octobris 1541. publicato, artic. 34. præfinitum est: *brs 1541* intra quem nisi creditor cautionem à debitore oblatam insufficientem probaverit, pro idonea reputabitur. Atque hæc quæ relata sunt, Advocatus ejus qui literas impetravit, fieri ac observari procurabit, ne cliens prædicto beneficio exclusus, rigidis creditorum suorum exactionibus, executionibusque objiciatur, ac pateat. Quam quidem cautionis sufficientis præstationem usque adeo prædictum Placitum requirit, ut, licet maxima creditorum pars, cum debitore participatione initâ, aut remissionem partis I debiti

debiti, aut dilationem concesserit, reliqui tamen creditores consentire, eorumque pactioni accedere non cogantur, nisi sufficienti cautione prestita, quod artic. 35. prædicti Placiti requiritur. Illud præcedentibus quoque adjiciendum, quod major pars creditorum, non personarum numero, sed debiti cumulo definiatur *l. jurisgentium. §. hodie. ff. De Pactis l. majorem. eod. tit.* Et ita Vlpianus Præto-rem, si creditores dissentiant, partes suas interponere, & majoris partis consensum, ex cumulo debiti æstimandum, sequi debere decedit; quod textus d. l. majorem. latius explicat. Quæ tamen non simpliciter neque indistinctè procedunt, ac in quibuslibet creditoribus locum habent, sed iis solum, qui hypothecas habent: Eos siquidem minor pars in concedenda partis debiti remissione sequi tenetur. *Matth. de Afflictis, decis. 288.* Quod si verò minor pars hypothecas habeat. majorem partem creditorum, ex cumulo debiti, hypothecis carentem, sequi non tenetur: Secui verò est in dilatione sola concedenda: Eò siquidem casu, cum minus vertatur præjudicium

udicium, minor pars hypothecario-
um creditorum, majorem partem,
ex cumulo debiti estimandam, etiam
si hypothecas non habeant, sequi te-
netur *d. decis. 188*. Secus foret, si ma-
ior pars totum debitum remittere
vellet. Tunc enim minor pars majo-
rem sequi non cogitur, quod Matth.
de Afflictis movet. Prædictis autem
& illud addendum arbitramur, ut si
super intimatione literarum dicta-
rum quæstio incidat, termino octidui,
scripturis tradendis præstituto, ad
Duplicationem inclusivè lis peraga-
tur; quod Ordinatione Enchiri-
dio Statutorum insertâ quoque cau-
tum est.

CAP. XXXVII.

De Beneficio Inventari.

CUM iis qui in praxi hujus supre-
mæ Curiaë versantur, notissimum
sit, duris hisce temporibus permultos
inter nobiles & plebejos reperiri, qui
variis ex causis ære alieno gravati,
dubias relinquunt hereditates, quas
tum testamentarii, tum ab intestato
I 2 heredes

heredes purè adire verentur, ac ob id
sepè deliberatione inita, sub inventa-
rii beneficio adeundas censent, ut in-
demnes maneant, & illud certis qui-
busdam conditionibus ac restricti-
bus impetrandum exequendumque
veniat, ad Advocati quoque officium
pertinere arbitramur, ut si hæc diffi-
cultas ab aliquo proposita fuerit, cau-
tè atque circumspectè eam sibi tra-
ctandam existimet. Ut autem clien-
tem extra omne periculū constituat
Advocatus, monere illum debet, ne
ullo modo hereditati suspectæ se im-
misceat, aut minimam rem heredi-
tatis sibi applicet. Eò siquidem pro-
batò, frustra de beneficio inventarii
impetrando laboravit, pro puro he-
rede reputandus. Quod si nihil tale
heredi futuro imputari atque objici
possit, secunda cura erit, diligenter
expiscari, an quisquam sit ex cogna-
tione & familia defuncti, qui purè
hereditatem adire velit, aut adiverit:
Si enim quisquam sit qui id fecit, aut
facere paratus sit, non est quod de be-
neficio prædicto impetrando consi-
lium ineat, cùm ei de jure hereditas
debeatur qui honori defuncti prospe-
ctum

Etum consultumque voluit, cujus interest, purum habere heredem & non sub beneficio inventarii adeuntem. Quod si nemo fuerit, qui se periculo subjicere atque exponere volet, tum demum precibus. Curiae oblatis praedictum beneficium impetrare conabitur. Eoque facto, curabit, ut per apparitorem Curiae duobus testibus adhibitis, omnium tum mobilium tum immobilium, nec non nominum repertorium intra quadraginta dies ab impetrato beneficio numerandos, conficiatur. Quo repertorio ita solemner confecto, curabit Advocatus, ut mobilia ab iis, qui periti sunt, & à Magistratu loci, ubi hereditas sita est, ad eam rem deputari sunt, praestito jurejurando aestimentur. Ea-que facta, datis pro eorum pretio fidejussoribus, cavebit, ac praedicta bona diligenter sollicitèque asservaturum, ac creditoribus legatariisque se soluturum, nulla interjecta mora, pollicebitur. Nec poterit istiusmodi heres liquidorum debitorum solutionem, illiquidorum occasione, super quibus lis movetur, ad illius usque decisionem protrahere. Quæ quidem

solutio non aliter facienda erit, nisi cautionem præstet is, qui pecuniam recipit, se pro rata ejus, quod ex bonis defuncti redigi nequit, restitutionem esse facturum. Atque hæc quidem omnia Placito Imperatoris, 21 Octobris 1541. promulgato, articulo 39. Enchiridio Statutorum inserto usque adeò requiruntur, ut si iis qui prædictum beneficium impetravit, si omissis, aliquid ex bonis defuncti contrectaverit, prædicto beneficio exclusus, ut purus heres omnibus debitis hereditariis, ultra vires facultatum exsolvendis, subjiciatur: quod & sententiâ Curiae, anno 1590. latè comprobatum & decisum fuit. Hæc omnia quæ relata sunt, cum tanquam solennitates formales requisitæ, omitti nequeant, prospicere debet Advocatus, ut ea omnia ad unguem observentur, ne cliens habeat in quo Advocatum inculcare possit. Illud verò omittere minimè fuit, quod prædictum beneficium, vocatis quoque creditoribus, juxta stilum Curiae apud acta sit profitendum, & si controversiam à creditoribus moveri contingat; octidui terminum, & Duplicationem

21. Octo-
bris 1590

27. Octo-
bris 1541
Observa-
tio.

nem excedere non permitti, quod & Enchiridio Statutorum inserto Placito, artic. 29. comprehensum reperitur. Quoniam autem nostri instituti non est, omnes quæstiones ad hanc materiam pertinentes discutere, prædictis contenti finem imponimus.

CAP. XXXVIII.

*De Beneficio Cessionis bonorum,
& quid in eo impetrando exequendoque Advocatus agere debeat.*

Superiori capite de iis quæ rei judicatae executionem spectant, quæque ab ea dependent, pertractavimus. Jam vero cum inopia debitorum efficiat, ut duritiâ obtorto sæpè colliô ad carceres detrudantur, ibique victu quàm tenuissimo habeantur, usque adeò, ut tandem carceris fastidiô macerati, aliquam exolvendi debiti rationem viamque inveniant, quod sæpè quoque fieri videmus, cognatis affinibusque proximis commiseratione

tione ductis, & certis conditionibus
solutionem debiti in se suscipientibus;
Aliis verò omni humana ope destitu-
tis in squalore carceris contabescen-
tibus. Videndum restat, quo reme-
dio istam incarcerationis, ut vocant,
miseriam evadere debitores queant.
Et certum est, omnibusque in foro
versantibus exploratum, jure civili
proditum esse cessionis bonorum be-
neficium, quod Imp. Justinianus *l. pen.
& ult. C. Qui bonis cedere poss.* Flebile
adjutorium, & miserabile vocat au-
xilium. Et auxilium quidem meritò:
neque enim in hac vita major exco-
gitari miseria potest, quàm nuditate
& inopiâ ad eum redigi casum, ut
bonis cedere, creditoribusque ea di-
mittere quis cogatur. Sed cùm istud
beneficium, non semper nec passim,
nec simpliciter omnibus indulgen-
dum prædictus Imprat. censeat, &
posterioribus temporibus crescente
hominum malitia, restringere ac limi-
tare certis quibusdam conditionibus
necesse fuerit, ut nisi iis pareat, præ-
dicto beneficio indignus habeatur
bonis cedens: Videndum est, Advocati
qui condemnato patrociniū præsti-
tit in

tit in hoc beneficio ritè legitimeque
 impetrando & exequendo, quæ sint
 partes, quod officium Et ante omnia
 quidẽ providere & prospicere debet,
 ut cautè in hoc versetur negotio, ne
 quid omittat ex solemnibus Imp feli-
 cis recordat Caroli Quinti Constitu-
 tione Placitoque A. 1541. 21. Octob.
 publicato, expressis ac requisitis. Si 21. Octo-
 enim aliquid factum fuerit, vel omis-bris 1541
 sum, quod fieri vel omitti non debuit,
 debitor qui ad flebile illud confugit
 auxilium prædicto beneficio seclusus,
 vitam ipsa morte duriores degere
 cogetur. Ne autem in istas redigatur
 difficultates & angustias bonis ce-
 dens, ex Advocati sui consilio literas
 seu Diploma cessionis, unà cum om-
 nium bonorum suorum repertorio,
 (inventarium vocant practici) jureju-
 rando firmato, intra mensem à die
 impetrationis numerandum, ipsemet
 aperto capite, discinctusque in judi-
 cio offerre & exhibere, ac bonis suis
 nulla eorum administratione sibi re-
 servata atque retenta, creditoribus
 ad id vocatis permisis atque conces-
 sis, ut Actis Curiae prædictum bene-
 ficiũ intimetur insinueturque, petere

& contendere debet. Quod si creditores præsentes consensum adhibuerint, aut absentes de contumacia accusati & ab oppositione seclusi fuerint, res in vado est: sin contradicendum arbitrabuntur, curabit Advocatus, ut à Judice delegato seu Commissario, ad contradictiones oppositionesque inferendas præfixo termino, partibus hinc inde auditis, res judiciali cognitione terminare quam cunctissime possit. Neque verò ea, quantà relata sunt, à creditorum vinculo debitores plenè liberant, sed requiritur quoque, ut, si ad pinguiorem fortunam pervenientes alia bona acquisierint, ea quoque, ad creditorum suorum utilitatem consignent, atque relaxent, retento solummodo lectulo uno cum suis appertinentibus, & ex omni suppellectile, una tantum cuiusque speciei particula, dummodo necessitanea, nec aurea, vel argentea vasa vel alicujus pretii alia mobilia utensilia sint. Quidquid autem superest singulis vicibus, creditorum commodis relinquere atque dimittere tenentur, alioqui effectu prædicti beneficii carituri. Quod autem antè diximus

ximus, prædicto Cessionis beneficio debitorum à carceris necessitate liberari, non simpliciter procedit, sed eam recipit limitationem & restrictionem, ut ad eos tantum debitorum porrigatur, quorum debita instrumentis. Principis vel Consilii seu Curiae, urbiumque tali privilegio munitarum sigillò confirmatis comprehensa ac publicè recognita & confessata non sunt. Istiusmodi enim debitis cessio bonorum locum non habet. Quemadmodum nec sententiis, quæ in rem iudicatam transiverunt, prædictum beneficium Cessionis obstare, aut per exceptionem objici potest, nisi cedens casibus fortuitis, absque culpa sua, inopem se factum esse doceat: Quo casu absque omni differentia & exceptione, cedens bonis isthoc gaudere beneficio poterit. Qua quidem probatione hoc quoque consequitur, ne publicam palo affixus ignominiam subire cogatur, creditoribus nihilominus obligatus, quod nuper Ordinū Frisiæ Edicto & Ordinatione publicata, *Ultima Novembris 1602.* Imperatoriae constitutioni supradictæ additum est, existimantibus præ-

dictis Ordinibus, multis in eo genere delicti nunc grassantibus exemplo opus esse, ut reliquis incutiatur metus, ne facile fraudandorum creditorum suorum consilium capiant homines, quod hoc ævo longè corruptissimo nimis est frequens, cum tamen deterrimam turpissimamque quasi furti speciem esse, nemo negare poterit, sub fide & velamine viri boni, & cum jam exploratum habeant, se solvendi debiti, quod contrahunt, facultate destitui, pecunias à proximo mutuo sumere nunquam restituendas. Erit itaque Advocati sagacis munus & officium, prospicere, ne quid sua negligentia, incuria, vel inscitia clienti suo incommodi periculi que adferat in ea necessitate constituto. Proinde monebit clientem suum, ut debitum ad creditoris instantiam confiteatur rotundè. Neganti enim debitum, beneficium prædictum non datur *l. pen. ff. hoc tit. gloss. & Dd. in l. 1. C. qui bon. ced. poss.* Fateri autem debitum purè clareque debet, omni præcisa negandi occasione. Sed querit hic Baldus, *l. 1. C. quid bonis ced.* Quid de eo sit dicendum

dum, qui in principio debitū negavit
sed post sententiam latam pœniten-
tiâ ductus, confessus fuit, & distin-
ctione facta, resolvit, eum, qui justam
negandi causam habuit, ut puta si
in jus alterius successit, & ante vel
post latam sententiam pœnitentia
ductus passus est debitum, nulla pœ-
nitentia ductus ad beneficium ces-
sionis admittendum esse; Eum verò
qui in negatione perseveravit, prædi-
cto beneficio indignum haberi, *Matt.*
de afflict. decis. 379. quod in odium sci-
licet mendacii ac male fidei debitoris
ita statutum est. Confirmiliter quo-
que clientem suum monebit Advoca-
tus, ne quinquennalem dilationem
impetrare studeat, nisi certus sit, ista
vertente se solvere posse creditori-
bus. Nam si postmodum spe sua fru-
stratus, facultatem solvendi non
habeat, à beneficio cessionis exclu-
sus, ad carceres pertrahetur, *glossa*
in l. cū soluto. in fine C. quibus bonis ced.
quam communiter omnes Dd. sequuntur.
Afflict. decis. 378. Sed illud apud in-
terpretes disputando moveri video,
An cessionis beneficium impetra-
tum, novis creditoribus aliis su-
perve-

pervenientibus quoque nocere debeat, ne debitorem in carcere detentum, & beneficio cessionis liberatum in carcere retinere ac confirmare possint; Et resolvitur, *Guido Pap. cons. 124* bonis cedentem, us quoque novis creditoribus, non minus, quàm prioribus prædictum cessionis beneficium opponere posse; rationem addentes quod videlicet non omnes necessarii vocandi sint creditores, sed ii tantum qui instant, & urgent, & lite pulsant debitorem, ad instar confectionis inventarii arg. *l. 4. ff. hoc tit. Guido Pap. d. cons. 124. l. fin. §. licentia C. de jure delib. Salic. l. 1. C. qui bonis ced. poss.* quod omnibus creditoribus, ex post facto etiam apparentibus sufficit. Et hæc quidem omnia procedunt, nisi probatum fuerit, bonis cedentem, ante cessionem impetratam, vel bona quædam celasse ac subtraxisse, vel prodigalitate & luxu in fraudem creditorum suorum dissipasse ac decoxisse. Eò siquidem probatò, prædictò beneficio indignus in carcerem detruendus erit Ita dicit Petrus Jacobi in *tit. de Cessi ne bonor. & Salicet. add. l. 1. C. qui bon. ced.* Quod & rationem.

tionem habet: Neque enim quisquam ex malitia sua lucrum sentire debet: Sed & reipub. interest, istiusmodi dolos & fraudes pessimorum hominum reprimi, præcidi ac coerceri. Neque verò is tantum fructus aut beneficii prædicti commodum est, ut nimirum debitor, qui bonis cessit, ad carceres detrudi non possit, ut antè probatum est; Sed & illud operatur, ut si ad pinguiorem aliquando fortunam pervenerit, licet ea quoq; bona quæ postea acquisivit, creditoribus dimittere teneatur, non tamen ultrà quàm facere potest, urgendus veniat, *l. 4. ff hoc tit. l. ex contractu. cum ibi notat. per gloss. & Dd. C. de bonis autorit. iud. poss.* quod in alio debitore, qui beneficium prædictum non obtinuit, cessat: quid ad peram & sacculum excutitur, nunquam tutus, donec creditoribus plenè satisfactum fuerit. Proinde ne isthoc beneficio excludatur cliens, operam dabit Advocatus, ut omnia solemnia Edictò Imperatoriò requisita mordicus adimpleat, ne quid ipsi imputari possit. Quod autem ob Interpretibus disputando movetur, An mercatores foro cedentes, quos interpretes mercatores

catores Fallitos, ac vulgus hominum laicorū, à mensa rupta, *Banqueroutier* appellat, beneficio predicto cessionis bonorum gaudere debeant, non habet ullam amplius dubitandi rationem, propterea quod Edictō Imperator predictus Carolus 5. in Belgici Provincis publicatō, istiusmodi homines, pessimos, commerciorum utilissimam rationem conturbantes laqueō gulā fractā vitam finire voluerit, tantum abest ut ullo Juri legumque beneficio digni judicandi sint. Qui rigor prædicti Placiti tametsi in desuetudinem abierit, manet nihilominus firma & stabilis decisio, quod cessionis beneficium illis indulgendum non sit, ne hominum malitiis fenestram aperiri contingat, quod ne fiat, publicè interest.

CAP. XXXIX.

De injuriarum actione.

INter omnes actiones civiles atque Florenses nulla est, quæ majorem nobis

bis scrupulum semper injecerit, quàm hæc injuriarum actio. Nam cum certum, sit eam ad solam vindictam tendere, *Leoninus cons. 51. l. prætor. §. 1. ff. de injuriis. §. non omnes. Instit. de perpet. & temp. act.* quæ Christianis omnibus à Christo Servatorẽ nostro prohibita est, cujus lex Evangelica in eo potissimùm sita est, ut proximum diligamus sicut nos ipsos, inimicis nostris, usque qui nos oderunt, beneficiamus. *Math. 5. Luc. 6.* dicendum concludendumque videtur, hujus actionis exercitium Advocato Christiano permissum non esse: Quod si simpliciter procederet, nosmetipsos à peccato excusare non possemus, qui aliquoties istiusmodi injuriarum actiones in judicio persecuti sumus. Res certè anceps est: Sed nos commodâ quadam distinctione & nostro & aliorum animis hunc scrupulum, ut speramus, eximemus. Lex quidem Christi, omnes in universum homines, qui Christo nomen dederunt, nemine excepto, complectitur & stringit: *Math. 5. Luc. 6.* Quæ quidem non omnem tollit vindictam, sed privatam tantum, de qua accipiendi sunt sacrarum scripturarum

rarum diversi loci, quales sunt: *M*
vindictam, & ego retribuam. Item: Di-
gite inimicos vestros, benefacite his qui-
derunt vos, & orate pro persequentibus
& calumniantibus vos. Et qui percutit
maxillam, præbe illi & alteram. Ha-
certè omnia privatam spectant vinc-
tiam, non eam coercionem, quæ
judicis infertur sententiâ; quem I-
Paulus Apostolus Dei ministrum appe-
lat, vindicem in iram ei, qui malè ag-
Epist. ad Rom. cap. 13. Quemadmodum
ergo rectè à Juriscons. dictum est
justè fieri quod authore judice fit
geritur, nec injuriam facere eum, qui
suo jure utitur: Ita quoque in hac in-
juriarum actione dicendum videtur
ut is, qui publicè læsus, honoris sui de-
fendendi causâ, aliquem in jus voca-
nec contra legem charitatis ac Chr-
sti præceptum peccare censeretur de-
beat: Præsertim, si tali sit affectu
quis injuriâ, quæ illum bonorum vi-
rorum consortiò arceret, indignum
que redderet, nisi per sententiam Ju-
dicis innocentiam suam publicè de-
clarari procuraret. Neque enim Eu-
angelicâ lege prohibemur honorem
nostrum famamque bonam, *mille the-*
sauris

sularis pretiosiore, Eccles. 41. asserere, eamque illesam conservare, convicto per sententiam illò, qui labem illi aliquam aspererat. Imò D. Petrus Apostolus, Epist. 1. cap. 4. disertis verbis monet Christianos, ne quisquam eorum petiatur ut homicida, aut fur, aut maledicus, aut alienorum appetitor. De quibus aliisque similibus criminibus diffamatus, utique non aliter innocentiam suam, quam cunctis hominibus conspicuam esse vult Christus, Matth. 5. cap. comprobare & manifestam reddere poterit, quàm si sententià iudicis, convicto de mendacio diffamante, innocens purusque declaratus fuerit. Quinimò & ipse Christus Servator noster, unicum patientiæ exemplar & idea, à summi sacerdotis ministro percussus, dixit: Ioan. Euang. 18 cap. Si malè locutus sum, testimonium perhibe de malo; sin autem benè, quid me cædis? Qui licet inimicorum quoque testimoniò innocentissimus esset, voluit tamen injustè verberantem redarguere, suamque innocentiam coram omnibus profiteri, quòd sine causa & immeritò cæsus esset, nobis exemplum præbens, qui simili casu facere debet.

debeamus, cuius actio nostra est institutio. Cujus ut præceptoris vestigiis infistens D. Paulus Apostolus, vas electum Dei, ac spiritu sancto plenus Ananiam principem Sacerdotum jubentem ut percuteretur, acriter & quidem contumeliosè reprehenden ac redarguens dixit, *Act. 23. cap. Percutiet te Deus, paries dealbate, tu seden. judicas me secundum legem, & contra legem me jubes percuti*: Consimiliter quoque idem Paulus magistratum Philippensem accusans, *Act. 16. cap.* quòd se & Silam homines Romanos, indemnatos, cæsos in carcerem coniecisset, injuriam sibi factam protestatus, ac suo jure usus, ab ipso magistratu è carcere dimitti, non clam à ministris ejici voluit. Quinimò ut Judæorum insidiis, quas sibi undique strui intelligebat, eriperetur, cum aliam evadendi rationem nullam videret, provocatione ad Cæsarem factâ, periculo tum manifestissimo se subtraxit. Atque his aliisque rationibus moti, existimamus, Christiano licere, actione injuriarum eum convenire, qui crimen aliquod objecit; ut ea ratione ac via suam coram

ram iudice, ac concivibus suis, innocentiam comprobet atque testetur, famamque bonam tuetur atque defendat. Illud verò diffiteri non audeamus, eos contra legem charitatis Evangelicam peccare, & à vindictæ cupiditate excusari non posse, qui adversarium, sententiâ ad palinodiam damnatum, captis pignoribus, vel ad carcerem pertractum rigidè urgent ac adigunt, ut sententiæ revocationem præcipienti satisfaciât, ut infamie notâ plenè contrahat: Isti siquidem malum pro malo rependunt, contra Christi & Apostolorum præceptum *Epist. 1. Thess. 5. 2. Pet. c. 3.* Quo casu Advocati munus & officium erit, clientem suum victorem dehortari, ac rationibus Christianis inducere, ne quid tale contra reû condemnatum attentet: imò suadere ut sententiâ iudicis, quæ honorem famamque bonam publicè pleneque restituit, contentus, proximo, licet inimico, juxta legem Christi parcat. Quòd si is sanis Advocati consiliis acquiescens, ab ulteriori persecutione destiterit, erit uterque, meo quidem iudicio, peccati expers, & victor

ctor coram omnibus testabitur, nihil à se quesitum actumque fuisse, quam ut honorem suum, nomenque bonum cunctis sollicitè custodiendum, convictio condemnati lesum & adpersum in tuto collocaret. Et declarabit quæque Advocatus, eò datò consilio, si ab omni vindicta alienissimum esse qui clientis sui animum, sententiâ obtentâ ferocientem, bonis argumenti ad lenitatem deflexit, & tanquam motos composuit fluctus. Quod si Advocatus victoris, omnis humanitatis & lenitatis oblitus, frigidâ suffundere, & efferum victoriâ clientis animum, concitare non erubuerit, persuasum sibi habere debet, non futuram sibi ultionem divinam, eos qui amaro in proximum animo sunt, semper persequentem. Porro Advocatus Rei in causam injuriarum sollicitè quoque advigilare debet ac prospicere, ut clienti suo, qui vel verbalem injuriam extra judicium, licet veram, vel realem intulit, ac lite pulsatur, sanum rectumque consilium præbeat, omnem movens lapidem, ut cliens commodissimâ viâ, vel per transactionem quæ permissa est, *l. si unus. §. pastus.*

actus. ff. De pactis. vel amicorum intercessionem, vel etiam deprecationem, à lite molestissima sumptibusque extricetur: Id si obtineri nequit, sed clienti suo Reo omnino, velit nolit, ligandum sit, operam dabit Advocatus illius circumspectus, si nec annali silentio, nec dissimulatione vel familiari colloquio, absque protestatione, injuriarum actionem esse sublatam appareat, ut datâ ad libellum Actoris, nensem locumque exprimentem, (iis quidem deficientibus, ineptus reddi-
 tur, teste Leonino *Cons.* 91. num. 1. & 16. C. De accusat. & inscript. Spec. Tit. De libelli concept. §. 1.) responsione modestissimâ, si negari non possit quod obicitur, verba injuriosa, non injuriandi animo, vel libidine conviciandi, sed iracundiæ calore, & à provocato, iraque commoto prolata esse dilucidè protestetur, ac consequenter actioni injuriarum locum non esse contendat. Quod si actor istiusmodi responsione non contentus, instet, rigideque litem persequatur, ad sententiam deducturus, consilium Reo dabit, ut procuratorem constituat, in quem actor judicium transferat, quod
 & lite

& lite jam contestata fieri potest. *qui proprio*, ff. de Procuratoribus. Atque hac cautela, etiam ad revocationem condemnatio procuratore, reus qui ipsum dedit, infamiae notam evita- ut & procurator ab eo datus, *l. fui §. qui alieno*, ff. de procurat. Et hanc cautelam passim DD. tradunt ad hanc materiam. Cyn. L. 1. C. de Sent. & interloc. Mynsing. con l. 83. nu. 25. Capolla, cautela 12. eaque celebris huius Curiae Advocatos olim usos fuisse, e antiqua cognovimus sententia in Commentarium relata. Et non ita pridem exquisitus huius Curiae Advocatus, cum clientem suum, virum in dignitate constitutum in summo periculo versari intelligeret, & ad revocationem condemnatum iri metueret, lite coram Magisteria potestate ventilata, Actorem clientem nostrum virum nobilissimum, summaque praeditum potestate, intollerabili injuria affectum, dato vili procuratore aliquatenus elusit: Et nos quoque similicaute, Actorem quendam actionem injuriarum cum impetu & ferocia contra clientem hominem pauperem persequentem, dato simili-

Observa-
tio.

mili quodam procuratore repressimus, impetumque illius violentum retudimus ac fregimus, processu isto etiamnum altum dormiente. Quam quidem cautelam a Iureconf. inventam proditamque esse credimus, non in alium finem, quam ut hominibus, qui ira & indignatione commoti, alteri injuriam extra iudicium intulerunt, eoque nomine lite pulsati, infamiam inferendam metuunt, illius quoquo modo evadendæ, remedium aliquod suppetat, cum & publicè inter sit, bonæ opinionis fameque hominibus, rem pub. habitari & frequentarii. Illud autem prospiciet Advocatus Rei, ne qualitatē sententiæ diffinitivæ, nomen suum inscribi patiatur, id enim tutum non est, sed quod sagaces Curiae Advocati facere consueverunt, exhibito mandato istam notam à se divertere debet. Quæ quidem antè dicta, in injuriis extra iudicium prolatis obtinent: in quibus facta etiam liquidissima probatione, veritas convicii injuriantem non excusat, in quo magni nominis Advocatos hallucinatos vidimus, aut ex sententia Curiae

Observatio.

K

1591.

1591. lata apparet. Secus est si injuria in judicio dicta vel scripta probata fuerit. Eo siquidem casu, is qui actione injuriarum convictus est, condemnationem prorsus evadit, si probatio sufficiens subsequuta fuerit. Utrum autem compendiosam totam absumamus, Advocatorum in hisce odiosissimis litibus intentandis, persequendis, sustinendisque munus & officium arbitramur, si nullis suasionibus dehortationibusque averti & soporificentur, quod omnibus viribus tentabunt, ut eas tali moderatione, discretionem, atque humanitate tractent & exequantur, ne feritate sua, vel boni consilii inopia, in hominum reprehensionem odiumque incurran ac iram divinam insuper, omne ferociam, amarulentiam, & crudelitatem adversus proximum exercentibus valde infensam, in se provocent; quam vitare & effugere, & contrario gratiam & misericordiam divinam promereri posse, unica virtus est, solaque ea, quae potest facere & servare beatum.

CAP

CAP. XL.

*De Officio Advocati in causis
Capitalibus tractandis.*

HActenus quod sit Advocati munus, in causis civilibus peragendis, utcunque explicasse; atque descriuisse videmur: Reliquum est, ut quæ sint Advocati partes in defendendis criminum reis expendamus. Et primum quidem Advocato considerandum est, causas capitales esse gravissimas, in quibus de vita liberi hominis ac pœnis corporalibus disceptatur, atque ob id cautè & circumspectè in iis versandum esse: Quo enim periculum majus est, eo major cautela adhibenda est, *l. qui sententiâ. C. de pœnis*, ne innocens plectatur. Quinimo cum sint miserabiles personæ captivi, & pro talibus reputentur, *l. si quis ad declinandam. C. de Episc. & cler. Dd. in l. 1. C. Quando Imper. inter pub. Bart. in Tract. suo carceratorum in fine*, invigilare debet Advocatus, ne quid clientes sui detrimenti capiant. Nam quemadmodum in bello

K 2 bis pec-

bis peccare non licet, juxta politici
 axioma, quod nimirum tales erro-
 res maximas sæpè clades rebus pub.
 ferant: ita quoque in causis capita-
 bus, si in hallucinatus fuerit Advoca-
 tus, si negligentius in defensionibus
 proponendis versatus fuerit, clie-
 tem captivum in grave discrimi-
 conjiciet. Hinc credimus factum,
 quod olim octo senioribus Advocatis
 decretum publicum pauperum captivi-
 rum patrocinium sit demandatum,
 vectigalium solvendorum immunitate
 concessa: Cui nostram operam & in-
 tercessionem, viginti quinque carolin-
 rum aureorum annua pensio, pro si-
 gulis accessit. Nos (absit invidia ec-
 cto) Italiâ, & celeberrimâ Bon-
 nienfi Academiâ, in qua lauream Do-
 ctoralem consecuti sumus, celebe-
 rimosque juris utriusque Professores
 & Carolum illum Sigonium ævi no-
 stri in historicis coryphæum, quo fa-
 miliariter quoque uti sumus, docen-
 tes audivimus, relictâ, Dolam lingu-
 Gallicæ addiscendæ gratia venimus
 ubi praxin in gravi criminali cau-
 exercere cœpimus, defenso nob.
 quodam juvene Flandro, qui Italiam
 petiti

etiturus, in diversorio in burgundiæ
comitatu ebrius Principi suo male-
xerat, eamque ob causam publico-
arissimoq; carceri inclusus, non abs-
e magna molestia evasit, Duacum
l studia persequenda ad biennium
missus. In patriam veró, relicta
lechlina, ubi in matriculam Advoc-
orum magni consilii recepti fuimus,
gressi, rebus Frisicis propter Wa-
num adventum oppidó turbatis,
ultis tum nobilibus, primariis, tum
vibus in arcem adductis, ac in peri-
ilum capitis propter partium stu-
um vocatis, mirum dictu, quàm
rtilis causarum criminalium praxis
obis oblata fuerit, omnibus opem
ostram patrociniúmque ob Gallicæ
ingue, tribuno militum familiaris, pe-
tiam, requirentibus. Cujus etiam
beneficio, Centurionibus militibusq;
alonibus tunc temporis, licet non
osque periculo, magnas prædas eri-
uimus, ac quodammodo è faucibus
traximus. In qua quidem praxi
t redeamus unde digressi sumus) ab
ano 1572 ad hoc tempus ætatem
ostram trivimus, & quam plurimos
K 3 captis

capitis accusatos, nostro patrocini-
periculo mortis aliisque poenis sul-
traximus. In hac itaque palæstra quæ
versabitur, ut versantur omnes huius
Provinciae Advocati, diligenter etiam
authores evolvere debet, qui ex pro-
fesso causas criminales tractant, quæ
les sunt Angelus de Aretio, Albericus
de Gandino, Hippolytus de Marfilio,
Ægidius Bossius, Julius Clarus, Dan-
houderius, & consilia criminalia Ca-
pollæ. In scholis siquidem criminalium
materiæ perrarò studiosis prælegun-
tur. Quo fit, ut Advocati ubi ad proxi-
mum huius supremæ Curie accesserint,
& causæ criminales oblatae fuerint,
multis sæpè difficultatibus involvan-
tur. Nam & nos in initio cum causæ
capitales defendendas susciperemus,
multas sæpè noctes insomnes dux-
imus, solliciti valde, ne quid captivi
clienti per nos incommodi crearetur.
Est enim res plena timoris, & qui
hominem requirit industrium & dili-
gentem. Proinde erit Advocati offi-
cium, ut ante omnia à Reo captivi
facta examinatione, perdiscat, quid
sit crimen quod objicitur, & quando
& quomodo

& quo loco, quibusve præsentibus
 contingerit, aut contigisse, dicatur ac
 omnes alias circumstantias excutere
 debet, crimini ac facto cohærentes;
 minima siquidem circumstantia jus
 mutat: *argument. l. aut facta ff. De*
pœnis. Deinde considerare debet at-
 que expendere Advocatus, an ne cri-
 men quod clienti impingitur, præscri-
 ptione vicennali extinctum sit, quâ
 omnia crimina, paucis exceptis, tol-
 luntur, *l. querela. C. ad l. Corn. de fals.*
Bart. & alii l. in cognitione. ff. Ad Sena-
tus cons. Syllania. Usque adeo quidem,
 ut transacto viginti annorum spacio,
 neque offensus, licet minor, restitui
 possit *l. auxilium, ibi Odofr. ff. De Mi-*
norib. Eamque objicere & probare
 tenetur, nisi ex articulis Actoris elici
 possit. Ad hæc indagabit, an crimi-
 nosus in hac Provincia captus, an per
 remissionem judicis alterius Provin-
 ciæ, in carcerem impactus sit. Nam
 licet ista remissio criminosi ad locum
 delicti, totius Italiæ ac Galliæ con-
 suetudine non sit recepta, *Bald in*
l. i. C. ubi de crimin. agi oporteat. Cyn.
ad l. apud eloquentissimum. eod. tit. num.
 3. nihilominus tamẽ cum in hac Curia

frequentetur, Advocati erit expendere, an legitima sit remissio. Nam si ab alio iudice quam domicilii, facta fuerit, non poterit subsistere; Si enim ab illo iudice, qui procedendi contra criminofum jurisdictionem non habebat, & ita neque capiendi, tunc locum remissio non habet, sed est nulla, *glossa in tit. de foro compet. quam communē dicit Bart. & Alex. in l. sepulchri violati ff. eod. tit. Bald. in l. 1. C. de hered. instit. Abbas conf. 24. Biffius Tit. de foro compet. num. 52. 53. 54. 55. & ad locum domicilii remittendus erit reus. Quod si nihil eorum quæ antè allegata sunt, adferri ac prætendi poterit, sed ad defensiones criminis deveniendum est, indagabit Advocatus, quæ clientis antea acta vita fuerit, & an aliqua in patriam ejus merita extent: Faciunt enim quam plurimum ad elevandam minuendamque pœnam, quæ de Jure constituta est, *argumento l. ad bestias ff. De pœnis.* aut innocentiam in dubio adstruendam. Ea enim in defensionibus homicidarum magnū aliquando momentum attulisse percepimus præsertim si occisus probaretur homo fuisse*

fuisse viræ dissolutæ, ad rixas & verbera pronus, cædem sanguinemque spirans. Hæc omnia diligenter explicari, & defensionibus probatoriisque articulis inferere debet, atque ob id sæpius captivum adire & cum eo conferre tenetur, qui præterquam quod charitatis officium faciat, invisendo captivum ac consolando, etiam hoc consequitur commodi, ut omnes qualitates ac circumstantias facto cohærentes, ac utiles eliciat, quæ illis non semper occurrunt, animis eorum metu ac mœrore perculsis; quorum miseratione non tangi, & incommodo non angî, hominis est minimè humani, ac rupe Tarpeiâ durioris: habentur enim pro miserabilibus personis captivi, ut antè dictum est, & illorum causa pia dicitur. Illud autem Advocatus præcavebit, ne clientem ad mentiendum instruat, quod magno errore aliqui sibi licere arbitrantur: Id enim bonâ conscientia facere non potest, qui memor veteris sententiæ, Christianæ certè, cogitare debet, corporis mala, malis animi curanda, avertendaque non esse. Quemadmodum &

K 5

illud

illud sollicitè cavebit, ne captivo, aut illius consanguineis, de subornandis corrumpe[n]disque testibus consilium det. Id enim non solum legibus civilibus sub gravi comminatione interdictum est, sed & lege divina prohibetur, quibus non minus tenetur, qui ad falsitatem instruit, fraudandique consilium suppeditat, quam qui ipsemet falsum fraudemque committit. Præterquam quod propriarum perjurio conscientiam vulnerat, illicitis modis iudicem, Dei vicarium turpiter circumveniens. Tametsi enim captivi clientis commiseratione motus, omnes ingenii nervos intendere omnemque movere lapidem & possit, & debeat, ut eum periculis eximat eripiatque, intra limites tamen juris ac honestatis continere se debet Advocatus, neque præter jus ac fas aliquid moliri, ut pœnis meritis subtrahatur is, qui non tantum proximum, sed & rempublicam pernicioso læsi exemplo, cui, teste Platone in *Gorgia*, nisi edito exemplo, sumptoque supplicio plenè satisfieri nequit. Unde miratus sum quod Parlamentum Parisiense, (ut refert Boerius *decis.* 215.

Advo

Advocatum confessum, quòd captivo clienti suo consilium dedisset, ut aperto carcere aufugeret, excusatum habuerit, quod tamen consilium, nec Boerius probat, nec nobis quoque placet. Quòd si verò reus crimen objectum fateri nolit, sed in negatione perseveret, Advocatus, rejecto in Actorem, procuratorem generalem probandi onere, quod affirmanti incumbit, *l. ei qui in ff. De Probationibus*, fortiter eum diligenterque defendet. Quæ defensio, cum magna ex parte in eo consistat, ut testes, aliàsque probationes ab Actore productas elidat refutetque, iis reprobandis providè diligenterque incumbere debet Advocatus, ac si turpitudine ignominiaque testibus objicienda erit, articulos refutatorios conscribere, & testes producere tenetur, quod etiam didicistis testificatis, ac post conclusionem in causa fieri posse tradit Hipp. de Marf. in praxi sua in §. sequens. num. 6. 7. 8. Iis siquidem Actoris testibus, probationibus; de falsitate, contrarietate, singularitate vel vacillatione convictis, vel aliis instrumentis ac præsumptionibus fortioribus eli-

lic ac everfis, reus, Actore nō probante, etiam si nihil præstiterit, absolvendus venit. Cujus quidem defensionis Rei tantus in jure favor est, ut testibus domesticis, consanguineis, foeminis non integræ existimationis, ac aliis inidoneis, illius comprobati innocentia possit, *Alex. conf. 21. lib. 1. Spec. Tit. de inquisit. §. 1. versic. sed nunquid reus. l. consensu. C. de repud. c. veniens De Testib. Alex. conf. 5. Dec. conf. 429. & 459. Ioann. de Anania conf. 50. conf. Hipp. de Mars. sing. 59. Bald. in l. parentes. C. de Testib. cum è contrario Actoris testes omni exceptione majores esse debeant. In quibus reprobationibus ritè conscribendis, quantum momenti situm sit, quilibet facile intelligit. Quoniam autem processu concluso & examinato, Curia interdum deprehendit, probationes criminis impositi non esse luce clariores, sed dubias, ac tales, quæ ad condemnationem non sufficiunt, & ob id ad quæstiones recurrendum arbitratur, operam dabit Advocatus, si id resciverit, ut captivum (si non sit eorum numero qui torqueri prohibent. quales sunt impuberes, l. 1. §. impubes.*

pubes. ibi glossa ff. Ad Sillanianum, senes decrepeti, l. 3. §. ignoscitur. ff. ad Sillanian. Alex in l. milites. C. de Quæst. foeminæ quæ gravidæ quæ nec terreri debent) certiore faciat, ut quæstionibus subjiciendus coram Commissario de innocentia sua protestetur, atque declaret, nolle sibi confessionem suam tormentis expressam, præjudicare, eamque peractis quæstionibus revocet: Alioqui enim si in confessione tali perseverarit, condemnationem evadere non poterit. Tametsi enim lex dicat, quæstionem rem esse fragilem, & periculosam, & quæ veritatem fallat, contra quam multa dici posse, Quintilianus gravis author asserit, l. 5. Instit. Orat. cap. 4. quod aliis patientia facile mendacium faciat, aliis infirmitas necessarium: nihilominus tamen cum Ulpianus, l. 1. versic. quæstionib. ff. eod. tit. expressis verbis definiat, non semper, nec tamen nunquam fidem habendam esse quæstioni, ac tota ferè Europæ consuetudine sit recepta, erit providi Advocati, perspicacius consilium adhibere, & majori cautela procedere, ne clienti præter jus ac leges tormen-

tormenta infligantur. Quod quidem tum fieri censetur, si à tormentis, nullis legitimis indiciis, reoque communicatis præcedentibus incipiatur, aut absque novis repetantur, quod nequaquam fieri debere tradunt criminalistæ. *Iacob. de Aretio & Cynus in l. final. C. de Quæst. Cyn & Rayn. quos refert Bart. in l. unius §. reus ff. eod. Bald. in l. milites C. d. tit.* Nam quemadmodum tortus absque indiciis, & confessus, sibi non præjudicat, etiam si in ea confessione pluries perseveraverit, *l. divus. §. ex quibus. & l. maritus ff. de Quæst. ibidem Hipp. de Mars. Roma. cons. 167.* ita quoque si sine novis indiciis legitimisque argumentis tormenta repetantur, confessio in illis expressa, non præjudicat, etiam si indiciis sequentibus confirmata fuerit, quod tradit Boerius. *decis. 259.* Quæ quidem prædicta usque adeò obtinent, ut Ulpianus dicat, etiam si quis ultro de maleficio confiteatur, non semper ei fidem adhibendam esse, hac subiecta ratione, quod nonnunquam aut metu, aut qua alia causa, in se confiteantur accusati. Quod & Imperatores fratres
ad Vo-

ad Voconium Saxam rescripsisse idem Ulpianus refert, *l. i §. si quis ultro. ff. De Quæst. liberandum eum*, qui in se fuerat confessus, cuius post damnationem, de innocentia constisset. Itaque ne repetantur tormenta nullis novis legitimisque indiciis emergentibus, prospicere & præcavere debet Advocatus, ac supplicii libellò Curiae porrectò, petere, ne id fiat, illam ethnici hominis sententiam, planè christianam semper inculcans: Satius esse, impunitum relinqui facinus nocentis, quàm innocentem damnari, *l. absentem ff. de poenis*. Quod in gravissima quadam criminali causa, captivò de proditione delatò, ante aliquot annos tentatum & supplicii libello Curiae exhibito, à nobis impeditum fuisse recordamur, nullâ habitâ ratione delatoris, in articulo mortis declarationis asserentis, captivum verè à se delatum esse, quam nos ultimo supplicio præsentibus, non absque horrorè proferri audivimus. Quam istius delatoris declarationem merito rejecit Curia, tum quod captivi delati capitalis hostis esset, tum etiam quod unius hominis

Observatio.

minis declarationi seu testimonio
lex divina *Deuter. 19. cap. Math. 18.*
cap. fidem adhiberi prohibeat, ut ali-
quis condemnetur, sed testibus ad-
minus duobus est convincendus qui
accusabitur, Christo & Paulo Aposto-
lo testantibus. *Ioan. 9. Epist. 2. ad Co-*
rinth. cap. ultimo. Ex qua, tanquam
purissimo fronte, profluxerunt leges
civiles ac humanæ, unius hominis
testimoniū in judiciis etiam civilibus
respicientes, etiamsi dignitatis sum-
mæ honore præfulgeat. Ut autem
revertamur eo unde digressi sumus,
Advocatis hæc cura incumbit, ut om-
nia circumspicere & legitimè fiant,
atque ut id obtineant, precibus Curiae
porrectis, advigilare & inculcare
debent, ne vel absque iudiciis accusa-
tus torqueatur, vel sine novis, repe-
tatur quæstio, citatis Ulpiani verbis
dicentis: Quæstionem rem esse fragi-
lem & periculosam & quæ verita-
tem fallat: Nam plerique (inquit)
patientiam sive duritiam tormentorum,
ita tormenta contemnunt, ut ex-
primi ab illis veritas nullo modo
possit: Alii tanta sunt impatien-
tia, ut quodvis mentiri, quam pati
tormen-

tormenta velint, & ita fit ut vario modo fateantur, & non tantum se, verum etiam alios crimentur. Cuius rei horrendum narrat exemplum Boerius, *decis*, 166. de muliere, quæ propter minas, quas de fenestra in inimicum suum, aliis & inimici inimico audientibus, effuderat, capta & quæstionibus subjecta, homicidium ab inimici inimico patratum, doloris impatientiâ fassa, ultimo supplicio, licet innocentissima, affecta fuit. Consimile exemplum & in Curia Trajectensi contigisse ante multos annos intelleximus. Profecto cum & captivos in ipsis tormentis expirasse perceperimus, certè ea moderatione & discretione in tormentis adhibendis versabitur Curia delegatus, ut carnificis feritatem refrenet atque coerceat. Solent enim isti homines, nonnunquam improbi, istam tristem odiosamque functionem suscipientes, omnem ferè humanitatem exuere. Quod si verò vel legitimâ confessione, vel aliis liquidis probationibus, luce clarioribus, quales in criminalibus requiruntur, *l. fina. C. de probat.*
l. qui

l. quisententiam C. de pœnis. delictum probatum, reusque convictus fuerit si per circumstantias elevari ac minui nequit, quod omnibus viribus tentabit Advocatus, ad deprecationem confugiendum erit, ac reo de vita manifestè periclitanti, christianas, de immensa & infinita Dei misericordia, omni tempore (teste D. Cypriano, *In sermone de Cœna domini.*) pœnitentes recipientis, adhibere consolationes debet, hortabiturq; clientem, ut coniectâ in Christum humani generis Servatorem, ac fidum Advocatum (teste Apostolo *Epist. Ioann. I. cap. 2.*) spe, mortem hanc omnibus hominibus, serius ociùs, subeundam, cum patientia excipiat, certus eam propter ignominiam (si ex animo illum prioris vitæ pœniteat) ad criminis probati, reliquorumque peccatorum expiationem purgationemque indubitanter profuturam. Precibus quoque suis Advocatus; (quod Medico ægrotum curanti Ecclesiasticus cap. 38, præcipit) clientem ex hac vita migraturum juvare, Deoque omnipotenti commendare, atque orare debet, ut cor ipsi humiliatum

liatum & contritum, ac veram patientiam largiri dignetur, ut hujus carnis vinculis solutus, ad Paradisum transire mereatur, beatorum consortio aggregandus, Illud coronidis vice addendum, Advocatumq; commonefaciendum arbitramur, ne causam clientis captivi nimia acceleratione præcipitet. Tempus enim & dies (teste Comico) ut ægritudinem adimit, ita iram & indignationem quoque mitigat lenitque, ac ob id lentè, ut habet vetus dictum, festinandum est, ut ea ratione, & Curiaë reliquisque concivibus, operam suam probare possit, si causa, præter opinionem, tristem eventum sortita fuerit. Illud citra jactantiam profiteri possumus, inter centenos captivos, quibus annis 33. patrocinium præstitimus, ac hoc saxum volvimus, paucissimis ultimum supplicium irrogatum fuisse.

CAP. XLI.

De iis qui se purgationi criminum offerunt, & quomodo in

*do in isto negotio versabitur
Advocatus.*

PRæcedenti capite de Officio Advocati in causis capitalibus, & quid facere debeat, quando Reus criminis ad carceres pertractus, à Quæstore rerum capitalium (qui Procurator generalis dicitur) lite pulsatur, disseruimus. Nunc ordo tractationis postulare videtur, ut describamus, quæ sint Advocati partes in consiliis dandis & defendendis iis qui in carcere se sistere & purgationi criminis offerre volunt. Id enim nonnunquam fieri, nemo in praxi hujus Curiae versatus ignorat. Nam cum hæc scriberemus, duo de commisso homicidio diffamati, quorum alter id necessariò fecisse creditur, cùm tertius occisus sit, ad carcerem concesserunt, purgationi sese offerentes, & etiamnum sub judice lis est. Itaque si iste casus Advocato oblatus fuerit ab aliquo, consilium sibi dari petente quid facere debeat, præcavebit ille certè, ne author sit, ut consultor purgationi se offerat, sed dicet, rem periculi

culi esse plenissimam, & planè ancipitem, multa incidere posse, quæ eum in vitæ discrimen longè maximum adducere atque conjicere queant; ac proinde deliberandum esse diu quod statuendum est semel, neque enim esse poenitentiae locum. Ad hæc posse reum, qui carceri inclusus, dubiam litis aleam elegit, magno-perè falli, testibus quibus se innocentiam suam probaturum confidit: aut vacillantibus ac variantibus, aut etiam ignorantiam simulantibus, aut quod detestabile est, falsum testimonium perhibentibus. Ista enim omnia accidere posse experientia rerum magistra docet. Præterea facile contingere posse, ut si probationes dubiæ aut suspectæ sint, quæstionib. subji-ciatur, tormentis examinandus purgandusque. Qui si doloris impatiens (ut sunt multi) aliquid contra se legitimè confessus fuerit, nemini non conspicuum est, quantis periculis vitam suam exponat. Hæc, inquam, omnia consultori inculcare debet Advocatus, ut iis consideratis perpensisque deliberare possit.

quid

quid factū sit opus. Adjiciet quoque, non ita pridem quendam, qui de homicidio suspectus erat, ad carceres purgandus spontē concesserat, probationibus dubiis, ægerrimè vitā salvā evasisse. Quod si verò consultor inson-tem se professus, periculum subire omnino decreverit, ac carceri inclusus, consilium sibi dari petat, ut voti sui compos fiat: Advocati erit officium, in hac, ut in aliis causis capitalibus, omnem adhibere diligentiam, omnesque defensiones exquirere & indagare, quas facti circumstantiæ suppeditare ullatenus poterunt, fortiterque causam tutari, ne aliquid sit quod Advocato imputari à cliente possit. Atque hæc quidem obtinent, si Procurator generalis litem adversus captivum, purgationi oblatum intenterit ac persecutus fuerit. Quod si verò quisquam à privatis de crimine infamatus purgationi se offerat, erit Advocati officium, precibus Curie oblati petere, ut per citationem ad certum diem vocentur infamatores, crimen objectum probaturi atque executuri. Qui si binā citatione evocati, non compareant, & de contumaciis
accu-

accusati fuerint, Actor captivus purus purgatusque sententiâ Curiae declarabitur. Si veró quisquam purgationi se opposuerit, & postea ad persequendam causam citatus, emanens de contumacia accusatus fuerit, unius istius contumacię accusatio hoc Actori dabit commodi, ut ejusdem Curiae sententiâ purus declarandus veniat, adversario in expensas damnato. Atque hæc ordinationibus magni consilii apud Mechliniam Tit. *Proces criminels*, artic. 21. & 22. & 23. comprehensa sunt, ut videre licet, & locum habent, quando is qui infamavit, certus est. Secus erit, si incertum sit, à quo infamatio primum sparsa sit, ac originem trahat: tunc enim alia via ac modo procedendum foret, ac faciendum id quod Ordinatio Curiae Hollandicæ artic. 410. continet, nimirum, ut Actori Edicto citatorio concessio, detur facultas, ut per apparitorem Curiae, ad locum domicilii & delicti perpetrati transmissum, trina proclamatione evocentur omnes, qui Actoris purgationem oppugnare volent, ut ad certum diem compareant, ac legitimas criminis probationes inferant:

ferant: Quod si trina proclamatio
ne peracta, nemo comparuerit, pu-
gatus declarabitur, nisi per aliquem
ad hoc delegatum, sufficiens proba-
tio Curiae facta fuerit. Eo siquidem
casu, captivus criminis convictus
competenti supplicio afficietur. Ve-
rum enim verò cum ista testium ex-
aminatio seu inquisitio maxime
præiudicii, ac ob id omni vacare su-
spicione debeat, utpote cum eam
absolutio vel condemnatio sequatur
erit Advocati officium, procurare, ut
ista inquisitio alicui consiliario, nulli
suspensione gravato, committatur
quò omnia ordine & legitimè per-
gantur, quod in capitalibus causis
vel maxime requiritur, quibus irre-
parabile damnum irrogatur, si gra-
vis error commissus fuerit in conden-
nando. Et licet ista inquisitio seu te-
stium examinatio atque receptio Or-
dinatione Curiae Hollandicæ secreta
esse, atque ita Curiae exhiberi debeat
arbitramur tamen, ad Advocati quo-
que officium pertinere, ut, precibus
Curiae oblatis, instet ac urgeat, quod
ista testimonia captivo clienti su-
communicentur, ut dispiciat, quid sit
sit fa

fit faciendum, ne præcisâ & ademptâ
contradicendi ac testes refutandi
facultate, prætermisso juris ordine,
insons opprimi videatur. Cum enim
hoc casu tam versetur in vitæ disci-
mine captivus, quàm cum ad carce-
res pertractus, ordinata lite pulsatur,
non potest ulla diversitatis ratio red-
di, quare ad reprobandos testes secre-
tò examinatos, non sit admittendus
qui purgationi & carceri sese obtulit.
In initio capitis hujus mentio facta
est duorum, qui se purgationi obtule-
runt, & ex vinculis causam dixerunt,
Ea ad finem perducta, antequam
suprema huic tractationi manus
imponeretur hunc habuit exitum,
quod examinatis utriusque testibus,
tormentis insuper subjecti fuerint,
quorum neutri cum ulla exprimi
confessio potuerit. centum quinqu-
aginta aureorum summa mulctati &
in expensas damnati anno 1605. ab-
soluti sunt, ut ex Advocatis qui pa-
trocinium præstiterunt, accepimus.

*Observa-
tio.*

Veruntamen cum ea res multis peri-
culis, ut antè quoque diximus, ob-
noxia sit, cavebit Advocatus, ne con-
sultori ex vinculis causam dicere vo-

L

lenti

lenti animum addat, sed positis o-
 culos periculis longè maximis, scri-
 pulum injicere debet, ut ille deter-
 tus, in re tam ardua, amplius delit-
 randum censeat, popolare illud:
 Het is beter te wesen in der Doo-
 len sangh als in de yseren clang.
 Licet enim durum sit, in exilio vita
 agere, durius tamen est, vincis
 compedibusque stringi, ac dubia
 judicii aleam subire: Libertas cer-
 res est inæstimabilis, teste Iurec.
 & carcer mala mansio dicitur,
 morti æquiparatur, secundum B-
 dum c. 1. §. denique. Tit. quæ fuit prin-
 causa beneficii amitt.

CAR. XLII.

*De Beneficio Remissionis cr-
minum.*

Superiori capite Advocati mun-
 & officium in tractandis cau-
 capitalibus breviter descripsimu-
 Quoniam autẽ eodem capite obit
 mentio facta est de homicidis, & quæ
 sint partes Advocati, si quãdo in iu-
 cio co-

cio contra impetitionem Procuratoris generalis defendendi sunt, videndum est, quid Advocato faciendum sit, si homicida literas Remissionis petendas sibi atq; impetrandas duxerit, quod sæpè in hac nostra Provincia, propter homicidiorum (proh dolor) frequentiam contingere nemo est qui ignorat. Itaque si Advocati in iis Remissionis literis impetrandis consilium requiratur, ante omnia providendum illi erit, ut, si supplicem libellum scripturus sit, nihil præter rei factique veritatem narret, & operam dabit, ut preces veritate nitantur. Nam si libello supplicis aliquid, delicti palliandi, extenuandi, elevandi que gratiâ complexus fuerit is, qui eum exhibuit, aut veritatem factique circumstantias, crimen homicidii aggravantes exprimendas, suppresserit, fructu, effectu que beneficii Remissionis impetrans carebit. Diplomata siquidem principum falsis causis nixa non subsistunt, *c. super literis. De rescriptis. D D. in l. præscriptio, C. Si Contra ius vel utilitatem pub. c. super lit. c. super ea. De re judicata.* Quapropter Imperatoris

ratoris Caroli 5. Placito, 21. Octob.
anno 1541. publicato, Ordinumq;
promulgatione renovato & conf-
mato, artic. 18. & 19 istiusmodi lit-
ræ Remissionis, subreptitiæ declar-
judentur, non tantum si falso narr-
tum sit, impetrantem provocatur,
ac inculpatæ tutelæ moderamini-
usum, hominem peremisse, sed &
libello supplici homicidam bonæ f-
mæ, aut interemptum malum, impr-
bæque vitæ, conversationisque hon-
nem fuisse, narratum sit, quod art.
19. disertis verbis declaratur. Pr-
inde providi Advocati erit prospic-
re, ne quid hac parte in concipiend-
preccibus peccetur; Et tanto quide-
magis, quod artic. 12. prædic-
Constitutionis, reus homicidii, lite-
Remissionis in judicio exhibitis
intimatione seu interinatione, ut l-
quitur Leoninus, conf. 91. petita,
carceres ire cogatur, ibidem perma-
surus, donec aliter à Curia dispositu-
fuerit. Quod quam sit periculosu-
& anceps, quisque apud se cogita-
poterit. Nos certè hujus rei exe-
plum vidimus, in quodam hujus Pr-
vinciæ territori Leovardienfis rusti-
locup-

ocuplete, qui quòd facti circum-
stantias aliter narrasset, quàm rei ve-
ritas postulabat, literis Remissionis
in judicio exhibitis, & factâ conten-
tione, ut Actis Curiae intimarentur,
a Procuratore generali homicidium
voluntarium, proditoriumque fuisse
publicè allegante, de obreptione sur-
reptioneque accusatus, & in carce-
rem impactus, in summo vitæ descri-
mine versabatur, nec supplicium ul-
timum evadere potuisset, nisi ad cau-
sam jam desperatam vocati nos re-
medio quodam extraordinario, per-
misso tamen, nimirum secundis re-
missionis gratiæque literis, dum car-
cere continebatur, ac lis inter capti-
vum ac procuratorem generalem
penderet, impetratis, quod fieri pos-
se ex antiqua cognovimus sententia
16. Martii anno 1540. pronunciata,
Advocatis notâda, eum periculo lon-
gè maximo, subtraxissemus, uti ex
actis Curiae liquere potest. Neque
verò sufficit, beneficium Remissio-
nis, bene legitimèque, precibus veri-
tate nitentibus impetratum esse, nisi
iis quoque servatis solemnibus, peti-
tur atque obtineatur prædictarum
litera-

*Observa-
tio.*

literarum intimatio (interinemen Galli vocant) quæ prædicti Imperatoris constitutione præscripta & expressa sunt. Et primùm quidem qui literas prædictas impetravit, intra sex menses eas Curiae offerre debet, alioqui earum effectu cariturus. Deinde ipsemet statuto die juridice in auditorio comparere, easque exhibere debet, atque simul postulare, ut intimentur, actisque juxta Curiae stylum inscribantur: Eoque factò, rectà ad carceres se conferre ibique permanere tenetur, donec Curia secus disposuerit. Quod quidem ita strictè observari voluit Carolus Imp. ut judici expressis verbis interdixerit, ne ante carceris mancipationes, & non lectis examinatisque attestationibus à judice loci transmissis, impetrantem è carcere dimittat. Quæ quidem omnia juxta Placiti tenorẽ usque adeò requiruntur de necessitate, ut licet Procurator generalis consensum suum adhibuerit, judex tamen, non excussis Informationibus, captivum dimittere nequeat. Ad hæc quoque exigitur, ut, ad diem præstitutum, vocatis iis quorũ interest, in-

est, intimatio prædicta postuletur, quibus constitutione prædictâ facultas datur, ut literas sive Remissionis beneficium ex professo, si velint, oppugnent, non solum ut, quod sua interest, consequantur, sed etiam ut, iis rejectis, capitali supplicio reus subjugetur. Ex quibus omnibus liquido patet, solertis industriæque Advocati officium in eo versari, ut prospiciat, ne quid ex prædictis solemnibus prætermissum deprehendatur. Id enim si accideret, conscientiae morsum semper circumferret furdo verberare cædentem. Nam cum Placita Principum legis vigorem habeant, à nemine, nedum Advocato, ignorari debent, & consequenter, si juris ignoratione lapsus Advocatus, periculum clienti creasse convictus fuerit nominis sui jacturam faciet, imò ad instar medici imperitè secantis, mortisque occasionem præbentis, lege Aquiliâ teneretur. Sed & illud quoque prædictum Placitum continet ad solatium eorum, qui literas impetraverunt, ut, si quid libello supplicii omissum erit, quod narrandum exprimendumque fuerat, porrectis præ-

cibus secundas sibi literas indulgere petere possint: ita tamen ut iis quoque inferant, antè literas à se impetratas fuisse, quibus factum non sati narratum erat: Quod quidem usque adeò necesse est ut fiat, ut eò omissio secundæ non minus quàm priores, subreptitiæ futuræ sint, qua statim quoque cancellari jubentur, antequam ulla desuper habeatur deliberatio. Ne autem secundis literis à Principe impetrandis captivum gravari contingat, cum absque magnis impendiis id fieri non soleat, remediū est, ut Advocatus porrectis, Curiae precibus, omissionem sibi condonari, factâ compositione, petat quod fieri posse & factum olim fuisse ex antiquis sententiarum hujus supremæ Curiae commentariis, cognovi, quæ anno 1546. vicesimo Maji & decimo Junii latæ sunt, inter Procuratorem generalem, Actorem, & Regnerum Lieuma, item Feddonem Sibolts reos, quibus, certâ pecuniæ mulctâ indictâ, literæ remissionis intimatæ fuerunt. Præterea illud quoque inter solemnia connumeratur, ut reus Diploma Principis exhibiturus, intimationem

1546. 20
Maji. &
20. Junii.

Observa-
tio.

tionemque postulaturus, in Auditorio flexis genibus apertoque capite id faciat, cui nisi lectis literis surgere permissum non est. Qua lectione, presentibus Curiae delegato ac Procuratore generali, frequenti Advocatorum, hominumque coronâ peractâ intimationeque petitâ, ad carcerem reducitur, ibi permanens, donec auditis iis quorum interest, ac prædicto Procuratore generali, Curia prædictas literas definitiva sententia intimandas declaraverit. Atque hæc quidem in remissionibus homicidiorum impetrandis intimandisque obtinent, placito Imperatoris comprehensa, atque Enchiridio Statutorum inserta, ac ob id mordicus, & ad unguem observanda sunt. Ad alia verò crimina quod attinet, quorum remissiones petuntur ac impetrantur à Principe, prædictas quoque solemnitates ad intimationem earum obtinendam, observandas esse arbitramur; nisi principalium literarum seu Diplomatis tenor expressam earum relationem contineat. Atque ea quidem quæ antè relata sunt, locum sibi vendicant, si sententia condemnatoria non præcesserit.

cellerit. Nam si sententiam passus
Reus, à principe restitutus sit, fortè
alia exiguntur solemnia. Qui casus
cùm nobis in Praxi versantibus obla-
tus non sit; nihil specificè de iis decla-
rare possumus, contenti iis, quæ antè
dicta sunt atque relata: Interim ta-
men negare non possumus, vidisse nos
in antiquis Curiae supremæ commen-
tariis, sententiam condemnatoriam
quandam famosam, & restitutionem à
principe factam, quâ quidā non infim-
i nominis sententiâ damnatus, ac om-
nibus honoribus & dignitatibus exu-
tus, honori, fameq; restitutus fuit. Sed
illud apud Plinium illum secundum,
Oratorem & Advocatum consum-
matissimum, in Epistola ad Impera-
torem Trajanum scriptâ, in disputa-
tionem vocatum videmus, an Archip-
pus Philosophus, ob crimen falsi in
metallum à Proconsule damnatus, &
Diplomate non restitutus, solâ epi-
stolâ Domitiani Imperatoris ad L.
Appium Maximum datâ, quâ Archip-
pum & virum bonum, & professione
majoribus respondentem, Maximo
commendaverat, & plenam ei hu-
manitatem præstari volebat, resti-
tutus

tutus cenſeri deberet : Et re apud
 Imp. optimum in utramque partem
 diſputatâ, cenſuit ac reſcripſit, cre-
 dendum eſſe, etiam ſtatui ipſius
 Archippi interuentu Domitiani Im-
 peratoris ſubuentum fuiſſe. Cui
 congruere videtur textus *l. i. C. de
 ſententiam paſſis & reſtitutis*. Nam
 ibi Iulianus quidam Licinianus, An-
 tonino Imperatori oblatus, ſolis ver-
 bis aduerſus ſententiam Deportatio-
 nis, Provinciæ non ſolùm, ſed & ho-
 noribus, & ordini cæterisq̃ue reſti-
 tutus narratur. Quoniam autem ſen-
 tentiam paſſi & reſtituti intereſt
 quàm maximè, memoriã ejus non
 perire, circumſpecti erit Advocati
 officium, curare, ut ea omnia in com-
 mētarios publicos referantur ac con-
 ſerventur, ut cùm res poſtulabit, in
 promptu eſſe ac haberi queant. Quod
 autem antea diximus, vocandos eſſe
 eos quorum intereſt, quando intima-
 tio beneficii Principis in iudicio po-
 ſtulabitur, iisq̃ue permitti, oppoſitio-
 nibus legitimis petitionem Actoris
 impugnare, uſque adeò verum eſt, ut
 ex antiqua 27. Octobris anni 1548. 27. Octo-
 inter Ioannem Obbonis Actorem & bris 1648
 Corne-

Corneliam Valerii illius conjugem Ream prolata, cognoverimus, Imperatoriarum literarum, quibus relegationis revocationem (quam Galli vocant *appel du Ban*) indulserat, intimationem sententia hujus Curie definitiva Actori prædicto denegatam, & Procuratori generali injunctum fuisse, Imperatoris jus adversus eum exequi, qui & in expensas condemnatus fuit, ut ex prædicta sententia Curiae commentariis inscripta & inserta apparet.

CAR. XLIII.

De Sumptibus litis.

CUM non iis tantum qui in foro versantur litibusque exercendis operam dant, sed & iis quoque qui sui consequendi gratiam jure experiuntur, notissimum sit, magnis impendiis, lites peragi, usque adeo quidem, ut ea res proverbio locum fecerit, quod taxantur strenui isti litigatores: nimirum juvenem litigatorem, senem mendicum fore. Erit Advocati quoque munus, ut antè diximus, consultores à litigando abstertere. Quod
si ve-

si verò aurem accommodare nolint,
aut suum, nisi motâ lite, consequi ne-
queant, proximum erit, ut prospiciat
Advocatus, ne in litis exordio sum-
tus expensasque petere negligat,
non ignarus, non petitas à iudice
non adjudicari, *l. terminato. C. de*
fructibus & litium expensis. Quod mihi
aliquando nimium festinanti conti-
gisse recordor & fateor. Sed cum ra-
rissimè hac parte peccetur ab Advo-
catis, non existimamus, opus esse hoc
præceptum curiosius inculcare. Illud
autem hoc loco monendi sunt Advo-
cati, si contingat, eos clientum suo-
rum nomine, cum expensarum, usu-
rarum, fructuumque adjudicatione
sententiam obtinere, ut eas declara-
turi modum non excedant, sed intra
limites honestatis Ordinatione Cu-
riæ præscriptos permaneant. Qua
parte plurimum à plerisque Advo-
catis peccari quotidie deprehendi-
mus, qui nulla æquitatis ac mode-
rationis habita ratione, hoc agunt ac
student, ut quàm plurimum per fas
nefasque clientum suorum victorum
nomine, iudicis taxatione consequan-
tur. Vidimus nos paucis abhinc
annis

334 DE OFFICIO.
annis, unius litis sumptus, impendii
computatis, ad centenos aureos ex-
tensos declaratosque, iudicis mode-
ratione taxationeque, ad 20. aut cir-
citer aureos reductos fuisse. Que-
quid potest absurdius ac etiam ini-
quius fingi? Certè negari non potest,
quin istiusmodi Advocati in conscien-
tiam suam peccent, ac juris jurandi
religionem violent. Neque enim in
istis expensarum litiumque sumpti-
bus exequendis minus bonam fidem
servare debet, quàm in causa princi-
pali. Ut autem illi malo eatur obviam,
dabit operam Advocatus, qui victo
patrocinium præstitit, ut istas expen-
sarum usurarum ac fructuum declara-
tiones à victore in iudiciò exhibitas,
diligenter sollicitèq; excutiat, ac com-
petentes diminutiones refutationesq;
intra tempus Ordinatione præfinitum
adjiciat, ne clientem unicâ contuma-
ciâ, si absit, facultate diminuendi se-
clusum, quod stylo Curiae obtinet, ea-
rum defectu, damnum non modi-
cum accipere contingat, quippe cùm
ipsam sortem sæpè excedant. Iam
verò si per taxationem iudicis ei rei
sedentis, clientem suum qui victus est,
gravari

gravari viderit Advocatus, ad illius pertinet officium, ut ab ea, tanquam interlocutoria sententia, ad Curiam provocet, ut error læsioque reparari possit: quod fieri aliquando vidimus. Nec debet is qui taxationem fecit, in malam partem accipere, si ab ea provocatio fiat, cum olim solus Præles, nunc primus Consiliarius istis taxationibus vacet, ut mirum non sit, si aliquando aberret à scopo: plus etenim oculi vident, quam oculus, juxta vetus dictum. Et meo quidem judicio publicè expediret, istam provinciam pluribus aut tribus saltem Consiliariis demandari. Quod autem antè dixi, eâ moderatione in declarandis litis sumptibus utendum esse Advocatis, ne quid præter veritatem fidemque bonam fecisse convincantur, iterum dico ac repeto: rectè enim veteri proverbio dicitur *ὅς ἐστις τῶν παλαιῶν* Quos velim veteres illos hujus supremæ Curiae Advocatos celebres (quorum nemo nunc superest) imitari quos eâ conscientia ac moderatione in isthoc negotio versari conspeximus, ut taxatione Iudicis parum aut nihil de summa ab iis petita deduce-

retur

retur. Sed (pro dolor) longè ab integritate & sinceritate illorum defleximus, & cum poëta concludere possumus, quod *ætas parentum, pejor avis, tulit nos nequiores, mox daturos progeniem vitiosorem.* Nec mirum versamur enim in hac mundi senecta, in qua abundabit iniquitas, & refrigescet charitas multorum, teste Christo Servatore nostro: Beatus ille qui usq; in finem in pietate, ac timore Dei perseveraverit. *Matth. 25.* Neq; est quòd quisquam vulgi dictū, petendum videlicet iniquum, ut æquum feramus, ad exorbitantis petitionis suæ excusationem prætendat: Cùm nemo ignoret, omnem iniquitatem & alienorum bonorum concupiscentiam, lege divina prohiberi atque damnari Quoniam autem sumptuum litis declarationibus reproducendis octiduum, & si usuras aut fructus contineant, trium septimanarum spatium Ordinatione præfinitum est, curabit Advocatus, ut unà cum legitimis diminutionibus, prædicto termino currente, apud acta exhibeantur, ne victor ordinationi insistens taxationem absque diminutionibus victo

viſto præjudiciabilem atque detri-
mentofam confequatur ac obtineat.

CAP. XLIV.

*De honorariis ſeu Salaris
Advocatorum.*

QUàm grave ſit Advocatorum
officium, quàm dura provincia
quam ſuſtinent, ex iis quæ ſuperiori-
bus capitibus adducta ſunt & relata,
non difficulter colligi poteſt. Nunc
ſupereſt, ut de præmiis laborum, quæ
honoraria vocat Ulpianus, paucis vi-
deamus. Neque enim quiſquam eſt
qui ignorat, eam rerum humanarum
eſſe conditionem, ut rarò quiſquam
reperitus ſit, qui privatim vel publicè
beneficiis aliquibus præſtitis, non ali-
quod ſibi præmium deberi exiſti-
maverit: Quod & rationem habet:
Nam æquitati naturali nihil tam con-
veniens eſt, quàm ut is, qui fidâ alicu-
jus operâ uſus commodum ſenſit,
remuneratione gratiam aliquam re-
pendat. Quod quidem uſque adeò
æquum cenſuit ipſe Chriſtus Servator
noſter, teſte D. Paulo Apoſtolo, I. E-
piſt. ad

pist. ad Corinth. Cap. 9. ad Timoth. 5
ut Evangelium etiam annunciantibus
vitæ necessaria suppeditanda ordina-
verit, & operarium cibo suo ac mer-
cede dignum declaraverit. *Matth*
10. Luc 10. Proinde cùm omnium
hominum ac nationum consuetu-
dine moreque receptum sit, tanquam
axioma politicum, ut semper dignus
habitus sit operarius mercede suâ,
nec minimam esse injustitiæ speciem
sed & summam ingratitude, ope-
râ proximi absque remuneratione
uti: hinc fit, ut Advocatis quoque, qui
patrocinium clientibus præstiterunt
honorarium seu salarium solvendum
esse leges statuunt. Eleganter certè &
magnificè de Advocatorum patroci-
niis senserunt veteres jurisconsulti, &
præcipuè Ulpianus ille juris cory-
phæus, his verbis usus *l. 1. versic in ho-*
norar. ff. de extraord. cognitionibus. In
honorariis Advocatorum iura versari iudex
debet, ut pro modo litis, proque Advocat.
facundia, & fori consuetudine, & iudicii,
in quo erat acturus, æstimationem adhi-
beat: dummodò licitum honorarium quan-
titas non egrediatur: ita enim rescripto
Imperatoris nostri & patris ejus contine-
tur.

tur: quam idem Ulpianus paulò post ad centum usque aureos licitam definit, his verbis: *Licita autem quantitas intelligitur pro singulis causis usque ad centum aureos.* Quinimò & Divum Severum Imperatorem eo favore persecutum fuisse Advocatos refert idem Ulpianus, *d. l. 2. versic. Divum Severum*, ut ab heredibus Advocati, qui litem totam non peregerat, eo nomine mercedem acceptam repeti prohibuerit; adjectâ ratione, quod enim per illum non stetisset. Quam rationem secutus Guido Papa quæst. 102. disputando resolvit, quòd nimirum Advocatus promissum salarium habere debeat, sive per sententiam, sive amicabilem concordiam lis sopita fuerit, allegans glossam notab. *in l. fin. ff. Mandati*, & *in l. unica. C. de Suffr. Spec. in Tit. de Salaris §. sequitur. versic. quid ergo.* Verùm enim verò cùm ea res magnis difficultatibus non careret, crescente hominum malitiâ & avaritiâ, posterioribus seculis, & Principibus, & rerumpub. administratoribus consultius vilum fuit, factâ moderatione certam quantitatem modumque præscribere,

scribere, quantum Advocato pro singulis scriptionibus vel partibus Processus suprà expressis cliens solvere teneatur; Quam egredi, constitutione imperatoris Caroli 5. ad provincialium querelas publicata *anno 1554.* prohibetur, & ejus quod indebitè exactum est, repetitio conceditur. Quod quidem ut apud omnes alias nationes fieri videmus, ita in patria nostra quoque ei rei modus statutus est. Nam illustrissimus Saxoniae Dux Georgius quondam hereditarius Frisiae Gubernator, Ordinatione publicatâ, quâ breviter modum formamque procedendi complexus est, huic quoque rei prospexit, quâ postmodum prorum temporumque circumstantiis renovata & ad aucta est, ut ex Ordinatione ultima Novembris 1602. promulgatâ, liquidò apparet: Ita tamen ut asserere audeamus, nullibi tam exiguum Advocatis salarium constitutum esse, quàm in Frisia patria nostra. Testati id sunt apud nos sæpè diversarum circumjacentium nationum incolæ, coram supremo hoc Senatu litigantes: Et res ipsa quoque loquitur, cum ex multis Advocatis

vocatis hujus Curiae, paucissimi nostro ævo reperti sint, qui ex sola praxi forensi, lautas facultates liberis suis reliquerint. Unde conjicere licet, quantopere à scopo humanitatis æquitatisque aberrant, qui hac parte Advocatis hujus Curiae parum æquos se præbent. Interim tamen hæc ita accipi nolumus, quasi nos Advocatis fenestram aperire velimus, ut contemptâ Curiae ordinatione, à clientibus quantum velint, extorqueant. Id enim bonâ conscientia fieri nequit, sed ut omnibus iis, qui Advocatorum conditionem & beatam quasi sortem plenis buccis decantant, & tanquam albæ gallinæ filiis invident & detrahunt, os obstruamus; qui nullâ laborum, periculorum, sumptuum-que juris studio tot annis impenforum habitâ ratione, spendidam (ut plurimum re domi angustâ) illorum miseriam tantopere admirantur & prædicant. Antequam autem hoc caput absolvamus, præmonitos Advocatos cupimus, ne frænos cupiditati laxantes, Curiae ordinationem, nuper renovatam & adauctam non modicè ullo modo transgrediantur, ne illicitum

*Hesiod. in
lib. opera
& dies.*

*Observa-
tio.*

tum exigentes & accipientes lucrum
sepe peccato involvant, & honoris at-
que existimationis jacturam insupe-
faciant, semper istius sententiæ Ad-
cræi poëtæ memores, μή κακὰ κερ-
δαίνειν κακὰ κέρδεα ἴσ' ἄτη (iv. i. ne mal-
lucraris, mala lucra æqualia damnis
qui cogitare debent, non militibus ar-
matæ militiæ tantum, sed omnibus in
quoq; qui stipendia pro functionibus
percipiunt, dictum esse à D. Ioanne
Baptista; Estote contenti stipendiis
vestris, & neminem concutiatis. Ad
hos enim verba prædicta quoque
pertinere D. Ambrosius asserit ser-
mone 7. Quod si in causis arduis per-
agendis, multum laboris studiique
ac temporis impensum adhibitumque
contententes majus constituto ac
consuetò salarium competere sibi ar-
bitrabuntur, quod sæpè contingere
nemo ignorat, ne clientes injuriam
sibi fieri credant, consultò facient
Advocati, si Curiae moderationi rem-
totam permiserint, quod & Ordina-
tione prædictâ exigitur. Id enim si
fecerint Advocati, quod aliquos non
ita pridem fecisse compertum habe-
mus, & Curiae & clientibus suis con-
scien-

scientiam fidemque probabunt, & calumniandi occasionem malevolis amputabunt. Illud autem prædicto loco apud Ulpianum, *l. 1. versic. si cui cautum & seq.* in quaestionem vocari videmus, an Advocatus de honorario sibi solvendo cavere possit, & quatenus illi permissum censeri debeat, cum cliente eo, ac etiam palmarii nomine pacisci atque cavere. Et certò quidem certius est, omnia istiusmodi pacta cautionesque legibus civilibus esse suspectas, quæ istiusmodi illiciti lucri captationes illiberales & nobili Advocatorum professione indignas censent. Nam pactum de quota litis, usque adeò exosum habet & reprobatur Imper. Constantinus, *l. si quis Advocatorum. C. de postulando*, ut & deprecationem appellet, & Advocatum in huiusmodi feritate permanentem professione sua penitus arcendum decernat. *l. litem. C. de procurat. l. si qui C. de postulando*. Amplius addunt Impp. Valentinianus & Valens, nullum cum litigatore contractum, nullamque pactionem iniri permittentes; tantopere istiusmodi litigatorum excoitationes execrantes, ut Advocatos

catos turpi tali compendio, lucro p
cuniaque captos, veluti abjectos a
que degeneres, inter vilissimos n
merandos esse constituent. *l. quisque*
§. præterea, C. de postulando. Gratian
certè Imperator eam in Advocat
integritatem fidemque bonam del
derat, ut, si à iudice moniti cuicunque
parti patrociniū denegaverim
foro carere debeant omni spe rest
tutionis ad agendum exclusi, *l. prov*
dendum. C. de postulando. versic. si quis
Sed meritò quærat aliquis, an nulli
tenus Advocato permissum sit cui
cliente suo de salario pacisci, & a
Impp. prohibitio nullam prorsus lim
tationem exceptionemque recipiat
Prohibitio certè generalis est, & un
versalis negativæ particulâ concepta
nullam videlicet pactionem, nullum
que contractum permitti: *d. l. quisque*
versic. præterea. Quæ verba Impp
glossa ad verba (contractum ineat
ad alios juris gentium contractu
quoque, quales sunt emere, vendere
locare, conducere, similesque traher
velle videtur, hâc subiectâ ratione
quòd omnia cliēs daturus sit, propte
timorem litis, sicut infirmus propte
timorem

timorem litis, sicut infirmus propter
timorem mortis, qui & ipse de sala-
rio suo pacisci quoque non potest.
Quibus tamen non obstantibus, salvò
melius sentientiũ judiciò, rem totam
distinctione temperari posse arbitra-
mur, *l. 1. versic. sed hoc ita. versic. seq.*
ff. d. tit. Ulpianum secuti, qui pro-
hibitionem prædictam ad duos tan-
tũ causus restringere videtur, quo-
rum prior est, si suspensã lite societa-
tem futuri emolumenti cautio polli-
cetur, quod Imp. Constantinus cer-
tæ partis emolumenta vocat, Practicã
quotam litis, quod pactum nullo mo-
do toleratur, sed pœnis competentibus
coërcetur *l. item C. de procuratorib.*
l. si remunerandi. §. finali, ff. Mandati. d.
l. si qui advocatorum. Posterior, si lite
pendente, cum cliente, quem in pro-
priam recepit fidem (iis namque
verbis utuntur *l. quisquis Impp.*) pa-
ctionem ineat Advocatus: induceret
enim Advocatum ad calumniosè a-
gendum, teste Bart. Istis siquidem
duobus casibus pactionem prohibi-
tam esse, extra controversiam est: &
ratio quidem posterioris prohibiti-
onis esse videtur, quod post nudata se-

M

creta

creta causæ litigatori tutum non sit
Advocatum offendere aut dimittere
aliique litem peragendam deman-
dare. Quæ ratio cum in pacto, li-
tæ necdum intentatâ atque re adhuc in-
tegrâ, cesset, dicendum videtur, istius
modi pactiones reprobatas probi-
tasque non esse, cum clienti inte-
grum sit, si cum Advocato litem su-
cepturo de salario convenire non po-
sit, eô relicto alii causam agendam
exquendamque committere. Illud au-
tem dubitationem non habere existi-
mamus, licere nimirum Advocato
cum cliente hoc modo pacisci, si vi-
ctor existas, 20. solves (exempli gra-
tiâ) si causâ cecideris, nihil omnino
quod nos aliquando fecisse recorda-
mur, clientibus talem conditionem a
pactionem spontè offerentibus. Ta-
met si & alias cautiones, exceptâ e-
quæ de quota litis dicitur, licitas per-
missasque esse, dici posse videatur, jux-
ta ea quæ tradunt Interpretes ad Ti-
C. de suffragio. Guido Papa q. 102
Quæ tamen limitationem atque re-
strictionem eam recipiunt, nisi licitan-
centum aureorum quantitatem pa-
ctio excesserit. Id enim nullo casu sit
permi

permissum esse quisquam arbitrabitur
d. l. i. versic. cui cautum & seq. cum ea
 summa vel avarissimo cuique in foro
 Curiaque hac causas agenti sufficere
 debeat. Pro colophone illud adjicien-
 dum existimamus, melius facturos
 Advocatos, si ab hujusmodi pactioni-
 bus Ordinatione Imperatoris Caroli
 5. anno 1554. artic. 95. vetitis, quas
 Plinius Epistola ad Rufum, foedissi-
 mas vocat, omnino abstinerint.
 Quod dictus Plinius Secundus sui
 temporis celeberrimus Advocatus
 Epistola ad Valerianum scripta, *libri 5*
Epistolarum, se fecisse gloriatur, &
 non modo pactione, dono, munere,
 verum etiam xeniis semper abstinuif-
 se testatur: quod nos de nobis prædi-
 care non possumus, fatemur sincerè
 quod res est, & si quid hac parte pec-
 catum censeatur, Pattiae consuetudini
 abscribendum erit, quâ clientes Ad-
 vocatis suis offerre & donare escaria
 parvi pretii consueverunt. Nos certè
 non possumus non laudare Plinii istius
 integritatem & abstinentiam, verò
 philosophò dignam, quam omnibus
 Advocatis commendatissimam esse
 cupimus. Vulgus siquidem homi-
 num

num literatis infestum, odio litium
 quæ certè multa secum incommod
 trahunt, insectatur Advocatos etiam
 officium facientes, & debito salari
 contentos: Qui utique cogitar
 debent, civilem se sapientiam, rei
 sanctissimam, pretioque nummari
 non æstimandum tractare, Ulpian
 teste, l. 2. versic. proinde ff. De vari
 & extraord. cog. Cujus profession
 dignitatem excellentiamq; præ ocul
 habentes, utique operam dare, sum
 misque viribus adniti debent, ne u
 lam ei labem, ac ignominiam ac
 spergant. Quod futurum est, si ista
 veteris proverbii ab Ulpiano rela
 memores, ὅτε πάντες ὅτε πάντες, ὅ
 τε πάντων, L. solent. ff. De offi
 Procons. nihil sordide, nihil avari
 nihil turpiter, in petendo salario fe
 cerint, sed Ordinatione vel modera
 tione Curiae contenti reipsa declara
 verint, magis sacrosanctæ Iustitiæ ac
 ministrationem executionemq; quàm
 lucri divitiarumque suarum incre
 mentum, sibi cordi esse. Quo ipsi
 coram Deo & hominibus testabur
 tur, se veros, non simulatos esse philo
 sophos & quidem Christianos, qu
 con

contemptis spretisque hujus mundi
 opibus fluxis, ac perituris, primum
 regnum Dei, illius justitiam quærunt,
 non ignari, cætera omnia sibi adje-
 ctum iri, teste Christo, *Lucæ 12.* ut
 tandem emenso hujus vitæ curriculo,
 æque sobriè, justè pieque transactâ,
 beatam spem, & adventum gloriæ
 magni Dei, & Salvatoris nostris Iesu
 Christi, expectare possint, qui apud
 Patrem humani generis Advocatus,
 pro nostris omnium peccatis, Apo-
 stolo teste, vera est propitiatio, *Epi-
 stola Ioannis 1. cap. 2.*

Epilogus seu Peroratio.

HÆc sunt, Gisberte fili, quæ de
 officio Advocati, & hujus supre-
 mæ Curiae Stylo, optimo certè zelo
 meditati sumus: quæ taemeti demisso
 & non affectato dicendi charactere
 conscripta sint, (neque enim ad di-
 ctionem illam Lipsianam insolentem
 & elaboratam adspirare cuivis con-
 ingit) speramus tamen, rem ipsam,
 bonis omnibus gratam, tibi verò
 Tyronibusque, quibus scripta sunt,
 non inutilem fore. Nos enim non

aliis, praxin forensem hujus supremae Curiae aggressuris, viam ostenderemus, quâ ad eam ritè legitimeque exercendam pervenire possitis. Scripserunt alii de officio Advocati, utpote Ioannes Baptista Caccialupi, & Lancelotus Politus, quos nos legimus sed ita succinctè & breviter, ut illorum operâ parum nos adjutos profiteamur. Tractant enim quæstiones quasdam, ad rem non pertinentes & quæ dubia non sunt, in disceptationem vocant; quales sunt: An Advocati officium de jure divino licitum sit: An sit laudabile & vitæ humanæ necessarium (quod tamen Imperatores Leo & Anthemius, *l. Advocati. C. d. Advocatis divers. judiciorum, & l. laudabile* *Tit. seq.* disertis verbis adstruunt & prædicant:) An pro patrocini & consilio, sine labore præstito, iustum salarium accipiat Advocatus: An pauperibus gratis patrocinari teneatur & alias consimiles. Quid enim attinet istiusmodi quæstionibus, ratione dubitandi carentibus, chartam replere? Nos eum tantum scopum nobis propositum habuimus, ut paucis & crasse (quod dici solent) Minervâ describeremus.

bamus, quid Advocatus in tractandis
 litibus, causisque forensibus, & face-
 re & vitare debeat, Ordinem judi-
 ciarium, ac Curiae stylum secuti. Re-
 liquum est, ut tu, qui eam, nobis sua-
 dentibus, favente Minervâ, ingressus
 es, & strenuè jam in ea progredieris,
 ita te componas gerasque, ut omni-
 bus bonis fidem facias, nihil te præ-
 ter boni viri, ac Christiani Advocati
 officium unquam facturum. Loquor
 autem de integritate animi, & vo-
 luntate, propositoque rectè agendi:
 Nam si vel praxis ignoratione, vel
 inconsideratè, in aliqua parte officii
 peccatum quid erit, nihil lædit existi-
 mationem, licet culpam non effugiat
 qui hallucinatur in eo, quod ad pro-
 fessionem suam spectat. Tuum erit,
 Gisberte fili, hæc ipsa, ut monita
 paterna, præceptionesque Curiae, cui
 jurejurando obstrictus es, amplecti,
 diligenter observare, & re ipsâ osten-
 dere, tibi, qui magnis sumptibus, la-
 boribusque ac vitæ periculis, (quibus
 imper. Fredericus juris studiosos ob-
 noxios esse testatur, *Auth. habita. C.
 ne filius pro patre.*) in Gallico carcere
 crudelissimo, injustissimo, ac diuturno

exantlatis, Doctorem Lauream in Pontimuſſana Academia (in qua celeberrimum illum Petrum Gregorium docentem audiviſti) cum laude adeptus es, ut accepimus, nihil prius, neque potius eſſe, quam in hac Advocacionis palæſtra ita decertare, ut non ſolùm nomen bonum famamque apud Friſios tuos, aliosque, qui operâ tuâ uſuri ſunt, conſequaris; ſed etiam vel maximè, ut decurſo huius vitæ curriculo, regni cæleſtis ac beatæ immortalitatis particeps ſias, ſine qua omnes omnium hominum actiones, vanæ ac infrugiferæ cenſeri debent. Ad quam tibi aditum parabis, ſi in ſolo Chriſto ſpe poſitâ, extra quem nulla cuiquam ſalus ſperanda eſt, *Actorum cap. 4.* memor fueris ſententiæ iſtius celeberrimæ: *Quid prodeſt homini, ſi univerſum mundum lucretur, animæ verò ſuæ detrimentum Patiatur Matth. cap. 16.* Quam qui cordis ſui penetralibus infixam habet, nihil injuſtè, nihil ſordidè, nihil ſubdolè, faudulenterque facturus eſt, non litem redempturus, aut de quota illius cum cliente pacturus, etiamſi cunctos homines falle-

re ac

re ac latere posset, qui semper Deum
 præsentem credens, utique cavebit,
 ne quid vel opere, vel verbo, com-
 mittat, quod oculos futuri iudicis of-
 fendere queat. Quemadmodum au-
 tem semper & ubique fidem bonam,
 industriam, atq; modestiam in exer-
 cenda praxi tibi commēdavi, ita quo-
 q; quam possum maximè, te hortor at-
 q; obtestor, ut avaritiam, deterrimam
 & execrandam pestem, ordini nostro
 proverbialiter, (quod enim lingua
 caufidici damnifera sit, nisi funibus
 argenteis circumligetur) vulgò ad-
 scriptam, quam longissimè, Christo
 præcipiente, à te pellas, ac cane pejus
 & angue (ut habet proverbium) fu-
 gias. Illa siquidem neminem non
 tentat & præsertim iis, qui captandis
 ex arte lucris nimis addicti sunt,
Lucæ 12. insidias semper struit. Ve-
 lim itaque, Gisberre fili, si ditescen-
 di cupiditate abripi te senseris, ut co-
 gites, quàm hæc mundana & exter-
 na bona sint fragilia, lubrica & vana,
 quæ teste Plinio secundo, post te a-
 lium atque alium dominum fortien-
 tur, & quantis periculis, tum corpe-
 ralibus, tum spiritualibus, obno-
 xia sit

xia sit hæc vita nostra, quæ animus
nostrum è recto statu pellunt ac even-
tunt. Laqueis undique cincti sumus
& quasi affectionum clavis perfora-
mur. Quod ipsum pulchrè describit
D. Ambrosius Episcopus Mediola-
nens. in tractatu de Bono mortis. cap. 3.
his verbis: Laqueus in auro, viscus
est in argento, nexus in prædio, cla-
vus in amore: dum aurum petimus
strangulamur; dum argentum quæ-
rimus, in visco ejus hæremus, dum præ-
dium invadimus, alligamur. Et paulo
post: Clavus est libido, clavus tristitia
clavus superbia, clavus iracundia, clavi
sunt omnes passionēs, quæ velut veni-
quoddam animam nostrā penetrant
& infigunt corpori, visceribusque eju-
s annectunt. Fugiamus ergo hæc mala
& exaltemus animam nostram ad il-
lam imaginem Dei & similitudinem
quæ fugā peccatorum, & virtutibus
acquiritur. Anima nostra alta petat,
supra nubes volet, renovatis splende-
scat exuviis, cælo volatus nostros in-
ferat, ubi laqueos incidere non possit.
Avis enim, teste eodem Ambrosio, quæ
descendit ex alto, vel quæ in altum
extollere se non potest, frequenter
aut

aut laqueis capitur, aut visco fallitur,
aut quibuscunque irretitur insidiis.
Ut autem prædicta mala declinare,
effugere, atq; evadere possis, author
tibi sum, atque hortor quantum pos-
sum, ut literas sacras tibi meo exem-
plo, familiares reddas, & quod suadet
D. Hieronymus, de manibus tuis
nunquam deponas. Latet enim in illis
teste Ioanne Pico Mirandulano, Con-
cordiæ Comite, in *Epistola ad Ioannem
Franciscum, ex fratre nepotem*, Cælestis
quædam vis viva & efficax, quæ le-
gentis animum, si modò eas purè hu-
militerque tractaverit, mirabili qua-
dam potestate transformat, has &
harum præcepta cælestia penetralibus
mentis tuæ imprimas, ac tabulis cor-
dis tui inscribas. Quarum vim & uti-
litatem describens D. Paulus Aposto-
lus *Epist. 2. cap. 3.* Timotheum horta-
tur, ut in illarum lectione perseveret,
hâc subjectâ ratione, quod ad salutem
ipsum instruere valeant; & concludēs
sermonem, inquit, Omnis scriptura
divinitus inspirata, utilis est ad docē-
dum, ad arguendum, ad corripien-
dum, ad erudiendum, ut perfectus
sit homo Dei, ad omne opus bonum

instructus. Cujus Apostoli authoritatem secutus, eas volve & revolve, & nocturnâ verses manu, versesq; diurnâ eas domi legas, eas foris ac in itinere, quod magnum illum Hopperum facere consuevisse accepimus, tecum circumferas, ut prædictorum commodorum compos fias. illud te admonitum velim, Gisberte fili, ut hæc duo nunquam obliviscaris, & filium Dei pro te esse mortuum, & te quoque, etiam si diu vixeris, brevi moriturum: Hisce quidem quasi geminis stimulis, altero quidem timoris, amoris altero, urge equum tuum, per breve stadium momentaneæ vitæ, ad præmia fecitatis æternæ, quando nullum alium finem præfinire nobis aut debemus, aut possumus, quàm ut perpetuâ utriusque hominis pace, infinito bono fruamur. Cujus quidem tum demum participes reddemur, si persuasum nobis habentes id, quod de Christianis prædicat Athenagoras Atheniensis philosophus, in *Apologia pro Christianis ad Imp.* nos & universum mundum totius vitæ hic transactæ, rationem redditurum conditori Deo, modestam, humanam & tenuem vitam eligat.

eligamus, nullum tam grave malum nos hic passuros rati, etiam si animam nobis aliquis eripiat, ut cum præmiis illis conferri queat, quæ illic ab iudice magno pro vita placida, humana, & iusta percipiemus. Ad quæ consequenda velis equisquæ, ut habet adagium, contendere, adspirare & anhelare debemus. Hoc negotium nostrum, hoc ocium, hic labor, hæc quies esse debet, in his vigiliam, in his etiam somnum reponamus. Denique unam hanc petamus à Domino, hanc requiramus, ut inhabitemus in domo Domini cum consensu, omnibus diebus vite nostre. Longius me provexit dulcedo quædam tecum loquendi, & quæ dicta sunt inculcandi ac infigendi. Proinde iterum atque iterum te moneo, Gisberte fili, hortor, atque pro jure meo tibi præcipio, ut in praxi exercenda summâ fide, pari constantiâ, nec verecundiâ minore verferis, & non tam samâ quam conscientiam tuam verearis, ac apud te non minus honestas, quam necessitas apud alios valeat. In auditorio nihil incondito turbidoque clamore agas, nemini convicium vel verbis, vel scriptis facias, sed unicuique,

que, juxta D. Pauli Apostoli *Epist. ad Rom. cap. 13.* præceptum, quod suum est tribuas, cui honorem, honorem; cui timorem, timorem. In eo enim versatur munus ac officium jurisconsulti ac Advocati, cui toto velim animo vaces, ac Spartam quam nactus es ornes. in primis verò pupillorum, viduarum, peregrinorum pauperumq; causas justas, prompto & alacri animo, absque salarii spe, si inopes sint, defendendas suscipias. Ita enim futurum est, ut Dei opt. max. favorem, gratiam ac misericordiam sis consecuturus: Qui nihil acceptius sibi fieri posse apud prophetam *Hierem. cap. 21* testatur his verbis, Facite judicium & justitiam, & liberate vi oppressum de manu calumniatoris, & advenam, & pupillum, & viduam nolite contristare, neque opprimatis iniquè. Id si feceris, Gisberte fili, uti te facturum spero & confido, eveniet tibi quod per Esaïam prophetam *cap. 58.* reliqua misericordiæ opera ibi numerata facienti Deus promittit: Erumpet quasi manè lumen tuum, & sanitas tua citiùs orietur, & anteibit faciem tuam justitia, & gloria domini colliget


gette. Tunc invocabis & dominus exaudiet te, clamabis & dicet, ecce adsum. Porro cùm hæc de officio Advocati & supremæ Curia Frisiae Stylo meditationes, nulli alii quàm tibi inscripserim, & præter morem ac consuetudinem, patronum nullum delegerim, tibi incumbit, ut eas, velut primum ingenii mei foetum, in his tantùm quæ veritate nituntur, adversus invidos ac iniquos censores, foveas, tuearis, atque defendas. Quod eo quidem facilius præstabis, quòd ego Plinii illius Secundi morem in publicandis scriptis secutus, eas in publicum emissurus, doctissimorum quorundam juriscons. praxin callentium, amicorum meorum judicio, ante examinaverim, & ipsemet quoque sæpè sub limam revocaverim. Quod si non omnibus eas placere intellexeris, nec te, nec me turbare debet, cùm vix unquam quisquam repertus sit, qui omnibus lucubrationes suas probare potuerit. Quis enim ignorat, varia esse hominum judicia, varias cogitationes? Adnisius tantùm sum tyronibus inservire, ut illi, vitatis scopulis quibusdam, in hoc freto pratico occurr-

occurrentibus, absque discrimine, recto cursu portum subire queant. Fateor equidem, esse quædam in his meditationibus meis, quæ & plenius, & accuratius tractari possint, sed ut vetus habet dictum, non omnia possumus omnes: bona certè voluntas mea, quæ in magnis vel sola probatur, de tyronibus hujus supremæ Curiae Advocatis benemerendi, etiam viribus destituta, apud æquos rerum æstimatores, laude sua caritura non est. Mihi suffecerit, Gisberte filii, si ad pietatem, & in causis agendis integritatem, hisce meditationibus meis, tibi nunc etiam sponte currenti, calcar additum percepero. Quid enim, quæso, magis in voto mihi esse potest, quàm ut tu, qui primogenitus filius es, & ad virilem ætatem jam pervenisti, reliquis liberis meis, si quid humanitus mihi, annum sexagesimum secundum agenti acciderit, fideli consilio & ope adsis, & apud Frisios tuos, nec non externos, operam tuam requisituros honestum tibi nomen pares. Quod ipsum si consecutus fueris, (consequeris autem, si monita præ-

ta præceptaque, hisce meditationibus meis comprehensa, diligenter observaveris, factisque expresseris (virtutis enim laus omnis in actione consistit. Cicerone teste) utrique nostrum optimè consultum erit: Nam & tu bonæ conscientiae testimonio fultus hilarem jucundamque hic vitam duces, ac corpore spoliatus, cum Christo, sine fine victurus; & ego reliquum vitæ meæ tempus quod superest, piis meditationibus transmittens (causis enim agendis abstineo) de viatico ad longum illud iter conficiendum necessario, paulatim & seriò mihi prospiciam, & gradibus ad meliora conscendam. Vitæ namque summa brevis (ut Poëtæ verbis utar) spes me vetat inchoare longas. Quid enim aliud sperare vel deo vel possum homo senex, quàm ut & spretis contemptisque omnibus hujus seculi curis & illecebris, pravis affectibus divictis, omnibusq; turbidis animi motibus cohibitis, nec non pietatis charitatisque operibus præstitis, divinam gratiam ac misericordiam mihi comparem, ut eâ tectus atque munitus, à morte secunda illæsus

362 DE OFFICIO
illæsus permaneam, quod mihi Dei
& beatæ Virginis filius Iesus Chri-
stus humani generis Servator conce-
dere dignetur, Amen.

FINIS.



ELEN-

ELENGHUS CAPITUM

huius Tractationis.

- C**ap. 1. De Etymologia vocabuli & variis Advocati appellationibus. Fol. 1.
- Cap. 2. Definitio sive descriptio Advocati. 3.
- Cap. 3. Quod sit Advocati officium in genere erga Deum & homines. 7.
- Cap. 4. Quomodo rectè inter homines aget Advocatus. 10.
- Cap. 5. Quòd non sufficiat, si Advocatus honestè vivat, nisi ab alterius læsione absteineat, & cuique quod suum est tribuat. 15.
- Cap. 6. Quomodo in litibus exercendis versari debeat Advocatus. 17.
- Cap. 7. Utrum justam causam fovendi liceat injustè litigantem dolò circumvenire. 21.
- Cap. 8. De Cautionibus quas Cautelas vocant & earum usu. 29.
- Cap. 9. Quod sit officium Advocati in tractandis causis civilibus. 35.
- Cap. 10. Quomodo Advocatus se gerere debeat apud proprium clientem. 40.
- Cap. 11. Quomodo apud Iudicem. 45.
- Cap. 12. Quomodo clientis sui adversarium tractare debeat. 52.
- Cap. 13. Quomodo Advocatum diversæ partis. 57.
- Cap. 14. Quod sit Advocati officium, in exercendis ordinis judiciarii partibus, & primum quoad Citationem. 61.
- Cap. 15.

Cap. 15. Quomodo Reum defendere debeat Ad- vocatius.	70.
Cap. 16. De recusatione iudicis, aliisque Exce- ptionibus.	74.
Cap. 17. De libello, Responsione. Replicatione, Duplicatione, aliisque scripturis.	82.
Cap. 18. Quod sit Advocati officium in includen- do ac instruendo processu ante sententiam in- terlocutoriam.	91.
Cap. 19. De sententia Interlocutoria.	93.
Cap. 20. De dilationibus probatorii.	95.
Cap. 21. De positionibus, Articulisque proba- torii.	99.
Cap. 22. De Confessionibus.	203.
Cap. 23. De interrogationibus quæ vulgò inter- rogatoria dicuntur.	208.
Cap. 24. De Testibus producendis.	212.
Cap. 25. De instrumentorum editione.	221.
Cap. 26. De Renunciatione.	223.
Cap. 27. De Reprobationibus testium.	225.
Cap. 28. De Salvationibus testium.	229.
Cap. 29. De Conclusionem & complemento seu re- pertorio processus post sententiam interlocuto- riam.	231.
Cap. 30. De consiliis seu juris informationibus.	234.
Cap. 31. De Sententia Definitiva.	239.
Cap. 32. De Appellationibus.	246.
Cap. 33. De Reauditione.	251.

Cap.

Cap. 34. De Revisione imperanda & exeque- da.	254.
Cap. 35. De Executione rei judicate,	262.
Cap. 36. De litteris dilationum quinquennaliu & aliis.	273.
Cap. 37. De beneficio Inventarii.	277.
Cap. 38. De beneficio Cessionis bonorum.	281.
Cap. 39. De Actione injuriarum.	290.
Cap. 40. De officio Advocati in causis capitali- bus.	299.
Cap. 41. De iis qui purgationi carcerique se of- ferunt.	315.
Cap. 42. De beneficio remissionis criminum.	322.
Cap. 43. De sumptibus litis.	233.
Cap. 44. De honorariis seu salariis Advocato- rum.	337.
Epilogus seu peroratio.	349.

F I N I S.



Cap. 1. De vindinge der werelt.
Cap. 2. De vindinge der werelt.
Cap. 3. De vindinge der werelt.
Cap. 4. De vindinge der werelt.
Cap. 5. De vindinge der werelt.
Cap. 6. De vindinge der werelt.
Cap. 7. De vindinge der werelt.
Cap. 8. De vindinge der werelt.
Cap. 9. De vindinge der werelt.
Cap. 10. De vindinge der werelt.
Cap. 11. De vindinge der werelt.
Cap. 12. De vindinge der werelt.
Cap. 13. De vindinge der werelt.
Cap. 14. De vindinge der werelt.
Cap. 15. De vindinge der werelt.
Cap. 16. De vindinge der werelt.
Cap. 17. De vindinge der werelt.
Cap. 18. De vindinge der werelt.
Cap. 19. De vindinge der werelt.
Cap. 20. De vindinge der werelt.

2 1 1 2

